

DE
ECCLÉSIA
SEPTEMPEDANA
LIBRI III.

AUCTORE

JOANNE CAROLO CAN. GENTILIO
E SANCTOSEVERINO

Pars Prima



MACERATÆ 1836.
EX OFFICINA ALEXANDRI MANCINI
Superiorum Permissu

1861

ALYSSUM

ALYSSUM

ALYSSUM

ALYSSUM

ALYSSUM

ALYSSUM

Hic sacra, hic gentis, hic majorum multa vestigia.

(Cic. de Leg. Lib. 2.)



UNIVERSITY OF CAMBRIDGE

BERNARDINO LUTIO
EX MARCHIONIBUS VOTALARCÆ

ANTISTITI URBANO

Libertianæ Basilicæ Canonico

UTRIUSQUE ANNONÆ PRÆSIDI ETC.

Ioannes Carolus Can. Gentilius

Magnam, atque incredibilem patriæ necessitudinem infixam haerere tibi in animo alacres et læti inter nos gratulamur. Verum non ea sunt beneficia tua, ut includantur omnium nostrum memoria licet gratissima. Testari nos illa posteritati omni par est: idque me potissimum decet, qui non modo civis tuus sim, sed etiam multis nominibus Tibi obstrictior. Et illud mihi sanè percommodum accidit, quod Septempedanorum historiam illustrandam, augendamque susceperim,

eamque e praelis emergentem offerre me. Tibi licet, cum tuorum in nos meritorum, tum nostrae tibi devinctissimae voluntatis testimonium. Antiquas civium res modo augeri, modo minui, nec easdem perpetuo esse videbis. Mox, imperii sede in Graeciam translata, crebrae Italiae vastationes consequentur. Hinc ipsam quasi patriae memoriam funditus deletam plorabis, nec illi suum esse honorem restitutum nisi sero. Nam cum externos mores italici caeli temperies aliquando ad humanitatem

deflexerit; paululum et res nostras sustulisse laetaberis. Antequam vero ob factionum tempestates aliqua pacis spes affulgeat, prospicies quid indulgentia principum peccaverit, quidve audacia. Tuas sæpe virtutes his in chartis reperies: tua in civibus facta miraberis. Tua igitur interest, ut jam nunc faveas patriae gesta quacunque ratione narrantibus; uti libentius, quae recitant, colloquenti inter se juventuti argumento sint, indeque, quod est optandum potissimum, edoceatur. Fa-

xit interim Marchesina, sanctissima illa
tui generis foemina; faxint, qui in hac
opella percensentur, caeteri spectatae cu-
jusdam virtutis fama praestantiores viri,
ut illorum precibus te patria, te romana
res, animo pariter, et dignitate floren-
tem, incolumem, et beatum quam diu-
tissime habeat. Vale.

Septempeda kalendis Julii 1836.

PRÆFATIO

*M*ulta, ac varia de sacris Septempedanorum rebus extant; nec cuiusvis est civis, aut perlegere omnia, aut in ordinem redigere, aut memoria custodire. Quò fit, ut complures ab earum lectione abhorreant, multi earum summam desiderent, ubi res maxime memorabiles breviter, atque ordine comprehendantur. Quare ego non invitatus feci, tum civium causa, tum mea, ut hanc qualemcumque Ecclesiae Septempedanae historiam contexerem, duabus, nec inutilibus, ut spero, partibus complexam. Feci etiam, ut præcipuos cu-

jusque rei adscriberem auctores, fontesque indicarem, unde scilicet, si cui libitum foret, eadem illa uberius liceret haurire. Mihi latius quandoque placuit vagari, et quodcumque memoratu dignum colligere, et, ubi opus esset, explanatione illustrare. Diplomata, vetustasque membranas in volumen diligentissime a Bernardino Crivellio perstrictas, et caetera, quibus etiam historia haec nostra innititur, quaeve Ferdinandus Ughellius, Joannes Baptista Cancellottus, Octavius Turchius, Bernardus Gentilius de Rovellono, alique cursim ediderunt, suis locis vel indicavi, vel obtruncata ita attuli, ut, quae ad rem facere viderentur, decerperem, reliqua praetermitterem. Quoniam vero plurima non tam Antistitum, quam Ecclesiae propria esse videntur; idcirco convenientius duxi nonnullarum rerum genera partiri, eaque a suis initiis usque ad

exitum perducere, et, ad eorum chronotaxim illustrandam, rem civilem tantisper degustare. Imo res, quae primaevis praesertim saeculis pertractantur, non ita nostrates sunt, ut latius saepe necessario non pateant, atque ad historiam universam minime pertineant. Multa etiam inedita hactenus monumenta edentur, quae acceptissima civibus futura esse minime dubito. Si manca vero, et hiulca identidem res ipsa invenietur, id ex monumentorum, scriptorumque defectu vel inopia evenisse, satis cuicumque persuasum esse puto.

Sed antequam ea, quae de Ecclesia dicturi sumus, legenda quisque suscipiat, oro, ut dissertationes tres, quae rebus sacris praemittuntur, illustrare velit, in quibus nempe de civili Septempedanorum historia breviter dicam. Nec quis extra orbitam excurrisse me iudicet, praesertim cum de ea


edenda cogitaverint, sed scriptam tantum reliquerint, comes Leonardus Franchius, Valerius Cancellottus, et Hieronimus Talpa, a quibus, nisi evidens urgebit argumentorum vis, minime recedendum duxi, cum auctoribus de rebus patriis disserentibus non sit fides deneganda, nisi certo constet de eorum inscitia, de mala fide, de contradictionibus, de erroribus, quos narrando prætulerint. Insuper integris potius ac solidis, quam fractis numeris et imminutis iusta per intervalla rerum memorabilium tempora, uti rebus in sacris, notanda putavi; quo et memoriae imbecillitati, et temporum varietati servirem quam maxime. Sciat tandem quisque, comitem Severinum Servantium-Collium, Germanum Margarucium, et Josephum Ranaldium, qui nostratum rerum habentur merito peritissimi, quique meas aliquid semper putarunt nugas, me perpulisse, ut, quod

privatum bonum esse volueram , paterer esse commune, et, quod inchoatum circumferri videbam , absolutum prodire in manus civium sinerem. En igitur dissertationum argumenta.

I. De prisca Septempedanorum civitate.

II. De antiquis Septempedanorum monumentis.

III. De nova Septempedanorum civitate.



$\lambda = 1$ $\lambda = 2$ $\lambda = 3$ $\lambda = 4$ $\lambda = 5$ $\lambda = 6$ $\lambda = 7$ $\lambda = 8$ $\lambda = 9$ $\lambda = 10$
 $\lambda = 11$ $\lambda = 12$ $\lambda = 13$ $\lambda = 14$ $\lambda = 15$ $\lambda = 16$ $\lambda = 17$ $\lambda = 18$ $\lambda = 19$ $\lambda = 20$
 $\lambda = 21$ $\lambda = 22$ $\lambda = 23$ $\lambda = 24$ $\lambda = 25$ $\lambda = 26$ $\lambda = 27$ $\lambda = 28$ $\lambda = 29$ $\lambda = 30$
 $\lambda = 31$ $\lambda = 32$ $\lambda = 33$ $\lambda = 34$ $\lambda = 35$ $\lambda = 36$ $\lambda = 37$ $\lambda = 38$ $\lambda = 39$ $\lambda = 40$
 $\lambda = 41$ $\lambda = 42$ $\lambda = 43$ $\lambda = 44$ $\lambda = 45$ $\lambda = 46$ $\lambda = 47$ $\lambda = 48$ $\lambda = 49$ $\lambda = 50$

$\lambda = 51$ $\lambda = 52$ $\lambda = 53$ $\lambda = 54$ $\lambda = 55$ $\lambda = 56$ $\lambda = 57$ $\lambda = 58$ $\lambda = 59$ $\lambda = 60$
 $\lambda = 61$ $\lambda = 62$ $\lambda = 63$ $\lambda = 64$ $\lambda = 65$ $\lambda = 66$ $\lambda = 67$ $\lambda = 68$ $\lambda = 69$ $\lambda = 70$
 $\lambda = 71$ $\lambda = 72$ $\lambda = 73$ $\lambda = 74$ $\lambda = 75$ $\lambda = 76$ $\lambda = 77$ $\lambda = 78$ $\lambda = 79$ $\lambda = 80$
 $\lambda = 81$ $\lambda = 82$ $\lambda = 83$ $\lambda = 84$ $\lambda = 85$ $\lambda = 86$ $\lambda = 87$ $\lambda = 88$ $\lambda = 89$ $\lambda = 90$
 $\lambda = 91$ $\lambda = 92$ $\lambda = 93$ $\lambda = 94$ $\lambda = 95$ $\lambda = 96$ $\lambda = 97$ $\lambda = 98$ $\lambda = 99$ $\lambda = 100$

DE ANTIQUA ET NOVA
Septempedanorum Civitate.

DISSERTATIONES TRES

I.

De piscis Septempedanorum Civitate.

Percupidis gloriae, ac doctrinae hominibus majori quidquam incitamento et virtutis, et laboris esse non potest, quam si patriae gloriam propositam sibi esse animadvertant. Sic maximo totius Graeciae conventu, ludis olympiacis, celebratae potissimum fuerunt civitates Graecorum, quod earum laudibus fortes viri, veluti quibusdam stimulis, ad olympia certamina concitarentur, iisdemque laudibus, uti praemiis, si forte victores evasissent, donarentur. Sic Pindarus, quum Xenophontem corinthium olympionicam virum fortissimum exornare laudibus vellet, ipsam illius patriam in caelum efferendam suscepit. Ita igitur mihi jam inde ab aliquot annis, si licet grandibus

uti exemplis in parvo, vobiscum agendum arbitratus sum, cives, ut laudibus vos vestris ad omnia virtutis studia vehementius provocarem, atque incenderem: dum meas esse partes duxi id efficere, ut sciretis quidquid de patria vestra in vetustioribus literarum monumentis positum inveniri potest. Et si forsán paulo fusius res aliquandiu commemoravero; hoc unum animadvertatis contendo, municipalem historiam utiliter nunquam scribi posse, et comiter legi, nisi publicis rebus privatae devinciantur.

PICENI. In ea Piceni parte, qua Potentia flumen mitissime perfluit, in planitie non longe ab Appenninis montibus, cui aeris, amaenitatis, et fertilitatis laus est deferenda, quam agro Piceno tribuit Livius, Strabo, Martialis, alique; *Septempedam* (1) fuisse majores nostri

(1) Strabo lib. 5, et 8. — Plinius lib. 3, cap. 12. 15. — Claudius Tolom. in 6. tab. Eur. — Iginus Libertus Augusti. — Frontinus de coloniis romanis. — Balbus Mensor. — Tab. Peutingerianae. — Urbicus. — Ortelius Thesaur. geogr. — Sigonius de regno italico lib. 1. — Recisperius. — Baccius de natur. vin. lib. 3. — Merula cosmog. p. 2. lib. 4. — Albertius descript. Italiae. — Blondus dec. 1. — Nigrius geogr. com. 7. — Pranzonus de laudibus Piceni. — Antonellus Hist. Ascul. lib. 2. — Cluverius lib. 2. — Cellarius geogr., alique.

per manus usque ad haec tempora tradidere, uno fere milliaro haud procul a situ, in quo modo *Septempeda nova* seu *Sanctiseverini* civitas assurgit (1). Et revera adhuc conspiciuntur maceries durissimae structurae, et lapilli fluviatiles ita conglutinati, ut unam materiam verius diceres, aequae ac perantiquae urbis fundamenta a villicis terram altius fodientibus saepe saepius reperta. Ex iis addiscimus, illud structurae genus apud Septempedanos in usu fuisse, quod tophis seu lapidibus inaequalibus constabat, rombi potius, quam quadrati formam praeseferentibus. Ut autem opus firmiter consistere, atque parietes externam quoque faciem intuentium oculis praestantiorum praebere; usum ipsi progressu temporis receperunt, ut passim rudera fidem faciunt, coctos lateres eidem operi superinducere. Sed utriusque structurae genus apud eos in desuetudinem abiit, et, nonnisi lateribus jacentibus, tenacique calce coagmentatis, sive minoribus,

(1) Eudo episcopus Camerini in diplomate lato anno 994. relat. a Muratorio. — Caecilius III. in bulla an. 1198. — Gregorius IX. in bulla an. 1228 — Berlingherius geogr. cap. 14. — Itin. Ant. Pii, alique.

qui laterculi vocabantur, sive majoribus, quos frondatos appellavit Plinius, (1) aedificia constructa fuere, patentibus ubique figulinis, ubi dominorum ac saepe consulum nomina in lateribus inscribebantur, quibus non semel consulares fasti sunt emendati, et ad nostros illustrandos oportuni caderent, si barbarorum immanitate, aut civium socordia non periissent omnes. Ex iis autem consequitur, ut facile conjiciatur aetas tempusque, quo Oppidum fuit constructum atque prolatum. Nam quae somniarunt aliqui de urbium conditoribus, deque aliis populis, qui saeculis multis ante Romam conditam floruerint, quis hoc tempore commemorare audeat? Fuit olim (2) istiusmodi fabellis pretium; nunc una veritas exquiritur et probatur. Esse tamen Septempedam longe antiquissimam neminem negaturum credo.

Nomen ipsum varias tulit mutationes, ita ferente temporum usu, apud quem summa est potestas in linguis, hominumque sermone.

(1) Lib. 36.

(2) Consule opus el. Micali typis divulgatum anno 1832.

Alii enim (1) *Septempedam*, alii (2) *Septimipedon*, *Septimipedem* (3) alii nominarunt: ejus vero incolae a Plinio *Septempedani* sunt dicti. Hanc igitur nominis mutationem post Plinii aetatem accidisse arbitror: nam omnes, qui vix ullam antiquitatis cognitionem habent, norunt, quarto in primis, quinto, et sequentibus aliquot saeculis a Christo nato pro una passim alteram usurpari literam consuevisse. Neque devexiori solum aevo, sed, adhuc florente lingua latina, hujusmodi transmutatio cepit obtinere. Imo primum maxime fuit librariis in antiquis voluminibus exscribendis depravare, et pervertere nomen, quod neque ipsi unquam audierant, et, cujusmodi esset, utpote jamdiu obsoletum, ignorabant.

De *Septempedanorum* rebus ante Picentum foedus cum romanis initum quid dicam non A.U.C. habeo. Nam ante annum 453. ab urbe condita, 453

(1) Itin. Ant. Pii. — Munsterius cosmog. — Boccart. et Bardettus de lin. et prim. incol. Italiae. — Compagnonus reg. Pic. — Civallus vis. trien.

(2) I. B. Cancellotius in vit. S. Severini Episc. lib. 3. — Franzonus de laud. Marchiae.

(3) Bremond. bull. Ord. Praed. vol. 3.

T. Manlio Torquato, et M. Fulvio Petilio consulibus, frustra quaero (1) ex historia, quomodo Septempedani una cum Picentibus societatem illam percusserint, quae, teste Sigonio, ad annum unum supra triginta fuit deducta. Laborantibus enim de salute patriae romanis ex civitatum Etruscarum bello, et ex Samnitum defectione, auxiliumque a foederatis petentibus, scimus, Picentes, pecuniam, et milites paratos ex formula esse, et, si pluribus opus esset, plura. A.U.C. res daturus, respondisse (2). Et id sane romanis percommode accidit, dum anno 459. in hostium ditiones iterum invadentes omnem eorum impetum, et invictas vires mirabili, ac prope incredibili felicitate perfregerunt.

Dum ita, Picentibus coadjuvantibus, romani late rerum in Italia potiebantur; Galli Senones induci non poterant, ut victorum decretis subscriberent; imo populationibus grassabantur in Aretinos, qui foedus cum republica jam inierant. Quare consul per Picenum

(1) Livius lib. 9. — Florus lib. 1. — Eutropius lib. 2. — Livius lib. 10.

(2) *Picentibus gratiae actae* — *Picentes in fidem romanis populi venerunt* — Plinius.

in eorum fines transgressus non paucas edidit nobilium caedes, urbes passim cum incolis inflammavit, et haud multo post pluribus in locis pene ad internecionem eorum acies delevit. Atque hoc pacto illud atrox bellum fuit extinctum, quod nisi cito, Piceno opem ferente, repressum fuisset, extremam forsitan Romae vastitatem, et capitolio rursus flammam allaturum videbatur.

Ubi ad pacem ventum est, et ad coloniarum deductionem in subactis Gallorum agris, romani praeprosperae fortunae nimium fidentes in Picenum inolescere, et ad tyrannidem sua potentia abuti coeperunt. Quare bellum est (1) ortum, quod, quam funestum fuerit Septempedanis, nemo ullis unquam verbis consequi A.U.C. poterit; quodque tamen ad annum 484. fuit 484 dilatum; nam prius romani in magnas voluerunt angustias adducere Caricinos, et Umbros Camertes, qui satis firma praesidia communi

(1) Livius epit. lib. 15. — Polibius lib. 2. — 2. Gallone, Fabio Pictore coss., bellum Picentes commovere, et ab insequentibus coss. Publio Sempronio, Appio Claudio victi sunt, et de his triumphatum est. — Picentibus victis pax data, coloniae deductae, Ariminum in Piceno.

hosti opponebant. Publius Sempronius Sophus, et Appius Claudius Romae tum consulum gerebant. Claudius igitur Cămerles prostravit, et Sempronius, Picentum feritate nihil deteritus, cum paucis exploratum ivit, undique advolantibus nostris, quos ille mira animi constantia contempserat. Pugnatum est interea aliquoties, irrumpentibus romanis in nostros; et modo illi, modo nostri victores abierunt, donec tandem Sempronius omnem vim expugnandorum Picentum adhibere constituit. Jam enim tanta armatorum vi loci omnes erant oppugnati, ut non modo concuti tellus, sed tota passim hiscere videretur. Tum Septempeda in jus victoris concessit, et acerbissime tulit sibi antiquorum jurium facultatem ereptam. Et licet Picentes, qui e caede profugerant, ad audendum fortiter essent animati; tamen promissis (1) integra fide steterunt, aequae ac nostri, ad quos *Praefectum* quotannis ex urbe missum fuisse teneo: nam ex subactis Picentum oppidis minime nostrum, quidquid sentiat Bernardus Gentilius de Rovellono (2),

(1) Livius 1. 36. — Dion. 3. 50.

(2) Dissert. sopra le antichità di Settempeda.

est eximendum, cum bellum sane atrox atque universum (1) respublica in Picentes gessisset, cumque illud a Vellejo Paterculo descriptum ad tempus aliud sit referendum.

Piceno et tota pene Italia domita, ac bello primo Punico confecto, M. Flaminius Censor viam Flaminiam munivit, et circum instruxit. Quod licet summo Septempedanorum bono caderet, in eodem tamen abjectionis gradu eos adhuc perseverasse video: nam romanis de hostibus devictis triumphum tantum ducere, et propagandi imperii fines studium, unica laus erat. Hoc instituto, alternis annis ingentes copias educendo, populos bello superatos haud humaniter suscipiebant, et victi nihil impetrabant aliud, nisi ut castra sequerentur.

Interim Saguntum, urbs amica populo romano, ab Hannibale Carthaginiensium duce deletum secundi belli punici principium fuit, et Italiae, ac praesertim Piceno novarum calamitatum origo; donec Hannibal a suis in Africam revocatus signa cum Scipione contulit, et victus profugit in Asiam, Carthagine domita atque subacta. Dum haec agebantur, Senatus in comi-

(1) Plinius hist. nat. lib. 3. — Florus lib. 1.

tiis proposuit, quanto in discrimine res essent, nisi animis ad italicas urbes, quae ad Hannibalem defecerant, revocatis, eis obviam irent poena durissima. Quare uno omnes animo injurias civitatibus irrogarunt, et inventi in urbe fuere, qui conditione iniqua in colonias proficiscerentur, praemiis ubique propositis, et agraria largitione egentibus facta. Nos vero etsi ignoremus, an vires suas ad Hannibalem contulissent Septempedani, an suum in rempublicam animum egregie fuissent testati; nihilo tamen meliori loco res quoque eorum fuisse putamus. Nam ad haec tempora, uti Auximo (1), aliisque apud Picentes evenisse comperimus, referendam esse videtur apud nostros eorum (2) coloniam, qui Romae e plebe sumebantur, atque ex proletariis fere et capite census, quique et vacationem militiae habebant, nec nisi numerus erant, et frugibus consumendis nati. Satis est enim, in fragmentis Balbi mensoris (3) apud Fronti-

(1) Martorellius lib. 1.

(2) Eutropius — *Agri fuerunt mulctati.*

(3) *Septempeda oppidum: iter populo non debetur: ea lege continetur qua et ager Cingulanus.* — Frontinus

num, Septempedanum agrum Cingulanorum, et Potentinorum coloniis fuisse aequiparatum.

Sed paulo post L. Scipio in urbem cum triumpho Asiaticam deportavit luxuriam; M. Fulvius Aetolos domuit; L. Aemilius Paulus, et Q. Metellus Macedoniam rebellantem sub imperium redegerunt; et P. Scipio Aemilianus ex Carthagine solo aequata Africani nomen, quod haereditarium habebat, per se partum obtinuit; Thessalia, Epiro imperio romano adjunctis, Numantiaque eversa. Dum foris bella romanus ita feliciter gerebat; mores, Graecorumque artes, et disciplinae in urbem fuerunt invectae; et quae olim angustae dominationis limitibus circumscripta triumphantibus civibus laetaretur, qui ad victoriae praemium adjunxerant Volscorum armenta, vel Sabinorum greges, aut pauca Gallorum carpenta; propagato imperio, non juste decretos honores putavit, nisi exterarum

de colon. ex lib. Balbi provincia Picena apud Goesium rei agrar. Astilod. — *Cingulanus ager ea lege continetur qua et ager Potentinus* — ibi — *In limitibus intercessivis, et jugeribus est assignatus ubi cultura. Caeterum vero insolutum est nam multa? loca haereditaria accepit eorum populus* — ibi —

gentes praeliis domitae romani imperii fines longo terrarum tractu auferent, atque illarum praeda, spoliisque triumphus illustrior fieret. Dum igitur tot sustinebant, et tanta negotia romani, res italas armis tutabantur soli, ornabant moribus, legibusque emendabant: in publica commoda peccassent Septempedani, si essent veriti, ne apud posteros dedecus sibi esset, quod viderentur devoti Romanis esse. Nam si in eorum colonia jam erant ex more (1) reipublicae formam contemplati; si urbis (2) imaginem in magistratibus, in foris, in curiis, in templis; nunc moribus laetabantur expolitis, artium, scientiarumque progressu superbiebant, ut his etiam, uti suo loco innuimus, suas ostentarent opes, suam amplitudinem, ac magnificentiam; quae omnia ita eos finxere, ut ad municipii honorem sublimarentur (3).

Sed diu coloniae injuriis non vacarunt :

(1) Hannibal Oliverius in mar. Pisaur.

(2) Lypsius de mag. rom. lib. 1.

(3) Cellarius or. ant. — Brietius pararel. geogr. lib. 5. — Ughellius It. sacr. vol. 2. — Gruterius — Rainerius — Gorius — Manutius origr.

nam primum Tiberius Sempronius Gracchus , agraria lege lata, rempublicam turbavit; mox Lucius Appulejus Saturninus, et tandem Marcus Livius Drusus easdem leges per vim pertulerunt , quibus nihil usquam ad largitionem relinquebant, nisi si quis aut coenum dividere vellet, aut caelum. Verum cum italicis populis promissa persolvere Drusus ipse non posset, sociali bello ardere coepit Italia. Tum Mar- si , Peligni , Samnites , Lucani , Picentes , alii- que , cum civitatem a tribuno plebis ostenta- tam non impetrassent , armis extorquere co- nati sunt. Pax igitur otiumque per id tempus haud Septempedae fuit.

Haec res vehementissime senatum commo- vit, et scelus hoc in Piceno expiare Publius Servilius perquam erat studiosus (1). Quare superbissime in maximo (2) Asculanorum con- ventu allocutus , ultimas fuit ipso in foro ca- lamitates perpessus, et gravissima quoque de civibus romanis supplicia inibi sumpta. Ve- rum Asculani a proposito reipublicae tam in-

(1) Livius dec. 3. lib. 3. et lib. 4. — Orosius lib. 5.

(2) Florus lib. 4. — *Caput gentis Asculum* — apud Gruter.

festo nulla se passi sunt ratione deduci ; et quam cito serperet ejus belli contagio , satis dici non potest : nam in auxilium sibi statim adsciscunt Marsos , Vestinos , Samnites , Ferentanos , Pompejanos , Picentes . Mox accitis italicis consulibus , Tito Pompedio Silone et Cajo Aponio Mutilo , majores copiae instruuntur , et multa hominum millia producuntur in aciem : id bellum Marsicum , Italicum , et Sociale dictum . Quare fuit concursus in Rutilum , et Caesarem romanorum consules , inque alios , quos huic bello Quirites praefecerant . Et hoc praecipue de Picentibus cunctis fatendum . Cum vero in Gnei Pompeii Strabonis , Lucii Silvae , aliorumque reipublicae imperatorum placita ipsi venissent ; civitas tandem ultro eis cum pace fuit data . Sunt qui (1) scribunt , explorata tum Septempedanorum studia adeo romanis in ipsius belli primordiis eos commendatos fecisse , ut sic voluerint illos existimare , se , quaecumque ad eorum incolumitatem , quaecumque ad ditionis , juriumque

(1) Scaramuccia dis. ist. — Martorellius hist. Aux. — Gentilius loc. cit.

adauctum pertinerent, in iis numquam defuturos. Nos vero etsi sciamus cum Vellejo, (1) civitates quamplures in Italia arma non coepisse; id tamen haud facile de Septempedanis intelligendum putamus: nam magnam illis seditioni, et caedi ansam Asculani jam praebuerant, et perquam bellicus erat totius hadriatici litoris, et Piceni interioris aspectus. Quare ratio non affulget, cur credamus cum Gentilio, (2) apertam vim in romanos ipsos non intendisse; sed potius, foederatorum fortuna inclinante, Septempedanos non impune ferentes eorum tumultum, qui pervicacibus armis, ad interitum usque, patriae libertatem tuendam susceperant, aliarum urbium exempla imitantes sese romanis dedidisse opinamur.

Haec inter civilis contentio invidiae facibus fuit excitata; et Senatus tot calamitatibus pressus, civitate ad universam Italiam data, summopere urbes absterrere fuit conatus, ne sociale foedus jam compressum reviveret. Ante-

(1) Lib. 2.

(2) Gentilius loc. cit.

quam igitur Marius in Romam cum copiis ir-
rumperet; antequam Sylla victorem exercitum
transportaret ex Asia, et, profligatis hostibus,
urbem, Italiam, et Picenum praesertim stra-
gibus compleret; Septempeda romanorum mu-
nicipium dici jam potuit. Sunt hujus rei gra-
vissimum argumentum magistratus municipales
Septempedani, quos habemus in antiquissimis
inscriptionibus, quarum nonnullas in subse-
quenti capite non erit forsitan injucundum ci-
vibus referre, et pro modulo nostro illustrare.

Dum imperium tota Asia propagabatur;
Roma ipsa, Etruria (1), Picenum intestino bello
exarsere. Lucius enim Catilius, exercitu compa-
rato, de caede consulum ac senatus, deque in-
flammanda urbe conjuraverat, et per Etruriam,
ac Picenum jam contendebat erumpere; nisi
praetores Q. Pomponius Rufus, et Q. Metellus
Celer saevissimum hostem oppressissent. Ast
dum perditissimi viri alia bella ex aliis infere-
bant; suspicari quisque facile potest, longe
majora damna Septempedanis praetori utrique

(1) Salustius de bello Catil. — Eutropius lib. 2. —
Plut. in vita Pomp. — Orosius lib. 4.

addictissimis ipsos fuisse daturos, si ea conjuratio oppressa non esset.

Ubi C. Julius Caesar amicitiam, quae illi cum Pompejo intercesserat, dissolvit, et Ravennae a militibus (1) imperator fuit conclamatus, Q. Hortensio Oratoris filio praecunte; in Ariminenses ipse transtulit arma, et eorum urbe potitus victoriam retulit ex Pompejanis. Tum ea praeda onustus in Picentum agrum irrumpit, et Pisaurum, Fanum, Anconam vi haud frustra obtinere conatur. Hinc hostes persequi statuit Caesar, et veluti oculorum ictu (2). Castrum, Cupra marittima, Truentum, Numana, Trajana, urbs Salvia, Septempeda, Cupra montana, Firmum et Asculum, Tignium (3), Pollentia, aliaeque Picentum oppida in victoris potestatem venerunt. Mox animo perquam acerbo Marsis, Pelignis, Samnitibus potitus, in urbem nobilitate vacuam ingressus se dictatorem dicendum curavit.

(1) Caesar de bello civ. — Lucanus de bello civ. — Florus.

(2) Sigonius de agro Pic. et foed. Pic. lib. 4. — de antiq. jur. Italiae cap. 15. — Svetonius in princ.

(3) Nunc S. M. in Giorgio ex Blondo. — Cicero ad Atticum.

Ex quo vero Caesar Octavianus ob auctum imperium Augustus a Senatu primus fuit appellatus ; pace terra marique parta , Picenum in undecim regiones dividens, Septempedano-
rum conditionem immutavit. Illud enim de Septempeda occurrit, quod de Asculo, Mathi-
lica (1), Recina, Attigio, aliisque possumus
praedicare : ut nempe inter illius magistra-
tus (2) *Curatoris* nomen antiquis in monu-
mentis assurgere inveniamus. Primus tamen,
qui se nobis in conspectum prodat , quique
Principis iudicio dignitatem fuerit consecutus,
et scriptus in Decurionum (3) albo ante eos ,
qui municipalibus tantum honoribus essent
functi , est is , quem primis Ecclesiae tempo-
ribus divus Maro hidrope (4) vexatum cura-
vit. Quid vero de *Curatoribus* seu *Procurato-
ribus* sentiam , nam unum idemque esse Fon-
taninius (5) tenet , si quis me interrogat ,

(1) Balbus in Pic. ep. — Compagnonus reg. Pic.

(2) Fontaninius in Hortan. antiq.

(3) L. ult. D. de adm. rer. ad civ. pert.

(4) Consule Georgium not. ad Adonis martyr., et Bul-
lan. acta SS. — *Procurator urbis Septempedae.* —

(5) Loc. cit. f. 67.

statim cum (1) Hofmannio, (2) Cujacio, aliisque repono, eos ita dictos, qui tum publica, tum privata procurabant. Hinc ne quaeso eum fisci, aut aerarii *Curatorem* tantum apud nostros fuisse quisque putet, sed potius quatuorviratus Septempedani quasi *Praesidem* illum dixerit, qui cives regeret, et cum eisdem jus diceret (3) quatuorviris, in quorum numerum *L. Tifanium Marcellum* suo demandabimus loco.

Et si a Svetonio e/lochemur, Augustum per Italiam vigintiocto colonias deduxisse, ad easque saepe saepius iter flexisse; veritati haud absolum esse videbitur, si, semel et iterum consularem viam discurrentem, Septempedanorum Urbem maiestate sua implevisse putemus, civibus in gratiam receptis Marci Agrippae, Augusti generi, qui Romae Pantheon condiderat, aquamque virginem duxerat, de quo sermo redibit, quum de Basilica erimus locuturi.

Augusto interim mortuo divini honores a Senatu fuerunt decreti, et anno ante ejus

(1) Lexicon vol. 10.

(2) L. ult. de offic. lib. 1.

(3) Cicero famil. 11. 15. 18.

decesum decimoquinto Jesus Christus ex Maria Virgine genitus est, qui suis sectatoribus viam in caelum munivit. Sed imperio a privigno, haeredeque Augusti, Tiberio Nerone, aliisque deinceps occupato, eadem fuit civium nostrorum fortuna ac reliquarum Italiae civitatum, ex quibus nullam fuisse teneo, quae tristitia multa priscis in iuribus non tulerit. Quare Italiam in quatuor regiones Elius Adrianus secans, res ejus publicas quatuor viris consularibus adtribuit, et Picenum in suburbicarium, et annoparium ipse constituit (1). Id quamvis coloniarum, ac municipiorum aliqua capitis diminutione evenisset; tamen Septempedani, tum primum suburbicarii, laetabundi viderunt, iudices delinquentes puniri, inhabiles removeri, tributum a Principe indictum per provincias describi, omnia denique vectigalia, portoria, annonas certis legibus definiri.

Accessit, quod M. Antoninus Pius ab Adriano adoptatus, alter Numa, imperium pace refovere, quam bello proferre maluerit, et acquissimos viros ad reipublicae procurrationem delegerit. Hinc M. Aurelii Antonini mo-

(1) Consule Spartianum.

deratione ac sapientia, literis armisque romana res floruit; sed imperatores plerique inde secuti principatum male partum male perdidērunt; donec barbaris nationibus audaciam fecit Gallienus, frustra paterno doctus exemplo. Quare vis undique coorta romanum concussit imperium. Sed L. Domitius Aurelianus, devictis iterum acie Gothis apud Placentiam, apud Fanum, apud Ticinum, ter tribus praeliis servavit Italiam (1): Quibus de rebus, uti proprium vindex, tota Italia continuato excipitur triumpho; et Septempedani, quasi cladem extremam sibi a Gothis inferendam praeviderent, devoti numini majestatis ejus, titulum, de quo inferius, ei invicto libertatis publicae adsertori posuerunt. Italiam tamen suis flagitiis ac sceleribus mox polluerunt Carinus, ac Diocletianus; et, veluti haec paucae res esset, Maxentius crudelitate cum Maximino certans romanos et italicas civitates omnes tyrannica vexabat rabie, aerumnis eas ac paupertate conficiens.

Hinc Flavius Constantinus Magnus in Italiam cum exercitu venit, et rerum tandem po-

(1) Vopiscus — Orosius lib. 6. — Eutropius lib. 9.

titus Gothos Thraciam populates perdomuit. Tum cives nostri iterum viderunt repressa provinciarum tributa, earum *Praesides* ac *Curatores* in officio contentos. Quare non unum, ut antea, sed quatuor ipse iussit praetorii praefectos, quorum unus auctoritatem totam per Italiam retineret. Sed Septempedanorum conditio, Arcadio et Honorio imperium obtinentibus, fuit rursus mutata. Nam quae antea suburbicae provinciae erant, deinde praetorianae fuerunt. Nec vero ab iis fuit discussum barbarorum periculum. Imo Alaricus, vel recenti Stiliconis injuria, vel caesi ab eodem Rhadagastii regis memoria commotus (1), Italiam ex improvviso adortus, Bononiam, Ariminumque cepit, et per agrum nostrum populabundus transgressus Romam ipsam diripuit. Hinc Attila Hunnorum rex, recedens ab excidio Aquilejae, Patavium, Veronam, Vicentiam, Brixiam, magnamque Galliae cisalpinæ partem vastavit impune, et victoriis ferox jam infesto exercitu urbem imperii caput petebat, rapinis ac flammis perterrefacta Italia. Interim Gensericius Vandalorum rex romanis spo-

(1) Vide Muratorium.

liis onustus Endociam Theodosii filiam una cum liberis Carthaginem abducit; et paulo post Odoacer Herulorum rex e Pannonia profectus in Italiam, Oreste acie victo, Augustulum metu exterritum exiit imperio. Zeno tamen orientis imperator Odoacrem tyrannum, Theodorici Ostrogothorum regis ope atque opera, ad Ravennam oppressit, et Theodorico Italia fuit victoriae praemium.

Odoacris exemplum ipse secutus consulum Romae instituta retinuit, et Septempedanis cum caeteris Italiae urbibus municipalia jura relinquens, summa populorum benevolentia ac fide pacatam rexit Italiam. Sed vix Belisarius ex Africa in Italiam duxit exercitum, protinus Roma potitus eam strenue defendit, Vigtige rege oppugnante, et, accisis Gothorum viribus, universam Italiam in Justiniani dititionem redegit. Et hic, Gothis urgentibus, ut regnum acciperent, longe lateque caedes, rapinas, incendia, et vastationes agentibus; nobis videtur difficile divinare, quando Septempedanorum urbs funditus fuerit sublata. Cum tamen legamus (1), Totilam Gothorum re-

(1) Leonardus Aretinus lib. 3. de bello Goth. — Ida-

gem animadvertentem *Belisarium*, et imperatoris copias necubi per *Italiã* in certamen prodire, sed oppidis inclusos moenia tantummodo tueri; statuisse non obsidere solummodo *Auximum*, sed aliis quoque civitatibus bellum inferre; et ideo *Totilam* profectum cum exercitu *Asculum* et *Firmum* in *Picentibus* circumsedisse, et inter haec *Firmum* et *Asculum*, quandoquidem nemo auxilium obsessis ferebat, *Totilam* pactiose cepisse, et deinde ex *Picentibus* in *Umbros* transgressum; in hac *Gothorum* irruptione, solutis ordinibus per A.U.C. viam *Flaminiam* *Spoletum* versus properantium, existimamus, (1) anno 545 a Christonato, *Totilam* ira, et furore percitum hostes persequentem, cum primum (2) vi Septem-

cus Ep. in fastis consul. evulg. a Sirmondio. — Raphael Volter. Antropol. lib. 19. — Gregorius Clunivensis. — Sansonivius fam. illustr. Ital. — Bandrandus vol. 2. — Pranzonius de laud. Pic. — Civallus vis. trien. — Orlendius Vol. 1. p. 2. lib. 3. — Franchius in vita S. Sev., et de antiq. Sept. — Ludovicus Lazarellus de fast. sac. mss. — Pamphilus de laud. Pic. — Valerius Cancellottus hist. Sept. mss. — Gentilius hist. Sept. mss. — Turchius Cam. sacrum.

(1) Juxta Pagium in crit. Baron. vol. 2., et Orlendium loc. cit.

(2) Valerius Cancellottus loc. cit.

pedanorum moenia fuit ingressus, qui, auctore (1) Valterone e Casale, ab romanis sterterant, ignem eis tandem miserrime infecisse.

Sed quocumque alio tempore, aut rege, cum (2) Blondo, Sabellico, Albertio, Brietio, Merula, Berlingherio, Cancellottio, aliisque, in Procopii silentio nimium fidentibus, Septempeda diruta sit; incolae, qui evaserant, ad montem *nigrum* confugere, nec multo post ex ruderibus veteris urbis *novam Septempedam* in proximo *regali* castro reaedificavit (3). Indrunt e, cum sibi longius viderentur abesse a planitie, paulatim expetierunt ad ra-

(1) Vide apud eundem Cancellottum *chron. ass.* inven. a Petro Antonio Collio Urbinatum bibliothecae praefecto in tabulario Vidonis Ubaldi Ducis. — Pamphilus lib. 4. de laudibus Pic.

Hic quoque Valterius, post Bondinarius acer
Agmina Gothorum maxima stravit humi.

(2) Blondus dec. 1. lib. 7. — Sabellicus *Aenead.* lib. 4. — Albertius descr. Ital. — Brietius geogr. p. 2. lib. 6. — Merula cosmog. lib. 4. — Berlingherius geogr. cap. 14. I. B. Cancellottus vit. S. Sev. lib. 3. — Jacobillius vit. S. Sev. et Vict.

(3) Joannes Harduinus in animad. ad Plin. lib. 3. — Brietius geogr. p. 2. — Cluverius Ital. ant. — Ortelius syn. geogr.

dices montis domicilia construere, quo longis post intervallis haec stetit civitas, quae multis saeculis *Sanctiseverini* nomen obtinuit.

Antequam vero huic capiti manum supremam imponamus, liceat nobis patria charitate flagrantibus urbis eversionem defflere, miseram civium captivitatem, imperatas captivis pecunias, pueros in servitium abstractos, et matronas ipsas ubicumque deductas. Quot aedium publicarum notae, quot signa, quot tabulae, quot templorum ornamenta deperdita! At vos, cives, qui uxores, qui liberos, qui fortunas, qui cognatos, qui patriam tunc amisistis, ex ore nostro sciatis, urbis, majorumque nostrorum exitium per multos adhuc insolabiliter lacrymari.

II.

*De antiquis Septempedaenorum
monumentis.*

Cum patriae antiquitatum amore tenerer, ad easdem vetustatis reliquias illustrandas animum appuli, quae primoribus huc usque labiis, ac satis jejune nonnulli attigerunt. Hinc ea, quae vel apud veteres, vel apud recentiores hac de re occurrebant, et a me observata fuerant, in adversaria conjeci, unde hae succrescerent chartae, quas civibus puto minime ingratas futuras, si animum ad argumenti nobilitatem tantisper convertant.

Quod esset Duumviratus imperium, quodque duumviri e decurionibus fierent, (1) Pauli, atque Ulpiani (2) scripta demonstrant. Habebant Duumviri fascēs, ut ex epistola (3) Arcadii, et Honorii (4) intelligimus; et Caesar innuit

(1) Digest. lib. 50. tit. de Decur.

(2) Lib. 50. tit. de alb. scribendo.

(3) Cod. lib. 10.

(4) Loc. cit.

aperte, (1) municipiorum fuisse Duumviros. Sed aliae civitates duobus, aliae quatuor viris eum honorem demandabant. Hinc Cicero pro Cluentio narrat, municipes Larinates quatuorviros fecisse, quos Oppianus vir nefarius sustulisset. Non tamen in omnibus municipiis duobus, vel quatuor viris summum magistratum municipalem dari consuevisse confirmamus; cum sit notum ex quadam Ciceronis epistola ad *Decium Brutum*, et ex oratione *Miloniana*; Lanuvinos Dictatorem solitos creare, Arpinates vero *Ædiles* tres, qui annum in Municipio magistratum gererent, et *Septempedanos* hoc in marmore (2) Duumviros.

D. Catinios. C. P. Curvo

(3) Duo. vir.

Saepe tamen factum est, ut in eadem civitate (4) primum quidem ex veteri more Duoviri, postmodum vero, ut honor ille maneret

(1) De bello civ. lib. 1.

(2) Prostat modo in aedibus comitis Severini Servantii-Collii.

(3) Muratorius Vol. 2. — Octavianus Gentilius de Patriciis lib. 4. — Bernardus Gentilius *ant. Septemp.*

(4) Bimard. de antiquit. Cularon. cap. 4. — Maurus Sartus de Ep. Eugub. fol. 24.

in plures, supremum magistratum Quatuor-viri gesserint, quos a *jure dicundo* veteres nominabant, ut antiqui lapides inscripti fidem faciunt, et hic editus a Gorio, et Gentilio.

T. Tifanio. C. F.

. Ouf. Marcel

(1) lo. Equo. Pub.

. III. Vir. Jur.

Diç. Patrono. Municip.

Camurena. C. F.

Moris fuit, ut, cum ostendendus esset in publicis praesertim monumentis civis romanus, is significaretur a praenomine suo, a nomine quod ejusdem gentis omnibus commune esset, a praenomine patris, a tribu in qua censere-tur, a cognomine. *T.* igitur praenomen est. *Tifanio* nomen, *C.* praenomen patris, *Ouf.* nomen tribus, uti si diceret *Oufentina* tribu, *Marcello* cognomen. Ita in inscriptionibus saepissime, et apud Caelium (2) ad Ciceronem habemus G. Septimium T. F. *Quirina*, M. Oppium M. F. *Tarentina*. Et si tribus populi

(1) Class. 5. — B. Gentilius loc. cit.

(2) Famil. 8.

romani, ipsa etiam Tullii aetate, (1) quinque et triginta fuerunt, in quarum aliqua quisque civis romanus sive intra, sive extra urbem (2) degeret, censeri debebat; hinc teneo, Septempedanum municipium in Oufentinam tribum fuisse relatum. Illis tantum hominibus in armis strenue versatis olim e publico equus assignabatur; non tamen omnibus, qui equestri (3) essent censu. Idem mos fuit etiam posterioribus saeculis, quibus imperatores dominati sunt: nam si quis esset vir fortis ex equestri ordine, hoc est, ut demonstrat (4) Plinius major, et item (5) minor, sestertia quadraginta cui census fuisset, is *equo publico* stipendia faciebat, qui honos eo tempore vel magnus habebatur. Quare saepissime in vetustis lapidibus *equus publicus* significat virum ea, quam supra dixi, dignitate praeditum.

Noli autem mirari, qui huiusmodi honorem attigisset, ab eo rejectum non esse qua-

(1) L. 1. Verr. C. 5. N. 14.

(2) Panvinus.

(3) Livius lib. 5.

(4) Plinius major lib. 33.

(5) Plinius minor ep. lib. 1. ad Romatium.

tuorviratum nostrum. Nam qui urbanos magistratus cogitabant, muneribus municipalibus antea fungi solebant, qui tamquam gradus quidam erant ad rempublicam capessendam. Ita Annius Milo dictator (1) Lanuvii fuit, et Tulliorum Marci et Quinti filii Ædiles (2) Arpini. Caeterum primi Decurionum *Patroni* vocabantur, de quorum dignitate sermo etiam est in codice (3) Theodosiano. Et si ex Duumviratu, ac Quatuorviratu Septempedano Decurionum ordo necessario est deducendus, inque eo *Tifanius* censendus; idem jam appellari *Patronus* bis etiam poterat; primo, quia Decurio primarius, secundo, quia municipii patrocinium susceperat. Sed nusquam apertius nobis *Patroni* exhibentur, quam in Canusino Decurionum (4) albo, ex quo tamen illud etiam liquet, triginta septem hujusmodi viros non omnes ex uno municipio fuisse; neque enim credibile est, tot uno tempore Canusinos Romae senatores fuisse, tum eadem de

(1) Cicero pro Milone.

(2) Idem lib. 13. famil.

(3) L. 61. de Decur.

(4) Consule Morcellium

causa paucos, aut neminem forsā Canusii habitasse; sed tantum (1) passos, uti forsā de *Tifanio*, ut nomina sua in Decurionum albo inciderentur, veluti si ad eum ordinem pertinerent.

Sed juvat hic alios lapides duos afferre, ex quibus *Ordo Septempedanorum* emergit una cum Equitum ordine.

Magno Principi
Flavio Valerio Constantio Nobilissimo

(2) Caes.

Ordo Septempedanorum

D. N. M. E.

Pub.

Appositum illud *Magno* inter praenomina, aut cognomina numerandum censeo, ut illud alterum Augustorum commune *Imp.*: nam Caracallam, tamquam Pompejum alterum, *magnum* esse appellatum, declarat nunc vultu ejus designatus cum titulo (3) *Di-*

(1) Ulpianus L. 1. D. de alb. scrib.

(2) Ughellius It. sacr. Vol. 2. — Claverius It. antiq. Vol. 2. — Ursatus de noct. rom. apud. Grevium. — Muratorius — Gentilius loc. cit.

(3) Veil. Vol. 1.

vo. *Antonino. Magno.* Diu equidem non haesita, quo nomine eos appellem, qui municipio Septempedano erant adscripti, publicique consilii participes facti. Decuriones ex verbo *Ordo* significari, eosque ita rectissime appellari (1) autumo; siquidem manent adhuc plerisque in urbibus ea summi ordinis jura, quae olim fuerunt, quum senatui romano, et imperatoribus Augustis parebant: qui ex eo sunt ordine, his latine Decurionis nomen est. Quid vero de numerosa illa conclusione dicam: *Devotus. Numini. Majestatis. Ejus?* Hisce verbis usi Decuriones Septempedani mihi videntur, ut ex iis se esse ostenderent, qui vitam suam pro gloria et salute *Magni Principis Flavii Valerii Constantii* Genio ejus, per quem veteres et jurabant, ipsamque majestatem in Dearum (2) habebant numero, devovissent. Devotos sane apud Caesarem (3) fuisse vides, quos Galli Saldutios vocabant.

(1) Pancirolus apud Grevium. — Claverius de It. antiq. Vol. 2. ait. *Alia . . . romae visitur, in qua memoratur ordo Septempedanorum.*

(2) Ovidius Fast. lib. 5. vers. 23.

(3) De bell. gall. lib. 3.

His persimiles in Hispania fuere, quorum more Sextum Pacuvium Romae in senatu Caesari Augusto se consecrasset, tradit Dio; ejusque exemplo romanos se imperatori *devotos* dicere (1) caepisse. En alterius lapidis verba.

Imp. Caesari

L. Domitio Aureliano

Pio F. Aug. Invict

(2) P. M. Trib. Pot. Cos.

P. P.

Princ. Juvent.

Hor. Sept. Pub. D. D.

Equites romani juventutis nomine designabantur: non quod omnes juvenes essent, sed quod prima institutione (3) ita fere fuissent. Potior tamen equitum pars juvenes censebantur, ex iisque nobilissimi et senatorum filii, qui propter aetatem, nec in senatorum numero, nec magistratum capere poterant. Hos inter praecipui, qui, uti Tifanius, equo

(1) L. 53. cap. ex quo. Nunc etiam a principe descendentes dicere solemus, ei nos esse devotos.

(2) Muratorius inscrip. — Reinesius clas. 3. — Gentilius loc. cit..

(3) Livius lib. 13. cap. 61.

publico erant honorati. Hinc eruditissimus Norisius duxit, Principem juventutis ac Principem equitum (1) accipi pro eodem. Nemo igitur ambigere potest, habuerit ne municipium Septempedanum equites suos, dum eorum Principes assurgunt in marmore desuper allato. Nam hac de re (2) cum Muratorio, et Reinesio (3) teneo, ejusmodi titulum minime referri posse ad *Lucium Domitium Aurelium* jam *Augustum*, jam *Imperatorem*, jam senio confectum, sed ad *Principes* civitatis Septempedanorum: nam per illos, (4) magistratus, et municipalium potiores intelligendi sunt. Hoc idem, ni fallor, confirmat inscriptio, quae nondum publicam lucem aspexit, quaeque praeat in aedibus Magistratus Septempedani.

Curvianicae

P. Licinio Phileroto

Sex Viro

Hi equites praecipui, qui equo publico

(1) Cenot. Pis. diss. 2. cap. 3.

(2) Nov. thes. inscrip. vol. 1.

(3) Clas. 3.

(4) Gentilius loc. cit.

erant honorati, ad Trojae ludum (1), et ad solemnem transvectionem, cujus morem Augustus (2) reduxerat, sex in turmas divisi erant, quibus totidem duces imperitabant, *Seviri* a numero dicti; quorum unus in municipio nostro *Curvianica P. Licinius Phile-rotus* fuit. Quia vero tres seniorum erant turmae, tresque juniorum (3); tres quoque erant *Seviri*, qui senioribus, tres qui junioribus praeerant, atque ii omnes antiquitus (4) *Principes juventutis* nominabantur. Quae vero nostrorum equitum turma a *Curvianica* in municipio regeretur, quis divinari modo posset? Caeterum qui in titulis *Seviri* tantum nominantur, eos tenet Odericus *municipales* magistratus fuisse, non *Augustales* (5).

Ædiles, quod aedes tum publicas tum privatas procurabant, dictos fuisse, tradit Varro. Ii praeerant etiam foro rerum venalium: unde est apud Plautum, improbas *Ædi-*

(1) Suetonius in Aug. C. 43.

(2) Idem ibidem C. 38.

(3) Tacitus ann. lib. 2.

(4) Livius lib. 42. — Cicero famil. lib. 3.

(5) Disser. 2. fol. 108.

les jactare merces consuevisse. Hinc erat in legibus positum, *Ædiles* (1) *curatores urbis, annonae, ludorumque solemnium*: extatque praeterea (2) in *Pandectis de aedilitio edicto*. Quin Hoffmannus, et alii multa collegerunt ad hoc argumentum facientia. Quare nos illud tantum dicemus, fuisse non solum Romae hunc magistratum, sed etiam in aliis Italiae et provinciarum oppidis; quam rem apertissime antiquae inscriptiones indicant. In lapide vero mox offerendo de aedilitia *Septempedanorum* dignitate fit mentio.

Pub. Sallustus. T. Fil. Pub. Virgula

(3) Scrib. AEd. Cur. ex Testa

mento H. S. J E

Fuit Sallustus *Scriba Ædilium*, ex iis nempe, qui acta rationesque publicas, magistratus sui nomine, scribebant, et *scriptum facere* (4) dicebantur. Hinc scribae a magistratibus, quibus inserviebant, appellabantur; ita ut *Quaestorii, Ædilicii, Praetorii*, et sic porro (5) dice-

(1) Cicero de leg. lib. 3.

(2) Lib. 25.

(3) Muratorius Vol. 2. — Gentilius loc. cit.

(4) Gellius lib. 6. — Livius lib. 9.

(5) Sigonius de ant. jur. civ. rom. 11. 9.

rentur; erantque in decurias divisi; unde *decuriam emere* dicit (1) Cicero pro emere munus Scribae. Horum ordinem honestum appellat Tullius, quod eorum fidei tabulae publicae, periculaque magistratus committerentur (2).

Nunc ad Flamines veniamus. Quod caput cinctum habebant filo, ita sunt dicti; et horum singuli cognomen habebant a Deo, cui sacra facerent. Sed quaeritur, cum cognomen non additur, quod Flaminum genus sit intelligendum. Honufrius, qui diligenter omnia Flaminum cognomina in sua romana civitate collegit, existimat tunc significari *Flaminem municipalem*. Quae sententia mihi mirum in modum probat municipium Septempedanum. Adjuvat hanc opinionem Cicero, qui confirmat, morem fuisse Lanuvii, ut quotannis a Dictatore ante diem tertium Kal. Februarii Flamen proderetur; ex quibus verbis intelligimus, singula saltem municipia Flamines habuisse. De Flamine autem Feroniae nihil est,

(1) In Verrem l. 3.

(2) Act. 2. l. 3. C. 79.

quod aliunde quaeramus testimonium, quando hoc in lapide dicitur, *Camureham* fuisse *Flaminicam Feroniae*, idest Flaminis uxorem, uti Gellius tenet, atque *inunicipem Septempedanam* clarissimam. Nam Flamines municipales erant ex ordine Decurionum, nec prius sacerdotio ornari poterant, quam municipalia (1) munera obivissent. En inscriptionis tenor.

Camurenæ

Ca. Fil.

(2) Celerinae

Flam. Feron.

Municip. Septemp.

L. Tifanius. Felix.

Patr. Optimæ.

Quaenam haec fuerit Feronia Dea, ambigitur sane: ajunt enim plerique, Junonem esse. Aliter tamen videtur: cum Feroniam (3) Virgilius Herili Praenestini regis matrem faciat; quod in Junonem cadere non potest,

(1) Cod. Theod. l. 77. — Norisius Cen. Pis. Diss. 1. cap. 4.

(2) Aldus Man. ortog. fol. 336. — Gentilius loc. cit.

(3) Æneid. 8.

quae nullos, nisi ex Jove, liberos suscepit. Narrat Dionysius, Lacedaemoniorum numen fuisse. Haec etiam Libertorum Dea habebatur, in cujus templo, auctore Servio, raso capite pileum accipiebant. Innuit vero idem Virgilius, (1) Latinorum et Sabinorum numen esse, quod Graeci sua lingua vertunt *Floriferam*, alii *amantem coronarum*, alii aliter: quae omnia Deam florum aut hortorum fuisse significant. Inter montem Circaeum, et Terracinam idem Virgilius (2) refert, Feroniae lucum cum fonte, et templo fuisse dicatum.

. viridi gaudens Feronia luco:
Qua Saturae jacet atra palus, gelidusque per imas
Quaerit iter valles, atque in mare conditur Ufens.

Quod Septempedae *ad radices montis nigri* fuisset *gentilitium fanum* (3); quod illud sacrum fuisset Feroniae, majores nostri per manus usque ad haec tempora tradidere; quodque tandem apud municipales ipsos ejusdem Deae *Flaminica* extitisset, idem Camurenac lapis, aliique, ut infra, testantur.

(1) Ibi 3.

(2) Ibi 7.

(3) Bulland. act. SS. fol. 1104.

De inscriptionis initio nihil mihi dicendum, quum antiquis in exemplis aequae ac in nostro unum omnium sit; a nomine scilicet eorum, quibus statua, vel lapis positus fuerit, uti *Camurenæ*; cui fere adnexum patris praenomen, uti *Caji*; et *Filiae* appellatio, deinde cognomen, uti *Celerinae*. Quum vero rebus gestis clarescere foeminae non possent; tunc majorum, et propinquorum laudibus publicis in tabulis enitebant. Ita (1) Tullius Caecilium Balearici filiam, Nepotis sororem, commendavit a genere, quo dein privatam foeminae virtutem extolleret. Fuere nihilominus suae et foeminis aliquando dignitatis apposita: nam quaedam ex his sacerdotia inibant; et id minime in earum inscriptionibus erat praetermissum, sicuti habemus in nostra Flaminicae Feroniae. Quum autem bene nummatae essent, uti dicendum de Camurena; cives, municipia etiam, et colonias largitionibus demerebant. Quare his aliquando civium patrocinia deferebantur, uti *Patronae optimae* adjunctum fuisse legimus *Camurenæ*, quae apud *Lucium*

(1) Pro Roscio Amerino.

Tifanium felicem gratia multum, et auctoritate valuerat.

Quae vero beneficia, quae merita foeminarum essent, raro diligenti oratione traditum, explicatumque reperio: nam quae prolata generatim erant, majus quiddam planeque romanum sonare videbantur. Aliquando tamen ab urbibus ipsis statuam vel lapidem foeminis decretum esse, comperimus. Imo saepius fuit adjectum, mulieres una cum viris monumentum constituisse, facta etiam mentione de *impensa restituta pro accepto honore*: omnia enim ejus impensa fiebant, cujus statua dedicabatur, aut certe haerodum, si is jam decessisset (†). Haec Tufficani testantur:

Camurenæ

C. Fil.

(2) Celerinae

Flam. Feron.

Municip. et Incolae

Tuffici. utriusq. Sexus

Ob. merita. ejus

H. A. I. R.

(1) Fabr. p. 486.

(2) Muratorius inscrip. Vol. 2. — Gentilius loc. cit.

Nec nos moveat, quod Camurena haud Septempedani sed Tufficani municipii, inter (1) Mathilicam, et Fabrianum olim jacentis, a Muratorio civis esse dicatur (2) : nam potius ex illa a Manutio (3) evulgata, atque alia mox adducenda, et in gruteriano thesauro posita, municipem nostram fuisse teneo, et urbis utriusque civem fuisse suspicor. Id per leges romanas fieri potuisse, et exempla Constantini imperatoris nos docent (4), et ex aliquot inscriptionibus, ubi unus aliquis duarum civitatum Decurio fuisse perhibetur, eruimus. Et nos nunc moribus ipsis, ipsis nunc institutis non vivimus? Nonne et modo quaedam sunt munera, quidam dignitatis, honorisque tituli, qui Matronis adscribi possunt? Nonne earundem munificentia collegia saepe, vici, oppida, vel restituta, vel aucta, ut eorum matres *ob merita* dici possint? En Gruterianae inscriptionis verba.

(1) Olstenius in It. ant. Cluverii...

(2) Loc. cit.

(3) Loc. cit.

(4) Lib. 10. Cod.

Camurenæ

C. Fil.

Celerinæ

Flam. Feron.

(†)

Municipii. Septemp.

Municipes. et. Incolae

Tuf. utriusq. Sexus

Ob merita ejus

H. A. I. R.

Si quis modo conferat istam cum illa a Muratorio relata, si parumper cum (2) Gentilio animadvertat, quibus in locis eae nunc present; aperte, ni fallor, videbit, genuinam esse Gruterianam: nam, si etiam foret rejicienda, Camurenæ semper municipem nostram ex lapide Manutiano fuisse constaret.

Quod de Flamine huc usque diximus, idem de Pontificibus dicendum esset, si ex patriæ ruderibus quicquid decerpere licuisset. Nam sunt exempla inscriptionum apud Wolfangum, unde intelligimus, etiam Coloniis, et Municipi-

(1) Gruterus. — Gudius de inscrip. — Antonellius in hist. Ascul. — Donius Vol. 5. — Gorius. — Gentilius loc. cit.

(2) Ant. Settemp.

piis suos Pontifices fuisse. Sed tantus antiquarum ejusmodi reliquiarum despectus apud nos fuit; ut inscripti lapides olim promiscue essent adhibiti ad domus ipsas reficiendas, viasque sternendas. Vidit clarissimus civis (1) comes Leonardus Franchius fragmenta perplura dorica symmetria constructa; vidit nonnulla graciliora et florida, foliisque et volutis ornata templorum opera; vidit alia ab severo doricorum more, et a teneritate corinthiorum temperata; vidit antiquarum statuarum fragmenta, et hermam quoque (2) Jani bicipitem, quae indidem eruta esse constabat; ac multo etiam plura, quae pretiosiora putabantur, quaeque nunc aut alio exportata, aut deperdita cernimus, atque ploramus. Nonnulli tamen adhuc tituli Diis positi extant, qui aut templum, aramve dedicatam, aut donum aliquod datum, consecratumque cum aliqua cultus Deorum significatione declarant. Ex iis unum hic proferimus, qui Jovis, Deorum atque

(1) Antiq. Sepi. mss.

(2) Gentilius loc. cit.

hominum patris, nomen praesefert, quique fuit
ab Ughellio evulgatus.

. PP.

. Tri. . . M. . . R.

(1) Jovem . . . L.

. V. . . F. . . I. . . M.

. Nia . . . Ul.

Ex hoc lapide injuria temporis undique
exeso, Jovis templum apud nostros fuisse (2)
colligimus, et mirifico opere fuisse extractum,
causa quidem est, cur credamus. Discrimina
in templorum structura merito statui ab ar-
chitectis volebat olim (3) Vitruvius. Sic enim
ille praeceperat: Minervae, Marti, et Herculi
aedes doricae fiant; Veneri, Florae, Proserpi-
nae, ac fontium Nymphis Corinthio constitutae
aptas videbuntur habere proprietates; Junoni,
Libero patri, caeterisque Diis, qui eadem
sunt similitudine, si aedes jonicae consti-
tuentur, habita erit ratio mediocritatis. Porro quum
hic Jovem Vitruvius non nominaverit, suspi-
catus est Bonarotus, ea templa Jovi extrui

(1) Ital. sacr. Vol. 2.

(2) Ughellius ibidem.

(3) Arc. lib. 1. cap. 2.

fuisse solita, quae omnium Deorum vim, virtutemque complecterentur (1). Et sane ornamenta alia templorum Jovi, ut etiam reliquis Diis ea fuisse adtributa, quae Deos decebant, antiqui testantur auctores (2), aequae ac veterrima Septempedanorum rudera a Franchio, Holstenio, Lilioque, ut supra, relata (3); quaeque, si genuino aspectu adhuc perviderentur, magna in Jovis delubro, aliisque illustrandis subsidia nobis parassent. Quot insuper Deorum nomina nobis adhuc non occurrerent in numismatibus illis, quibus veteres numinum effigies, atque symbola exprimenda curabant! quot in nummis honoris causa percussis a municipibus nostris, qui in fronte aversa Augustos in curru triumphali referebant, et Septempedae titulum; quosque patrii scriptores testantur vidisse (4)! quot tandem in vasis, ac pateris potissimum, quas in templis quoque, sive e gemma, sive ex argento, aurove dedicare veteres solebant, ut sacer-

(1) Medaglione 10. ip fin.

(2) Plinius hist. nat. l. 36.

(3) Lib. 2.

(4) Franchius loc. cit.

dotes sacris operantes eisdem uterentur, si ejusmodi antiquitatis monumenta adhuc perviderentur! Equidem multa essent, quae in Jovis templum derivare minime possent; quaedam praeterea, quae paullulum sane inflectenda, ni prorsus aptanda.

Et sane inanum Deorum cultu nondum dispulso, superstitioneque nondum deleta, templis, sacrisque recessibus Septempedam superbisso necessario putamus. Adhuc enim aetatem ferunt balnei vestigia, quae ab optimis civibus extracta solers antiquitatum investigator (1) commemoravit; quaeque, dimotis terrae, materiaeque acervis, quibus locus impediatur, fuerunt conspicua; et, quod caput est rei, duplex patuit in pariete orificium exteriorum aquaeductuum, quibus in cubiculum aquae transmitterentur; quibusque indiciis satis aperte intelligitur, totum aedificium pro lavationibus fuisse comparatum. Accedit ipsa tuborum forma ac positio ad aquas pro veteri more devehendas. Nam unum pro certo affirmare me posse existimo, iisdemque persuadere testimoniis, quae aliud molientes accive-

(1) Baccius de thermis.

runt (1) Lomejerus, (2) Saubertus, aliique; nempe, ejusmodi lavationum studium ab sui exordio religionis, pietatisque causa fuisse in-
 vectum. Quare, ut ab Anticlida accepimus, qui se flagitio, culpave (3) contaminarant, purgationem inde auspicabantur. Id autem evenisse potuit, quia, ut ab Euripide, et Callimaco edocemur, romani (4) aeque ac Graeci, quodam divinitatis instinctu, fluminum, fontiumque aquas (5) agitari, permoveri, afficique existimarent. Sed tandem iis balnea invaluerunt, et aquis eo corrivatis, si mystam renunciare, si sacra peragi esset opus, veteres largius uti caeperunt. Ideo Athenis adolescentes, quos parandarum sacrarum literarum amor incesserat, ad balnea cum pompa deduci solitos, in balneo primis erudiri mysteriis, ex balneo remeantes in sapientum numerum cooptari (6). Postquam vero in profa-

(1) De lustrat. veter. gent. cap. 16.

(2) De sacrif. cap. 11.

(3) L. 74. apud. Natal. Com. Mythol. lib. 1.

(4) Vide Spanhemium in Callimac.

(5) Seneca ep. 41. — Cicero de nat. Deor. lib. 3.

(6) Apulejus in metam. 2.

nos, sacrosque usus balnea constituta sunt; nulla fere urbs extitit moribus polita, laudisque cupida, quae magnificas id genus constructiones ingenti sumptu excitandas non curavit, in quibus, aliquando (1) dato pretio, aliquando gratuita (2) lavatione, unicuique se abluere, ac perpurgare liceret. At quemadmodum nominis claritate, rerumque omnium laudatissimarum praestantia, sic etiam hujusmodi operum magnificentia, longe, multumque gentes caeteras antecessit Italia. In toto hoc igitur genere, sive loci conditionem contempler, in quo Septempedanorum balneum fuit aedificatum, excisis columnis passim referti, aequae ac marmore *Basilicam* praeseferente; sive usus, in quos illud plerumque dedicabatur; vel Jovis, vel Basilicae balneum suspicor esse appellandum (3). Et quum sacris tanta adhiberetur reverentia ab eis, qui ad illa conspicienda accedebant; ne in dubium cadere mihi posse videtur, balneum ipsum ad id potissimum fuisse comparatum, ut ministri

(1) *Quadrante lavari* dicitur a Juven. Sat. 6.

(2) *Malvasia* memor. Felsinea S. 3. cap. 6.

(3) Eusebius lib. 4. — Cod. Thod. lib. 9. tit. 45.

rite ad rem divinam, praescripta lotionem, praepararentur.

Quod Curatoribus praesertim esset concessum, ut sacras aedes adirent; antiquitatum cultores optime norunt, et de *Cura* pro *Curione* nil disputant. Nam *Curatorem* non barbaricis modo temporibus, sed recto latini idiomatis usu vigente, quandoque appellatum, dictumque fuisse *Curam* compertum habemus. Nunc ejusmodi *Curatorem* apud nostros extitisse, eoque munere *Annium Camurenum Martialem* fuisse cohonestatum, eruitur, ni fallor, ex titulo *Jovi Juventuti* posito, et ex ruderibus nostris defosso.

Jovi Juventuti

An. Camurenus

(1) Marzial Cur

. . . . Ar. Em. . . S

Nunc juvat ipsius *Basilicae* lapidem vel mutilum afferre, ex quo alia non pauca ad antiquitates nostrarum gentium illustrandas aptissima iis colligere sane licebit, qui *Septempedanorum* rem fusius tractare aggredientur.

(1) Prostat in aedibus Magistratus *Septempedani*.

. . . II. . . Tr. . . Mil. . . D. . .
 . . . um. . . De. Sua. Pec. M. . .
 (1) Grippae. Et. Suo. Ex. . . .
 L. Basilicam. Faciun
 E. Operi. Praefu. . . .

Fuisse etiam in municipiis insignes quasdam et omni ornamentorum genere illustres Basilicas, ibique celebriorum romanorum statuas collocatas fuisse, additis gestis, diserte docet Gorius. Nam suorum clypeos in sacro vel publico privatim dicare primus instituit, ut apud Plinium reperio, Appius Claudius, qui consul cum Servilio fuit; posuit enim (2) in Bellonae aede majores suos, placuitque in excelso spectari, et titulos honorum legi. Quare Augustus eorum opera, qui imperium populi romani ex minimo maximum reddidere, ma-

(1) Ex schedis Germani Margarutii. Nunc in aedibus Severini Servantii-Collii est titulus aevo augusteo omnino conveniens, et quem ausu agresti forma deperditum hic damus.

. II . TR . III . L
 VM . DE M
 RII PAE X
 AS LICAM V
 OI RI PR EF

(2) In Aug. cap. 31.

nentibus titulis restituit, et statuas omnium triumphali effigie in utraque fori sui porticu dedicavit, teste Svetonio. Sed quum etiam, uti idem Plinius (1) scribit, omnium municipiorum foris statuæ ornamentum esse caeperint, propagarique memoria hominum, et honores legendi aevo basibus inscribi, ne in sepulcris tantum legerentur; quumque circum ipsius Basilicae ruinas una cum minoribus fragmentis statua fuerit effossa (2), integritati restituenda penes comitem *Severinum Servantium-Collium*; jam in eam sententiam perducor, ut non dubitem, quin gloriae sibi et laudi jure verterent Septempedani, si quae in urbe Roma essent pulcherrima, domi, ut poterant, singula imitarentur ac referrent, honoribus, rebus gestis, laudibus, recte factis

(1) Hist. Nat. lib. 34.

(2)

D. O. M.

Domus orfita statuarum hanc

ex antiq. Septem. ruinis

erutam

Marcus Antonius Servantius fil.

Gasparis Sebañi nepos

Patritius Septemp. erexit

V. N. Oct. A. D. MDCCXLVI.

memoratis, quae nempe posteros ad aemulationem possent excitare. Imo ut omnia una de causa confecta esse, omnia ex eodem fluxisse exemplo viderentur; in Basilicae fronte communem universi operis titulum, et forsan Marci Agrippae, qui praefectus universae Augusti classi tunc erat, quique Octavianum praesertim ad Antonium penes Actium, Epiri promontorium, debellandum, nomen edicentem praepositum fuisse suspicor. Ita factitatum legimus de M. Valerio Corvino (1) apud Gellium; ita de Lucilio Longo, qui omnium Tiberio tristium, laetorumque socius fuerat, unusque e senatoribus rhodii secessus comes, uti a Tacito accepimus (2).

Neque hic a proposito alienum putamus nonnulla de musivis operibus referre, quorum perfrequens erat usus in exornandis non minus publicis urbium aedificiis, quam privatis potentiorum aedibus, quaeque ex Graecia ad Romanos defluerant, indeque ad Septempedanos, sero tamen, et civitate jam adulta. Et sane musivorum praestantia non prius a Quiritibus

(1) Lib. 9.

(2) Ann. lib. 4.

agnita fuit, quam sub Cimbricum bellum, et Poenis pro tertia vice in Romanos ruentibus, ut scribit Plinius (1): Sed corruptis priscae frugalitatis moribus, quibus romana respublica militari gloria claruerat; facile cives in aedium quoque luxuriam ita declinarunt, ut non solum anguste se habitare putaret, cujus domus tantum pateret, quantum Cincinnati iugera patuerunt, ut ait (2) Valerius Maximus, atque adeo non amplis ejusmodi spatiis suam domum produceret; verum etiam pavimenta marmoribus resectis integeret. Sed hunc Lithostratorum splendorem a Septempedanis quoque Basilicae, ac Jovis templo fuisse additum, aliisque publicis confictorum numinum sedibus, ex ruderibus passim colligimus, licet plerumque parum eleganti forma compactis; et id, ni fallor, praecipuum est antiquitatis indicium. Siquidem ante Augusti imperium vidimus nondum adultam apud Romanos hanc artem, quae

(1) Lib. 36. cap. 25. *Romae sculpturatum in Jovis Capitolini aede primum factum est post tertium punicum bellum initum: frequentata vero pavimenta ante Cimbricum magna gratia animorum.*

(2) Cicero pro domo sua. — Valerius Maximus lib. 4. cap. 4.

primo, et secundo imperii saeculo suam attigit maturitatem. Nam, uti ipsa aedificandi forma, Augusti et sequentium principum aetate, alia fuit ab ea, qua, vigente republica, cives uterentur; ita et reliquae liberales artes solerti hominum ingenio ad excellentiae fastigium pervenerunt.

Et si bellicis in expeditionibus quoque tessellata, et sectilia pavimenta romanos (1) circumtulisse narrant historiae, adeo ut inter sarcinas ducum ista fuerint: facile conjici potest, qui aedium splendor esset penes nobiliores coloniarum, municipiorumque familias, inter quas (2) cum Muratorio, (3) ac Gentilio, uti Septempedanae sunt recensendae; Calpene, Cantinia, Camurena, Iraria, (4) Numitoria, Didia, Sedata, Veltia, Rufilla, Fortunata, Mitinia, Ursilla, Titania, Octavia, Eudemia, Irrutrix, Philoxena, aliaeque. Et si insuper gentium romanarum nomina ipsas in-

(1) Isaacius Casaubonus animad. in Syvetonium lib.

1. — Vide vol. 7. amag. lit.

(2) Vol. 2. et 3.

(3) Ant. Settemp. —

(4) Muratorius vol. 3.

ter familias Septempedanas assurgunt, sicuti Flaviorum, Mariorum, Pitiliorum, Vibiorumque; quid mirum, non solum parietes exoticis marmoribus obducere, verum pavimenta vel variatis marmorum peregrinorum crustis, vel minutissimis lapillis integere ipsos ex more assuevisse; reliquas vero ignobiliore partes aedium, vel vulgari musivo, albis nigrisque tantum lapillis, et quidem grandioribus compacto, vel marmorum frustulis, sive in rhombos, sive in alias figuras resectis perfecisse; ut frequentibus terrae egestionibus, quas fieri curarunt patrii scriptores, saepe viderunt? Unum ex his, quod incorruptum, et intactum aetas nostra laetabunda conspexit, inter posteriora recensendum putavimus; nec minus operis simplicitatem, quam temporis antiquitatem musivarii artifices adhuc admirarentur, nisi (proh dolor!) terrae, materiaeque acervis denuo esset involutum.

Quod vero locus (1) intra agrum effatum existeret per totius urbis Septempedanorum circuitum pone muros juxta viam flaminiam

(1) Gellius ex lib. Aug. de auspiciis.

regionibus certis determinatus, qui faceret finem urbani auspicii; ex Etruscorum ac Romanorum disciplina colligitur, aequae ac ex cippiis repertis, qui ad designandos pomerii fines a majoribus nostris fuerant statuti. Quotque insuper extra pomerium ad orientem propter eandem (1) militarem viam tumulos Septempedani excitarent, et quot in fronte, quot in agro pedes loci religiosi essent, in sepulchrali titulo notarent; liquet non solum ex iis a Muratorio ac Gentilio evulgatis, in quibus veterum simplicitatem, et breuiloquentiam expressam videmus, sed etiam ex aliis mox adducendis, et in communi Septempedanorum sepulcro a *Dominico Valentino*, et *Josepho Ranaldio* Patriarum antiquitatum investigatoribus solertissimis diebus nostris (2) defossis; quique, licet jejunorum formam praeserant; tamen,

(1) Bergerius de pub. et milit. imp. rom. viis apud Grevium vol. 10. — Itin. Anton. apud Suritam; ita Nuceriae. Dubios VIII. Prolaque VIII. Septempeda XVI. Troa VIII. Auximum XVIII. Ancona XII. — Iter ad Castrum Truentinum erat. Septempeda. Urbe Salvia XII. Firmum XVIII. Ascolo XXIII. Castro Truentino XX.

(2) Anno 1823.

juxta (1) Gellianum illud, hoc etiam genus dicendi; quum caste, pudiceque ornatur, fit illustrius; quum fucatur, atque praelinitur, fit praestigiosum. En epitaphiorum verba.

C. Clepius C. L.

Sodalis. In

Agro. P. XXIII.

Sibi. et Suae Sepu

C. Clepius. C. L.

Sodalis. In

tro. P. XIII. Sibi

Et Suae. Sepul.

C. Mussenus

T. L. Æsopus

Sibi. Et Suis

Parentibus

In Fr. P. XIV.

Machenae. F. F.

In. Agr. XX.

In. Agr. P. XXII.

C. Flavius. L. F. Vel

C. Flavius. C. L. Faustus

L. Babrenus

Ser. Fulvio. Ser.

P. L. Philotinus

L. Suavis. Sibi. Et

Sibi. Et. Patrono

Baebiae. L. L.

Et Suis

Chrestini

In Fr. P. XII.

In Agr. P. XII.

(1) Lib. 7. Cap. 14.

Epitaphia ista, monumentum familiae, et haeredibus sic adtributum esse declarant, ut unius maxime, aut paucorum causa exstructum indicent: nam aliud proprium vix habent, quam formulam eam, qua jus sepulturae consanguineis patronis ac posteris tribuitur; quin referant, quorum decreto, aut consensu monumentum sit constitutum. Alia contra hic afferenda, nemine nominatim appellato, ad unam tantum familiam, aut gentem pertinere demonstrant, sive ii jam conditi, sive condendi sint.

In. Fronte	In F. P.	In Agr. P.
P. XV.	XIII.	XXII.

Eodem loco, quo longa lapidum series sese aperuit, vetus prae-nobile sepulcrum fuit detectum. Aedem totam extrinsecus rotundam fuisse constat, ex ingentibus lapidibus perpolitis, absque caemento inter se mire cohaerentibus convestitam, cui respondet basis pari artificio; et desuper nonnulli lapides fortissimi, et simpliciter ad instar titulorum oppositi superstant, in quorum uno sic legitur

M. Servili. M. F.

Et quia sepulcra nunc etiam, modo unitantum fiunt, modo familiae quoque, et haeredibus, aut toti genti parantur; suspicor,

sepulcrum istud Servilii haereditarium esse, illudque ad haeredes etiam pertinere, sive suos ac necessarios, sive posteros ac successores, describendos forsitan in titulis, nulla ejusdem gentis nomina praeseferentibus. Est nunc in aedibus publicis civitatis nostrae una cum cippis desuper allatis.

Ex his, quae subsecivis horis, et cum nonnihil otii a publicis muneribus, quibus fungor, mihi datum est, digessi; aliquid forsitan laudis, gloriaeque civibus accedet. Eoque magis id puto post haec omnia, veluti e terrae salibus, et particulis, quae longa aetate iis adhaeserant, ad municipium nostrum illustrandum expolita; quaeque in causa fuerunt, ut recentia cum antiquis conferrem, aliaque multa scitu dignissima observarem. Caeterum, qui ante nos fuerunt, non viderunt omnia; non omnia nos vidimus, aut videmus: voluisse in his rebus, satis est. Liberum quoque unicuique debet esse iudicium: uti nulli irascar, qui a mea discedat sententia; ita aequum est, me ea usum fuisse libertate, qua alienam sententiam repudiarem.

III.

De nova Septempedanorum civitate.

Cum de antiqua Septempedanorum urbe partibus superioribus disseruissem, jamtum series ipsa rerum hortari, et postulare ratio videbatur, ut in hac postrema recentiores veluti res lustrarem, et quae in eis initia, qui progressus, quae vicissitudines fuerint, accurate, ut poteram, diligenterque describerem. Esse enim hoc munus ab iis susceptum perspiciebam, qui origines reipublicae, vel civitatis cujusquam explicare aggrederentur; ut non solum, quibus praesidiis nata, atque confirmata universe, sed quorum etiam opera amplificata sit, atque in varias partes manarit, singillatim, distributeque agerent.

Ubi Narses regnum ac nomen Gothorum ex Italia delevit, eamque imperio orientis adjunxit; *Septempeda* nova, seu *Sanctiseverini* oppidum in vertice *montis nigri*, quo *castrum regale* assurgebat, quoque cives, uti satis attigimus, ex aedibus extorres confluxerant, facile reflorescere caepit. Sed brevi barbaro-

rum procella in eos recrudit. Narses enim tum Justinī imperatoris injuria, tum Sophiae Augustae, eunuchum ad pensum revocantis, contumelia accensus; iram in rabiem vertit, et Longobardos e Pannonia in Italiam revocavit. Ii Alboinum regem secuti Galliam cisalpinam primo belli impetu occuparunt; et, Umbria, Etruriaque ferme universa in suam ditionem redactis, ducatus tres instituere, Foro-Juliensem, Spoletanum, Tuscumque. Hinc in eam Piceni partem populabundi transgressi, quae inter apenninum et adriaticum jacet, Septempedanos intra Spoletanae dominationis fines edixerunt inclusos. (1)

Decennio interim a Clephi obitu elapso, Longobardi triginta ducum regimen pertaesi Autharit ejus filium regem constituunt, qui (2) Flavii cognomen, ut barbari asperitatem nominis, romani adjectione, quodammodo delineret, assumpsit. Et animus quidem horret ea prodere literis, quae in finibus nostris (3) ipsi gesserunt, dum Arnulfus, quem Arinlfum alii

(1) Bernardus Gentilius *Ant. di Settemp.* fol. 53.

(2) Paulus Diaconus lib. 7.

(3) Id lib. 4. — Brocukner *diz. geog.* vol. 1.

dicunt, gentis dux, qui Spoleti imperitabat, Romanos ad Camerinum vicit. Et quamvis orientis imperatores in Longobardicum bellum vehementer accensi, exercitibus in Italiam transmissis, strenue pugnassent; tamen ipsi, Persarum, Saracenorumque infestatione continuo distenti, urbem semel, et iterum obsessam, Beneventanum agrum, mox Tarentum, Brundisium, omnemque circumjectam regionem sibi ablatam, alpesque cottias subactas videre. Et cives nostri jamdudum contemplati erant instituta majorum, mores, magistratusque abrogatos, et in eorum vicem Gastaldium suffectum. Haec, quae retulimus, etsi certis non careant auctoribus, tamen verissime accedunt ad diploma Eudonis e Burgundia Episcopi Camerinensis, qui agros nonnullos, ut rectores perpetuo sequerentur, Virgini dono dedisse, et pro sua in Divam pietate templum excitasse refertur in Gastaldia Septempedana. (1)

Quod Gastaldii munus apud Longobardos tum esset, quodque decus in nostros ex eodem manaret; satis antiquis (2) ex legi-

(1) Turchius Cam. Sacrum in app. fol. 15.

(2) Luitprandus rex in leg. 6. lib. 6. ita loquitur: Si

bus eruitur. In capite septuagesimoquarto *pa-*
raeciarum invenimus Warnefridum Senae ju-
dicem, qui etiam nuncupatur *Gastaldius Se-*
nae. Et in vita Zacchariae papae, apud Ana-
stasium, legimus *Ramingum Castaldium Tu-*
scanensem. Credibile quidem est, singulas

quis *Gastaldius*, aut *Actor regis curtem regiam habens ad*
gubernandum, et ex ipsa curte alicui sine jussione regis
casam tributariam, vel terram, sylveta, vel prata ausus
fuerit donare duplum componat. Idem de *Gastald-*
diis tradit Rotarit rex in lege 378., et *curtis regiae* no-
men passim in aliis usurpat ad aedem, fiscumque regis de-
notandum. Imo in lege 222 mandat, ut, *si parentes vindic-*
tam non sumant de muliere libera, quae servo nupserit;
tunc liceat Gastaldio regis, aut Actori, aut Sculdascio
ipsam in curtem regis ducere, et intra pensiles constituere.
Hinc nos edocemur, in amplissimum eorum ordinem, qui
fisci res procurabant, *Gastaldios* esse amandandos. Jus
insuper dicebant, uti licet praelibare ex lege 8. Pipini Ita-
liae regis, ubi *fisci res* tam a comitibus suis, quam etiam
a *Gastaldiis*, seu *Sculdascitis* dirimi edicit: et *si Gastal-*
dus vel Sculdascius non fecerit, mulctetur. Quod insuper
Gastaldios armatorum manibus praecessent, constat ex le-
ge 24. ejusdem Rotarit, qui ita jussit: *si Gastaldius exer-*
citalem suum contra rationem molestaverit, dux eum sole-
tur. Ludovicus II. augustus voluit, ut nullum ab expedi-
tione aut Comes, aut *Gastaldius*, vel *Ministri* eorum ex-
cusatum habeant.

urbes judicem, vel comitem, et simul Gastaldium habuisse: et unum idemque, in latissima Beneventani ducatus ditione, comitem et Gastaldium antiquitatis cultores fuisse tenent. Scimus praeterea ex Pauli diaconi historia, quae extat, rerum a Longobardis gestarum, Alzeconi Bulgarorum duci in Italiam suis cum militibus transgresso Grimoaldum Beneventi ducem ad habitandum tribuisse Sepianum, Bovianum, et Iserniam, aliasque cum suis territoriis civitates; ipsumque Alzeconem, mutato dignitatis nomine, de Duce Gastaldium vocari praecepisse. Et in quadam partitionis charta inter principes Beneventanos, et Salernitanos secutae videntur integrâ Gastaldum, seu ministeria, Tarentum, Latinianum, Cusentia, Lucania, Salernum, Capua, aliaeque. (1)

Jam decimum in imperio annum agebat Leo Isaurus, cum sacras ubique imagines deleri jussit, earumque plurimas nactus ipsa in urbe regia concremavit. Quo cognito, Gregorius pontifex anathemate eum perculit, popularibus ejus sacramento solutis. Hujus decreti

(1) Muratorius in dissertationibus.

fama romanos, campanos, ravennates, et pentapolitanos, qui sub graeco erant imperio, ab Iconomacho abrupit, et Septempedanos ecclesiae partes amplexos in novas primum calamitates conjecit, moxque ad spem libertatis erexit. Nam Leo per Exarchum foedus cum Luitprando Longobardorum rege ferierat, auxilia ad debellandos Spoletanum, ac Beneventanum ejus ipsius gentis duces pollicitus, dum tamen rex ipse romanam urbem junctis viribus expugnet. Et si spes, visque omnis tunc cecidit; haud multo post (1) Trasemundus Spoletanus dux a Luitprando rege infesto agmine fuit appetitus. Et cum dedere illum romani, ad quos confugerat, abnuerent; urbs a Luitprando iterum obsessa est, et Vaticanum templum spoliatum. Caeterum, rege tum quidem recedente, Trasemundus amissum statim principatum recepit, atque iterum regis in se arma concivit. His igitur inter se dissidentibus, in maximum Italia discrimen fuit adducta. Est, qui vix usquam Septempedanos majorem cladem vel in pugna cruentissima ex iis mutuis

(1) Anastasius in Zac.

contentionibus accepisse tradit, oppidumque mirum in modum deformatum (1).

Gregorius interim, honorifica ad Carolum Martellum legatione instituta, enixe illum ad opem Italis adversus Longobardos ferendam hortatus est. Sed eorum res in Italia adeo subinde processere, ut Astulfus, cui Rachis frater Longobardiae regnum legaverat, Ravenna potitus, caetera Exarchatus oppida, ac Pentapolim sua in jura redegerit, et successu elatus in Spoletanam ditionem populabundus quoque irruerit, extrema minitatus romanis, nisi se, suaque dedidissent. Quare Stephanus pontifex ad Pipinum regem contendit, in Galliam petiturus auxilium; et rex transgressus alpes Astulfum bello petivit, acieque victum, Papiaeque circumsessum tandem perpulit, ut Exarchatum, et Pentapolim, quae Anconam, et quatuor alias Piceni urbes continebat, pontifici traderet. Et haec nos summatim retulimus, dum municipales quoque res absque ordine, ratione, fineque minime scribi posse, semper putavimus.

(1) Consule Anon. relat. a Murat. vol. 10. — Gent. loc. cit.

Astolfo extincto, Desiderius successerat, qui regni proferendi avidus Ecclesiae invadit imperium. Hadrianus I. tum romanus pontifex non nisi Francorum fidem sibi implorandam ratus, nuncios ad Carolum mittit, qui Desiderio ablata pontifici restituere abnuenti bellum infert. Conscripto exercitu alpina claustra Longobardis militibus insessa irrumpit, et Ticinum, quo se Desiderius receperat, profectus urbem obsidet, eaque haudquaquam capta, magnis itineribus Romam petit. Exceptus est Carolus omnibus romanorum ordinibus obviam effusus, ipso autem pontifice pro foribus basilicae principis Apostolorum praestolante. Antequam vero discederet, Pipini patris donationem Romanae Ecclesiae factam non ratam modo habuit, sed urbibus compluribus, atque adeo provinciis, et spoletano ducatu adjectis, munificentissime cumulavit. Ticinum inde repetens, urbem civibus ac praesidiariis haustam militibus, ipsumque Desiderium in deditionem recipit, nobiliorem ad posteros Longobardico bello perduto, quam fuerit Alboinus inchoato. Caeterum Italiae partem, quam Longobardi tenuerant, retinet sibi: id regnum Italiae appellatum. Ex eo tempore Septempe-

dani, barba detonsa, et Longobardorum cultu rejecto, legitimum dominum habuerunt nullum praeter romanum pontificem; aut si quis, ab eo datus esset. Et si quandoque, ut infra inuenimus, saeculis factionibus plenis pro imperio steterunt; id factum necessitate potius, quam voluntate civium, qui non semper illam vim propulsare, et motus a rebellibus concitatos compescere potuerunt.

Hinc quamdam reipublicae speciem, sub alto romani pontificis dominatu, apud nostros, uti in plerisque Italiae civitatibus vel oppidis, inuentam fuisse reperio. Nam Leo III. Pontifex illustris ob Caroli regis in christianam rem universam merita Augustum eum appellaverat. Ita romanum imperium ob Graecorum Caesarum dissidia, atque ignaviam, destitutamque Italiae tutelam Leo ad Francos una cum Ecclesiae patrocinio detulerat, ea tantum Italiae parte, quae hinc a Neapoli, inde a Siponto in mare suis cum insulis e regione procurrit, imperio orientali relicta. Quare Otho I. Italiam jam a Saracenorum, Hungarorumque copiis salis longe conflictatam ingressus, urbem non modo, sed Italiam quoque pacavit; et veterem Pipini, Caroli, Ludovici donationem in

pontifices firmavit. Sed cum Otho II. paternam virtutem nomine magis, quam in dote retulisset, et bellum cum Lothario Galliae rege, Germanisque (1) infelicitè gessisset; ejus majestas apud populares adeo exolevit, ut Italici populi, contempto Augusti imperio, passim libertatem usurpare caeperint, curis cum Episcopis quandoque partitis, nullaque forma, quoad consulum numerum, plerumque servata (2).

Ita in Lucensi pace ejus civitatis (3) sexaginta consules invenimus. Quod septem apud Mutinenses, duodecim apud Bergomates, quatuor, aut sex apud Genuenses primitus crearentur, Muratorius docet. Legimus, *Narnienses consules universales civitatis, et comitatus Narniae Carlei arcem cuidam Alifondae concessisse*. Sed non solum in civitatibus, ut ipse tradit, verum etiam in Oppidis, sub principum quoque potestate manentibus, nomen munusque consulum deinceps invaluit. Quare et cives nostri, qui, excusso Longobardorum jugo, veteris reipublicae formam revo-

(1) Sigonius lib. 7.

(2) Otho e Fris. lib. 2. de gest. Frid. 1. cap. 13.

(3) Muratorius p. 1. cap. 17. *Ant. esten.*

caverant, ex antiquitate repetierunt Decuriones et Consules, quorum erat jus dicere, de criminibus cognoscere, nummulariorum fraudes coercere, et quietem publicam procurare. Et haec Pontifices pro Septempedanis rata esse jusserunt, quoad vicissitudines permisere.

Modo enim Robertus, et Richardus Normandorum duces per Italicorum principum discordias in pontificia ditione animo infenso consedebant. Modo Henricus V. per Picenum Romam progrediebatur armata manu. Gliscen-
tibus in Italia bellis, Laurentius Episcopus Camerinensis Septempedanae ecclesiae jura, una cum oppido, Warnerio, et Altrudae comitis-
sae, ac Warnerio filio cedebat (1). Fridericus tandem Ænobarbus ab Ecclesia omnino alienus, Ghibellinorum, et Guelforum nominibus ex veteri Germaniae discordia repetitis, pestiferas factiones tota Italia excitabat. Antequam vero Vaticana aede per vim ipse potitus Paschalem pseudo-pontificem in Petri Sede stauisset; Septempedani (2) ferro, fame, pe-

(1) Turchius loc. cit. in app. fol. 25. — Murat. in Ant. Estens. — Otho a s. Blasio in app. ad chron. Frisingen. — Compagnon. reg. plc. lib. 2.

(2) Lilius *ist. camarin.* lib. 2.

silentia domiti ejus in fidem venerant. Sed brevi cives ex composito a Laurentio, et Æno-barbo defecere, et ex veteri consulum instituto minime recesserunt. Nam dum Fridericus cum instructissimo exercitu ad Longobardiae, Romaeque excidium redibat; Capitulo nostro dedit diploma, in quo *Petrini*, et *Offrodicii* consulum Sanctiseverini (1) nomina assurgunt. Sed postquam Æno-barbus pacem cum Alexandro firmavit, et Venetias ad eum profectus pedem pontificis venerabundus osculo contigit; novam regiminis formam apud Septempedanos invectam fuisse reperio.

Quum pro enervata imperatorum potentia jura humana, ac divina penitus essent contempta, et proinde (2) civitates ubique libertatem omnimodam affectarent, et consules jus privatum, et publicum tyrannice regerent; Itali tum univoce ferme edixerunt, ut inter alienos in urbibus, oppidisque Praetor eligeretur, qui consulibus, et magistratibus prae-

(1) Turchius loco cit. fol. 29. — Liinig. cod. *ist. diplom.* vol. 1.

(2) Muratorius de antiq. med. aevi vol. 4. — Joannes Villani — Panvinus, aliiq.

esset, sive, ut ex veterrimo romanorum usu dicere amarunt, *Potestas* (1). Hoc vero munus adeo apud Italos, in liberis praecipue civitatibus, tum erat, ut eo principes cohonestarentur, aut qui dignitatem equestrem essent adepti. Et si anno 1190 *sapientes et consiliarii civitatis* (2) Genuae statuebant, ut *consulatus Communis in futuro anno cessarent, et de habendo Potestate omnes fere fuerunt concordēs*: Si anno 1193 Florentini primum eorum Potestatem dicebant Gerardum (3) Caponsaccum: res quoque Septempedanorum publica, jubente A. C. Innocentio III. a Consulibus ad Potestatem pervenit. Jam tum enim anno 1199 in foedere cum

(1) Usque a primævis latinæ linguae temporibus ejusmodi nomen ad populi magistratus denotandos per ora hominum traducebatur. *Mites praestare dominos Potestatesque exorabiles*, legimus lib. 29. cap. 4. apud Plinium. *Jussit Potestas officialem suum magna severitate coerceri*, scripsit Apulejus. Claudius imperator jurisdictionem de fideicommissis in urbe delegari magistratibus solitam, atque etiam per provincias, *potestatibus* demandavit, teste Svetonio in vita Claudii cap. 23. Et Juvenalis sat. 10. vers. 99. ait.

*Hujus qui trahitur, praetextam sumere mavis,
An Fidenarum, Gabiorumque esse Potestas?*

(2) Ex contin. Caffari lib. 3. ex annal. Genuae.

(3) Anniratus junior *ist. Florent.*

Fabrianensibus, aliisque (1) percusso *filius Midonis Sanctiseverini Potestas* ex publicis tabulis innotescit. In iis vero agebatur, ne arma inferri possent in Pontificem, et Marquardum Annivilerium, quem Henricus VI. Augustus, exauctorato marchione Goctebaldo, Ravennae ducem, et Marchiae anconitanae marchionem declaraverat, quique a pontifice confirmationem obtinere autumabat. Sed ipse tum fuit ipse delusus; et quot in provincia turbas civerit, quot rapinas, et caedes perpetraverit, ex historia satis est compertum.

At recuperata (2) ab Innocentio Marchia, plures ex eadem provincia urbes mutuis inter se flagrare odiis caeperant, ac dissensiones non leves inter castra, et oppida oboriri. Et licet Cinthius Cencius, et Joannes e sancto Paulo Cardinales itemque Legati pro pace statuenda strenue laborassent, quemadmodum Piceni chronographi tradunt omnes; tamen illico Comes de Celano Marchiam anconitanam fere omnem in suam redegit potestatem, et tyrannum potius, quam marchionem cives nostri cum fuerunt experti.

(1) Marangonius *ist. di Civ. nov.* lib. 3. cap. 4.

(2) Raynaldus *annal. eccl.* vol. 13.

Haec inter Otho IV. augustalibus ab Innocentio titulis, et diademate ornatus, jurisjurandi, ac promissorum immemor (1) Perusiam, Urbemveterem, Viterbium, ac totum divi Petri patrimonium per summam injuriam vi cepit. Hinc ducatum Spoletanum Bertholdo familiari suo dono dedit, et Apuliam tandem invasit. Fotis tantisper Comitibus rebus, Azzoni VI. Atestino beneficiario jure (2) Marchiam A. C. ipsam tradidit, datis in oppido nostro, apud 1211 quod anno 1211. castra posuerat (3), Alberto canonicorum Priori imperialibus literis. Haud A. C. multo post Azzone defuncto, Aldebrandinus 1213 filius anno 1213. idem provinciae imperium, seu eandem, ut ajunt, investituram (4) ab Innocentio accepit. Quum Aldebrandinus quoque occubuisset, Honorius III. quae decessor Azzoni et Aldebrandino, eadem (5) ipse Azzoni VII. contulit. Dum ita Marchio anconita-

(1) Id. ib. sub. anno 1209.

(2) Muratorius *Ant. esten.* p. 1. cap. 39.

(3) Compagnonius reg. pic.

(4) *Cum annuo censu centum librarum Pravinensium.*
Muratorius loc. cit.

(5) Id. ib.

nus super comitatus nostri dominio imperabat, et Pandulphus e Savellia gente a pontifice in Marchiam ablegabatur una cum patriarcha Aquilejensi, ut in ejus possessionem Atestinum immitterent; miseram intuentium oculis scenam oppidani nostri jam aperuerant.

Ex quo Augusti ex Germania, Hungariaque in Italiam (1) pro afflictis imperii rebus tutandis venerant; nobiles ac praedivites viri eos fuerunt secuti. Inter hos Octavianus ille est recensendus, ex quo castrum Trusciae comites (2) deduxerunt originem. Ii anno 1218. nobilitate, et opibus superbiebant, modo unam, modo alteram illorum temporum factionem foventes, et pro utraque intrepide propugnantes. Quare inter comites ipsos, et oppidanos nostros intestinum odium exardescibat, publicis etiam dissidiis non modice adauctum: quae in causa fuerunt, cur Septempedani extremam castrum ruinam meditarentur. Armatorum igitur

(1) Otho e Frisia. — Consule Petrum Giordani *antol. di Firenze* n. 49. *gen.* 1825.

(2) Franciscus Pamphilus de laud. Pic. cecinit. Truscia nobilium praesignis origo virorum,

Viribus, ingenio claruit ampla diu.

manu comparata , castrum (1) obsidione circumdederunt , et tandem, proditione firmata , milites in castrum stricto gladio ingressi illud miserrime everterunt. Compromisso (2) hinc interposito , in oppidum nostrum extorres Comites migrare , et in nobilium numero (3) haberi caeperunt, magnitudine ac varietate rerum gestarum tunc sane praecipui , et in posterum quoque in Caccialuporum , Francorumque familiis.

Sed jam Fridericus II. Ænobarbi nepos improbitate cum avo et Henrico patre certabat. Imperii enim titulis ab Honorio III. honestatus in pontificiam ditionem impetum fecerat, Guelforum, Ghibellinorumque factionibus longo intervallo (4) revocatis. Quare summo furore , et strepitu milites huc illuc ingressi omnia percurrere, omnia diripere, claudibus, incendiis, luxuriis fraena laxare jam caeperant. Idipsum discordiae semen jam creverat inter Pyranos, et nobiles illos castri

(1) Valerius Cancellotius *ist. settemp. m. ss.*

(2) Lilius loc. cit. p. 1. lib. 8.

(3) Ex rogitibus Benvenuti

(4) Sigonius lib. 15. 16.

Casavollae dominos, qui tamen, quacumque
 A. C. subjectione abrogata, in oppidi nostri (1)
 1216 fidem jam venerant anno 1216. Sed vix de-
 cennio transacto, pro fessis, atque labantibus
 castri rebus propter assiduam Pyranorum im-
 pressionem, diuturnaue nimis bella, validio-
 ri auxilio sublevandis, quae sibi agenda esse
 ea de causa putabant, nobiles Casavollae effe-
 cerunt; ne committerent, ut, elapsa rei bene
 gerendae occasione, tueri postea cum vellent
 sua ipsorum bona, minime possent. Itaque cum
 Pyranis facta haud aequis conditionibus ipsius
 castri deditione; bella, incursiones, et hosti-
 A. C. litates Pyranos inter, et nostros sunt ortae;
 1234 quae ad annum 1234 fuerunt protractae.
 Sed rursus manus consertae tanto equidem
 odio, ut extremam Casavollae vastitatem edi-
 derint (2).

Quum interim marchiones Atestini aliis
 negotiis distracti longe a Piceni provincia di-
 starent; Pontifices, eorum procuratoribus ex-
 auctoratis, eam per Legatos administrabant,

(1) Turchius loc. cit. fol. 116.

(2) Id. *dissert. ist. della Valle di S. Clemente* apud
 Colucium.

qui Marchionum causam strenue tuebantur. Caeterum Septempedani, ut Pontificum jussa implerent, se Legatis obtemperaturos esse promiserunt, et res illis haud infeliciter cessit, donec rationibus a jure petitis, ac forensi actione decertandum fuit. Non ita vero factum est, quum per Friderici exercitum ad arma denuo conclamatum est. Quae caedes, quae incendia illata per illum fuerint, historiae periti norunt omnes. Et Septempedani, quum armorum tem-

A. C. pestatem repellere nequaquam possent, ma-
 1240 nus (1) dederunt victas. Nam comitatui nostro supremam propemodum stragem milites ipsi attulerunt; et immoderata affecti cupiditate praedas ex valle Fabriana egerunt egregias. Sed nondum duces coenobio divo Mariano sacro furentes copias admoverant; cum Severinus

A. C. abbas male sibi, suisque ab hostibus me-
 1241 tuens (2) ad moenia nostra confugit, ut fusius suo loco erimus dicturi. Coenobium vero antiquissimae structurae, medium vallis locum occupans, ut ab hominum memoria aboleretur,

(1) Juxta computum Raynaldi ann. 1240.

(2) Ex rogibus Angelderii.

debaecchantibus flammis (1) miserrime fuit crematum.

Sed in ultimum jam venerat discrimen romana res; et Innocentius IV. pontifex animadvertens, Fridericum sibi domi, forisque insidias struere, in Franciam tetendit, ibique in concilio Lugdunensi Friderico jus imperii, titulumque abrogavit. Tum ille impium Pontifici rursus intulit bellum, et Marchiae anconitanae opes universae (2) ad extremum periculi, duce ejus filio Raynerio, (3) jam vergebant. Sed atroci morbo, seu potius Manfredi dolo ipse fuit extinctus, et Innocentio A. C. in Italiam redeunti anno 1251 Septempedani 1251 cum reliquis Picentibus se dederunt. Manfredus, ne gratuitum foret parricidium, A. C. patrum regnum per tutelae speciem 1252 occupavit; et Nucerinis Saracenorum copiis subnixus invadit pontificiam ditionem. Caeterum a pontificio Legato Germanicis copiis repressus est. Et si oppidum nostrum a Romana

(1) Ex diplomate Philippi Ep. Cam. VIII. kal. maii 1241. penes Turchium loc. cit. fol. 74, in app.

(2) Pandel. Collinuccius *ist. Neap.* lib. 4.

(3) Marangonius loc. cit. lib. 3.

Ecclesia deficere hac vice haud coactum fuit; parem non potuit operam impendere, ut se in posterum a Manfredi tyrannide subduceret. Nam licet Urbanus IV. pontifex Francorum armis, qui ad Syriacum bellum nomen dede- rant, Saracenos Piceno praecipites ageret, et mox Carolum comitem Andegavensem ad spem evocaret Siculi regni; tamen (1) Manfredus Picenum occupavit, et magnam cladem (2) Percivallis de Orio intulit iis qui pro Ponti- fice pugnabant. Tum (3) Firmum, tum (4) Camerinum aliaeque civitates, quae sub Eccle- siae ditione degebant, misere direptae, atque A. C. abactae. Iis sane infortuniis oppidum nostrum 1258 anno 1258. occubuit (5), donec Carolus regni titulo nitens, ad Beneventum collatis signis cum Manfredo confligit, et tyranno victo cae-

(1) Joannes Villani lib. 6. cap. 7.

(2) Corius *ist. Mil.* p. 2.

(3) Adamius de reb. gest. Firm.

(4) Turchius Cam. sacr. fol. 211.

(5) In tabulis Trusciae comitum — anno 1258. re- gnante duo. nostro Manfredo Dei gratia serenissimo rege Siciliae anno ejus I. — ex mss. B. Gentilii. — In rog. Pauli ita habemus — anno 1261. regnante D. Manfredo rege Siciliae regni ejus anno III.

seque, regno fuit potitus. Hinc sub Clemente IV. pontifice, pace tandem Italiae parta, statim Septempedani ad Ecclesiae gremium convolarunt.

Dum Marchia Anconitana tot annorum perpetuis bellis defessa, pace fruebatur mul- A. C. tis conditionibus inita; anno 1279, ipso die 1279 Philippo, et Jacobo apostolis sacro provinciam (1), ac oppidum nostrum horrendum in modum concussit terribilis terraemotus, domusque diruit quamplures. Interim nova reipublicae forma, ex quo Carolus Andegavensis expectabatur, Romae, absente Pontifice, erat inchoata, et *regionatim* magistratus creari caepti cum potestate vitae necisque. Civitatibus passim ab ipsis Augustis venalis proponebatur libertas, et magistratus sibi, et vexilliferum ipsae creabant. Huc populorum voluntas vim juris obtinuerat, illuc vis erat pro jure. Hinc ad hujusmodi tumultus inter plebejos, et no- A. C. biles apud nostros etiam tollendos anno 1307. 1307 regiones in oppido, et (2) *contradas* ita di-

(1) Muratorius rer. ital. vol. 8.

(2) Ex lib. refor. ann. 1307. — Murat. loc. cit. vol. 15.

ctas, ac in eisdem vexilliferos Septempedani constituerunt. In hoc autem usque ad annum 1427, animis licet (1) quandoque infensis, adeo perdurarunt, ut ab iis regionibus *magistratus, et consul artium* in oppido crearentur, donec anno 1532, auctore Benedicto de Accoltis cardinale Ravennae, et Marchiae Anconitanae Legato, plebe a rebus publicis pulsa, nobilium statum cives ipsi induxerunt (2).

Haec inter quae rixae hac de re inter nobiles, populumque in oppido nostro exarsissent, longum esset referre. Nam per eam occasionem, cum novis alborum, nigrorumque nominibus, vetera odia undique erant renovata; et Henricus VII. caesar Romam petens jam turbabat Italiam, et, ex oppidis (3) Guelfis ejectis, Ghibellinos passim restituebat. Tum Clemens pontifex veritus, ne Caesar Romam occuparet; Roberti Neapolitani regis fidei urbem commendabat. Sed varia deinceps Germanorum procerum in successore demortui Caesaris creando studia

(1) Ex lib. refor.

(2) Ex lib. refor. consil. 16. novembris 1532. sub. *datum sanctiseverini*.

(3) Joannes Villani lib. 8. et 9. — S. Antonibus p. 3.

jam diviserant imperii vires. Duo enim erant
 Caesares lecti, Ludovicus Bavariae, et Fridericus
 Austriae, duces, qui ingentes conciverant tur-
 bas. Ludovicus igitur, inita cum Matthaeo Vi-
 cecomite societate, Genuam bello premebat,
 ut Ghibellini exules restituerentur. Mox, victo
 captoque Friderico imperii aemulo, Romam
 venit. Factum tum est, ut civitates quamplu- A. C.
 res in ipsius Ludovici concederent potestatem. 1327
 Quae sane calamitas, uti ad multas Piceni ur-
 bes, ita ad oppidum nostrum pervenit, novis
 repente in pontificia quoque ditione tyran-
 nis (1) exortis. Nam, uti Galeottus Malate-
 sta Arimini, Franciscus Ordellaphus Forolivii,
 Manfredus Faventiae, Polentanus Ravennae;
 ita Smedutius inter nos tyrannidem affectavit,
 imperii partes sequutus.

Pacata tantisper Italia, Benedictus XII.
 pontifex Legatum ad componendas res urbanas
 destinat Romam. Inde Luchino Vicecomiti, Gui-
 lielmo Gonzagae, Martino Scaligero, Obicioni
 Estensi principatus ratos facit. At Bavarus Cae-
 sar gratiam Pontifici relaturus, dominatum *

(1) Id. lib. 12. et 13.

A. C. privatis in pontificiae ditionis oppidis partum
 1342 pro imperatoria potestate anno 1342 ratum (1)
 esse jussit. Viterbi Vicanus, Caesenae Sinobal-
 dus, Urbini Feltrius, Pisauri Malatesta, Ca-
 merini Varanus, Fabriani Clavellus, Mathili-
 cae Bulgaruccius, alii alibi Vicarii imperii
 1343 extiterunt, et penes nostros Smedutius. Rebus
 ita compositis, ut, quod quisque cepisset,
 ad sedandas civiles discordias retineret; oppi-
 dum utique tyrannide vehementius oppressit
 Smedutius, civibus ad tuendam libertatem fru-
 stra concitatis. Nam multitudo, etsi rerum no-
 varum cupida, potiusquam ipsum valeret vi e
 regimine ambivere totum a dominis de Lor-
 nano, qui et internos per ea tempora opibus
 mirifice creverant, frenum, ut equus, mor-
 dere (2) coacta fuit, et non sine animi moe-
 rore prospicere rem ejus publicam auctam;
 quum non minimam partem (3) agri nostri
 liberam, optimoque jure subjectam ipse habe-

(1) Tarcognata part. 2.

(2) Prostat adhuc in turri civitatis nostrae lapis a Sine-
 datio positus, et fraeni signum praesefereus.

(3) Turchius loc. cit. pag. 59.

ret, castris quæ coemptis, quæ vi in deditio-
nem acceptis, aut fiduciario jure retentis (1).

Iisdem ferme diebus, quibus Clemens VI.
pontifex e vivis nondum excesserat, Joannes
Vicecomes (2) Archiepiscopus Mediolanensis mo-
lestissime ferebat, Guelfos paulatim in Italia
nidificare, et augeri viribus, atque eo nomine
illos quoque minime in Etruria, et in Marchia
Anconitana passurus videbatur. Quare missis
undique cum mandatis, et auctoritate nunciis,
ut consiliis omnibus et pacis, et belli interes-
sent, fit magnus (3) oppidorum concursus, et A. C.
anno 1353 foedus Archiepiscopus percussit, 1353
non sine (4) gravi Ecclesiae injuria, cum non-
nullis provinciae nostrae dynastis, inter quos

(1) Plura de Smedutiana gente Joseph Raynaldius in com-
mentario enarravit. Ipse libros omnes civitatis nostrae per-
volvit, diligenter ponderavit, ac, conservatis, notatisque tem-
poribus, in ordinem redegit, atque transcripsit. Res sane ple-
na fuit laboris, et molestiae: uni vero religio fuit exem-
plar inspicere, et majoris momenti actorum fere omnium au-
tographa ipsa passim in tabulariis per eum inventa.

(2) Joannes Villani lib. 2. et 3.

(3) Ital. sacr. archiep. Mediolan. vol. 4.

(4) Compagnon. reg. pic. lib. 5.

Smedutius (1) numerandus, auctore Malatesta de Malatestis Ariminensi, qui Joannis erat studiosissimus. Neque id sane mirum etiam in oppido nostro evenisse. Nam inter principatus Caroli IV. initia Nicolaus Laurentii, multitudine ad spem libertatis erecta, tribunitium nomen, ac potestatem imperatoriam in urbe invaserat. Inde omnes ferme Italiae populos libertatis dulcedine delinitos perpulerat, ut pacem ab eo, amicitiamque peterent. Ast dum importuni libertatis vindices unam Marchiae oppidorum factionem amplexi passim alteram offendebant, et ruinae proximi in lubrico stabant, pejoribus etiam artibus, quam quaesierat, tyrannidem suam jam Smedutius firmaverat.

Lue, qua non alia foedior, ac funestior memoratur, e Scythia in Graeciam transgressa, inde, Illyricum emensa, Italiam pervadente; parumper fuit cessatum ab armis, et Carolus caesar ad urbem profectus, Pontificis nomine

(1) Cancellottus *ist. settemp.* mss. — In chronaca Senensi Andreae Dei, et Angeli Turae edita a Muratorio rer. italicarum — 1346. *Stefano di Smeduccio da Sanseverino nella marca fu Potestà di Siena in Calendì di Luglio* — 1355. *Cola di Smeduccio.*

imperii insignibus ornatus, intacta cessit Italia. Sed cum impotenti quadam arrogantia adhuc totius Marchiae Anconitanae imperium sibi deterrimi Ordelsphi essent polliciti; auctores illius invadendae statim fuerunt (1) Morreali, cujus crebrae victoriae celebrem illum apud Francos, Germanosque reddiderant. Cum is tyrannorum ingenium, et vires, eorumque mobilitatem, et inter se discordiam sedulo exploravisset; ea occasione arrepta, pontificiam ditionem, multis ex iis profligatis, occupavit. Sed non diu ea prosperitate fretus Marchiam ipsam (2); praedabundus adiit, licet oppidum A. C. nostrum anno 1354 tanto impetu caeperit op- 1354 pugnare, ut moenibus denudasset (3), nisi Septempedanorum statui Smedutius consuluisset. Antequam vero finibus nostris excederet, magna annonae penuria aliisque rationibus permotus, agrum saeva barbarie militi diripiendum objecit, et, quod miles rapax tollere non potuit in *Cesalongae* pago, flamma vorax absumpsit.

(1) S. Antoninus tit. 21. cap. 9. — Compagnon. loc. cit.

(2) Acciajoli — Muratorius rer. ital. vol. 14.

(3) Grassius in ephem. septemp. mas. — Cancellottus loc. cit.

Ast cardinalis Ægidius Alvarus Albornotius Archiepiscopus Toletanus Innocentii VI. Legatus qua vi, qua metu jam recipiebat quicquid novi dynastae in Piceno, Umbria, Aemilia occupa-

- A. C. rant. Dynastarum tamen conditio varia pro
1355 cujusque meritis fuit. Malatestae, Polentino, Varano, Smedutio (1), quod obsequentiores Pontifici fuerant, fiduciarius principatus relictus; Ordelaphis, caeterisque bello domitis, atque ejectis. Vix dum igitur pontificia ditio liberata ab hostibus fuit, et blanda quadam lenitate perfusus Smedutius in oppidum fuit reversus; cives haud illum amplius viderunt uti alterum Ariovistum, aut Rotomalcem, aliquo scilicet vultu cimbrico, et feritate gothica metuendum. Nam passim humanitatis, abstinentiae, atque justitiae monumenta reliquit: militum licentiam diuturna impunitate confirmatam repressit: et quam propenso idcirco idem
A. C. Cardinalis legatus in eum esset animo, lucu-
1359 lenter sane declaravit: anno 1359, in quo ei fiduciario nomine *Pyrum*, et *Domum* adtribuit (2).

(1) Ex diplomate Innocentii VI. ann. 1355.

(2) Ex literis Aticonae obsignatis ann. 1359. apud Tur-
chium fol. 270.

Dum haec agebantur, Andreas Gentilis de Rovellono Rotorsii dominatum exercebat, et ad eum Ægidius nuncios miserat, ut agerent de pace. Quod cum ad aures Malatestae Ariminensis tyranni pervenisset; statim ad Andream nonnullos legaverat, ut eum ab Ægidiana averterent (1) amicitia, eique promitterent, se illi omnia Conradi Gentilis jura in valle sancti Clementis redditurum, si adversus Pontificem secum vellet sentire. Quare ipse ab Ecclesia defecerat; et cum Malatestis pacem Ægidius minime tractare ratus, Andream Rotorsii finibus excedere jam coegerat, donec anno A. C. 1365. Smedutiae genti castrum ipsum pretio florenorum 4500. cessit (2).

Ex Italia interim, quo missus fuerat ab decessore suo ad res Ecclesiae procurandas, reversus Guilielmus Grimoaldus Avenionem, consecrabatur nomine Urbani V. Viros ipse literatos diligens, et beneficiis et honoribus afficiens, juvenes mille diversis in accademiiis studiorum causa suis alebat impensis, libros:

(1) Gentilius *ist. settemp. mss.*

(2) Turchius fol. 153.

que suppeditabat, publicis scholis passim restitutis. Ne igitur inter tot molesta exterorum principum arma, hostium irruptiones, frequentesque civium dissensiones, quae urbes, resque publicas diu multumque perturbaverant, irrita omnino caderent inter nos

A. C. pontificis vota; viros doctos (1) in oppidum 1366 trahere studuerunt cives anno 1366, qui stipendio (2) constituto literas in gymnasio rursus profiterentur. Sed, Smedutio extincto, quae successere tempora, ut oppido, ita et literis infelicia fuere.

Florentini Pontificis legato infensi vexilla complura, ubi aureis literis inscriptum erat, *libertas*, per cohortium duces circum Ecclesiae urbes misere, populos ad rebellionem a Pontifice invitantes. Immane dictu, quam facile omnes libertatis dulcedo pellekerit! Universae pene Tusciae, Flaminiae, Æmiliae, et Piceni (3) civitates atque oppida ab Ecclesia defecere. Tum Bartholomaeus Smedutii filius, qui in oppidi nostri, Pyri, aliorumque castro-

(1) Ex lib. reforman. ann. 1366.

(2) Frater Antonius abbas s. Mariae Vallisfucinae.

(3) Saracenus ist. Ancon.

rum principatum patri cum germano suo Cola (1) successerat, infenso in Pontificem erat animo. Quare, collatis signis, montium angustiis egressus, praetervectusque Umbriae fines ad Tusciam usque pervenit. Ad eum confluxere Florentini, Pisani, Lucenses, Perusini, Bononienses, qui ignominiosae perduellionis comites esse voluerant, obsecrantes, ut imperii munus susciperet. Ipse igitur foederatorum ducis nomine se haud indignum professus, semper strenui (2) imperatoris munus implevit. A. C. Et anno 1375. Picentum fines iterum ingressus ad arcem Cingulanorum accessit. Matthaeus Martini, Benutinus, Ugutionus, et Maxius de Tanarellis eum gratulabundi exceperunt; et milites agminatim irruissent in oppidum, nisi magistratus claves obtulissent, illum enixissime obsecrantes, ne hostes intra muros admitteret. Ad haec Bartholomaeo cunctantius respondente, milites certatim in oppidum irrumpunt, frustra deprecante Cortisio de Lambertinis Bononiense (3) pro Romana Ecclesia Praetore. Ita

(1) Ex diplomate Gregorii XI. 15. maii penes Turchium.

(2) Poggius *ist. Fioren.* — Turchius fol. 270.

(3) *Osservaz. crit. sopra le antic. crist. di Cingoli* fol. 448.

vaferriimo libertatis vexillo e summa Cingulorum arcu expanso, ut Piceno tumultuanti captos cives significaret, ad Marchiam oppugnandam animum ipse adjecit.

Gregorius XI. ratus, ea mala ex Pontificis absentia orta, ejusdemque praesentia discuti posse, Catharinae Senensis impulsu tandem remigrat Romam. Statim cives ad pontificem detulerunt, Smedutiam gentem non solum Ecclesiae hostes, quemadmodum Marchiae Rector ei mandaverat, expellere noluisse; verum etiam oppido nova onera imposuisse, atque ad ea persolvenda coacturam interminari novis modis. Quae cum ejusmodi forent, ut Pontifici ferenda esse non viderentur; mandavit civibus, ut sine ulla mora eos hostes, quos Smedutii exceperant in oppido, ejicerent, et locum post hac, atque perfugium Smedutiorum nemini darent. Et ut arrogantiae, qua in Ecclesiam Bartholomaeus ipse, aliique erant usi, eos poeniteret, ab eorum dominatione (1) sub-

A. C. traxit Pyrum, Domum, Retorsium, et Preci-
1377 chiarum castrum anno 1377. Sed Bartholo-

(1) Sub datum romae apud s. Petrum idib. febr. apud Turchium fol. 270.

maeus non defuit sibi: et Florentinis, caeterisque populis, qui a romano Pontifice desciverant, sese rursus adjunxit. Cum vero ducum non eadem rei gerendae consilia essent, aliis aliud suadentibus, et ideo Ecclesiae militea in omnem nocendi occasionem diligenter essent intenti; Smedutius, de victoria dubitans, misit e suis, qui Urbani VI. pontificis animum explorarent, dum vehementer dolebat, vix ullum in agro nostro securitatis locum ei fuisse A. C. relictum; et anno 1379 civibus ipsis vitae, ne- 1379
cisque potestatem fuisse adtributam (1).

Haec tempestate initium schismatis, omnium, quae hactenus Ecclesiam turbarunt, teterrimi atque longissimi; quinquaginta enim annos, pontificibus Romae aliis, aliis Avenione commorantibus, Ecclesiam habuit sollicitam. At cum Urbanus induciarum tandem, quae plane simulatoriae erant, pertaesus statuisset cum Florentinis, aliisque Ecclesiae hostibus foedus percutere; perquam honorifice anno 1379. in fidem ipse recepit (2) Bartho-

(1) Ex diplomate 18. febr. in secretiori tabulario civitatis nostrae asservato.

(2) VII. Kal. novemb. 1379 — *Ecclesiae romanae servitiis honorabilibus occupare* — Consule Cancellottum loc. cit.

lomaecum ; et eum una cum Honufrio Colae filio Vicarium apud nos (1) jussit, antiquo Smedutiorum dominatui *Carpignani* castrum superaddens. Rebus tam prospere ad eorum voluntatem in pontificia aula fluentibus, magis A. C. etiam ferociter ipsi caeperunt. Conati enim 1388 sunt anno 1388. Honufrius, et Robertus fratres tyrannidem omnimodam fraude obtinere. Invadunt ideo Bartholomaei, et Smedutii ejus filii aedes horis nocturnis, eas vi occupant, vigiles et plerosque ex familia perimunt, donec, jugulatis omnibus fortissime repugnantibus, Bartholomaeum, et Smedutium adigunt pro meritis poenas luere, easque valde acerbis in arce prope Trusciam. Nullam interim dissidentibus cives ferebant opem; imo sese egregie communierant, si quid fortassis Smedutii in publicam utilitatem vellent moliri. At Franciscus Colae de Amatutiis, et Silvester

(1) Prostat in civitate lapis, ut infra:

Al nome di Dio amen 1386. Al tempo de' M. Urbano papa VI. indizione 9. regnante M. Carlo da Durazzo re de' Ungaria de Jerusalem e de Sicilia al tempo de' nobili signori M. Bartolomeo de Smedutio, et Honofrio di Cola vicarij per santa Chiesa de roma.

Ciccarellus ob singularem eorum fidem, rerumque peritiam, a Smedutiis facti suorum consiliorum conscii, incomparabili sane diligentia (1) res periculi plenas vindicarunt. Ipsi enim egerunt, ut Bartholomaei, et Smedutii die vigesima sexta aprilis (2) vincula rumpe-
rentur, dummodo oppidi principatum Honu-
phrio, et Roberto concederent.

Verum non ignari, quantum ex ea ditione ipsi commodi haberent; tum etiam veriti, ne eo abjectionis statu Bartholomaeus minime conten-
tus etiam aliena, et sua praesertim mox invade-
ret, nullis precibus potuerunt adduci, ut
paterna jura Honufrius, et Robertus commu-
nia relinquerent. Quare illi castrum Retorsii, A. C.
et Schiti arx obvenit, isti Trusciae, Montis 1933
acuti, et Civitellae (3) propugnacula. Sed sta-
tim novas rerum perturbationes in oppido id
peperit. Nam, ne Honufrius in Robertum pri-
mus arma vertisse videretur, Retorsii, et Schiti
Regulum sibi invadendum statuerat Robertus,
ut, ditionibus ejus in potestatem redactis,

(1) Ex rogiti. Vidonis, et Joannis Viducci.

(2) Ex libro Brevium diversorum.

(3) Ex actis Thomae Stephani.

expeditum in cives dominatum haberet. Igitur Marchia Anconitana anno 1393. durissimo seditionum tumultu agitata, e quibus magnum Andreae Thomacello rectori (1) periculum creabatur; ipse a Pontifice miserrime defecit; et jam victoria, ferox hanc unam spem pacis civibus ostendebat, si se, suaque permitterent victoris arbitrio. Crevit tum Honuphrio ex desperatione animus, et ultima experiri, quam indigna pati oppidum maluit. Sed omnes improvise malo perculsi, ac terrore domiti eandem conditionem a Roberto acceperunt, quam Honuphrio ipse ostenderat, haud leve temperandae victoriae documentum (2).

Haec inter Bonifacius IX., etsi visus esset quasi primus omnium Romanorum Pontificum omnem populi romani (3) vim sustulisse; tamen veritus summopere, ne Ludovicus Andegavensis potiretur regno neapolitano, atque

(1) S. Antonin. in 3. p. tit. 2. relat. a Raynaldo sub anno 1393.

(2) Marangonius loc. cit. fol. 305.

(3) Abrahamus Bzovius ad ann. 1394. — Ægidius card. viterbien. apud. Victorellum in additionibus ad Ciaconium vol. 2.

inde gradum in Ecclesiae ditionem inferret; plures ejusdem Ecclesiae urbes viris nonnullis potentioribus (1) dedit fiduciaras, tributo imposito in annos singulos. In his Ferrariam Alberto marchioni Atestino, Camerinum (2) Gentilio Varano, Fabrianum Guidoni et Clavello, Mathilicam Guidoni, et oppidum nostrum Honuphrio, et Antonio ejus filio, spe tantum successionis Roberto elargita. Ita cladem otium est consecutum; et haud multo post, cum utrique bellis, malisque essent fatigati, pax A. C. inter eos stabilis constituta anno 1396. Dum 1396 haec in oppido trahebantur, moritur Bartholomaeus (3) in Civitellae arce, apud quam, annuente Bonifacio IX., sese contulerat, sensim in eum hydrope irrepente, vir rebus omnibus jam florentissimus, longeque omnium (4) strenuissimus: nam ob multiplices a copiis suis relatas victorias - *Bartolomeo della vittoria* - fuerat proclamatus (5).

(1) Vide Raynaldum ad haec tempora.

(2) Marangonius loc. cit.

(3) Cancellottus *ist. settemp.* mss.

(4) Scipio Amm. *ist. Fiorent.*

(5) Turchius loc. cit.

- A. C. Aderat jam saecularis jubilaei celebritas,
 1400 quae Romae a Bonifacio agitata est anno 1400.
 Sed non alia aetas inusitatis, et atrocibus principum casibus foecundior extitit, aequae ac civium nostrorum, qui idcirco direptum saevissime oppidum ipsum semel, et iterum viderunt, res publicas turbatas quam maxime (1). Sub id tempus, quo Rodolphus Varranus contra pacem rursus cogitabat, et arma (2) ab eo comparabantur, quibus Honuphrium Smedutium, et castrum Ficani, ac Civitellae arcem, ditionem ejus, aggrederetur; dissidium omne Neapolis rege Romanae Ecclesiae signifero ac defensore tandem dirimente, pons insignis a Crucigerorum coenobio ad suburbanas aedes fuit reproductus lateritio opere conspicuus; et mirifice in altum subleva-

(1) Anno 1400. Severinus Ugolini civis noster non sine ingenii laude jus profitebatur (*Marang. loc. cit. lib. 3.*), et in nostrorum vindicem in diuturnis cum Cingulanis contentionibus fuit adscitus cum Jacobo Mazzetto Civitatis novae, arguentibus Antonio Antonii, et Thoma Pransonio jureconsultis, Bartholomaeo Saliceto (*cons. n. 115 ann. 1407*), cardinale Francisco Zabarellio, Petro Ancarani, et Bartholomaeo Stecino (*lib. 2. cons. 174.*) adjuvantibus.

* (2) Gentilius *ist. settemp. mss.*

tus, ut infra commode fluminis pateret transitus (1).

Interim Innocentius VII. in urbem revocatus, et magna civium gratulatione susceptus, dum addicebat anathemati principes, qui seditiosis faverant; Honuphrii, et Antonii ejus filii, iis conditionibus, quas decessor suus in A. C. diplomate jam descripserat, instaurabat (2) 1406 imperium. Sed vix ferme Honuphrius ea fuit potitus dignitate, excessit e vivis, humanarum rerum vanitatem, et incostantiam suo praepropero decessu civibus ob oculos revocans. Ea vero praeclara et rara laus fuit, humanitate pariter, et pietate excelluisse. At Antonius, qui jamdudum consiliis Ecclesiae alienis regebatur, haud multo post oppidanis maximam cladem, et miseram mortem, ut infra

(1) Anno Domini 1404. tempore SS. Dñi
Innocentii papae VII. et mag. Domni Honuphrii
Colae Smedutii pro S. Rom. Ecclesia
vicarii generalis terrae Sanctiseverini
et districtus, hic pons constructus

— Vide Cancellottum loc. cit., et cl. v. equitem Amicum Ricci — *Belle arti tom. 1. pag. 143.*

(2) Ex Brevis asserv. in tabul. pub. — Turchius fol. 285.

innuemus, sibi ipse conceivit. Nam (1) cum foe-
 A. C. difrago Ladislao rege Neapolis societatem An-
 1408 tonius iniit, in eaque permansit, donec Ale-
 xander V. pontifex Neapolis regnum Ladislao
 abrogatum concessit Ludovico Andegavensi, et
 Urbem ab ejusdem tyrannide vindicatam (2)
 per Paulum Ursinum redegit in potestatem.
 Quare cum primum ad Marchiae tumultus com-
 pescendos Jacobum ex Rubeis, Episcopum Sar-
 zauensem, ipse legavit, et ingentem suorum
 A. C. manum in agrum nostrum Jacobus traduxit
 1409 animo quidem infenso; Antonius anno 1409.
 Pontifici devotionem insimulans in fidem una
 cum oppido fuit benigne susceptus, et vendi-
 ta ei munitissima (3) Accolae arx ab Æsinis
 fuit.

Sed statim Smedutio Joannes Benutini e

(1) Ann. 1408. *Goronus Galeatii de Malatestis de Arimino habitator terrae Sanctiseverini vendidit Petro Jacobatii Vinimbene de dicta terra duas domos cum horto, et moricis et cum medietate columnae et ponte . . . in quarterio s. Francisci. — Ex rogibus Jacobi Philippi 7. Octobris 1408. penes tabularium majoris Ecclesiae nostrae.*

(2) Bonifacius in gall. piceo. mss.

(3) Cancellottus loc. cit.

Cingulo, *Brachium*, ob insignem, probatamque in armis virtutem, *forte* nuncupatus, Fabricio Signorellio, et Rogerio Perusino auxiliantibus, bellum denuntiavit, ejusque res et ditio- nes in agro Pyranò omnibus vastandas, et di- ripiendas permisit (1). Verum ubi persensit Antonius, ratione ab armis quaesita nihil pro- A. C. ficere, ad Brachium anno 1414 provocavit. 1414 Dum is revera summopere in eam curam in- cumbebat, ut lis omnis sopiretur; Joannes vehementer a Malatestis afflictus conditiones haud iniquas admisit, et a Pyranorum finibus post quinquennium recessit. Ita Antonius ab oppidanis iterum acceptus non multo post eis exemplo suo luculenter ostendit, quam nihil esset sub se diuturnum, novis emergentibus bellis, ac bellorum causis, quibus et oppidum nostrum miserabiliter fuit attritum.

Dum haec agebantur, Balthassar Cossa, Joannes XXIII. appellatus, Romam profectus Ludovicum Andegavensem in Ladislaum Ro- manae Ecclesiae hostem rursus jam excitave- rat, eique (2) Paulum Ursinum copiarum pon-

(1) Franchius apud Turchium fol. 283. et 134.

(2) Vide Spontanum.

tificiarum ducem, et Franciscum Sfortiam conjunxerat. Praelio commisso, Ladislai exercitum magna strage jam fuderant, victoria tamen non usi, praedae nimium intenti. Quare Ladislaus audacior factus statim in urbem irruerat, fugam continuo arripiente Joanne, qui superatis alpibus Constantiam venerat, daturus initium (1) Concilio, quod antea indixerat. Tum oppidani nostri, anno 1414 ad occasum vergente, fratrem Julianum civem, et inter Dominicianae gentis alumnos jam cooptatum, ad Synodum (2) misere, et universam domum in eorum benevolentiam Patres illi receperunt. Si, amari Rodolphum Varanum magneopere a concilii Patribus, et commoda omnia illius eis magnae curae fuisse existimant. A. C. hit quisque, minime decipietur. Et sane Julianus sequenti anno in Italiam reversus tradidit Antonio archiepiscopo Ragusino, Bertrando episcopo Sancti Flori, et Joanni Stokes Anglico, qui in Marchiae magistratu erant,

(1) Concilium Constantiae celebrari caeptum ann. 1414. nonis novembris, absolutum fuit ann. 1418. X. Kal. majas.

(2) Ex lib. comm. nostrae ab ann. 1413. ad ann. 1417. fol. 68. a 1.

ejusdem Concilii (1). literas, in quibus mandabatur eis, ut Rodulphum suis in juribus confirmarent (2).

Haec inter Joannes pontificatus insignia in concilio deponebat, et Piceni Legatus constituebatur. Gregorius XII. Sigismundi imperatoris suasu summum abdicabat honorem, Benedicto XIII. (3) pariter haud ultro cedente. Ita pace Ecclesiae aliquando reddita, Martinus V. Columna omnium consensu pontifex creatur, et in Italiam protinus transiens habebat in votis, ut Brachium dux Perusinus occupatas Ecclesiae urbes restitueret, et Picentes, qui ferme jugum excusserant, redirent sub jus. A. C. Sed jam usque ab anno 1416 querimonias fo- 1416
vere, studere ambitioni, postulata tueri Rodulphus, Gentiles, Pandulphus, et Berardus ejus filii caeperunt. Et cum eo auctoritatis ipsi apud Camertes devenissent, ut nihil publicae felicitatis specie non extorquerent, et omnia

(1) Ibidem fol. 95.

(2) Datum Auconae VI. Id. feb. 1416. — apud Liliū p. 2. lib. V., et Turchium f. 277.

(3) Anno 1415. IV. Kal. jun. Vide Raynaldum, et Spontanum ad annum praedictum.

quae vellent facile impetrarent: brevi potuerunt efficere, ut oppidum nostrum quasi perderent, nisi fortis et animosus, vultu semper eodem, sententiarum vim petulantiae, amentiae, clamori Antonius Smedutius objecisset.

Horret, ac refugit animus ea commemorare, quae cives nostri reformidantes viderunt; quorum exempla nulla apud nos praebet antiquitas. Multitudinem hominum. ex civili luxuria collectam, divitum fortunis in turbidis, ut fit, temporibus inhiantem, facile Camertum principes pelliciunt, eamque mercede conducunt, ut (1) Carpignani castrum tumultuose circumstent, et quasi subruant; arcem Schiti suo cogant imperio parere; et oppido nostro ferro, ignique minitentur. Adde istuc Ludovicum Melioratum, qui Ecclesiae, pro Marchiae Anconitanae praefectura sibi abrogata, erat infensissimus, quique una cum Varanis, et Brachio cives nostros miserrime jam tenebat obsessos. Adde etiam varias (2) nunc Ugo- lini Petri, nunc Gentilis Gentilis de Rovellono

(1) Cola Lemmi Procaccia scriptor coevus in ephém. apud Turchium fol. 276. — Lilius p. 2. libi 5.

(2) Ex lib. cous. 1416.

conciones : adde furentes effrenis, et commentitiae inter cives ipsos felicitatis praecones, qui de Smedutiorum fortunis penitus abrogandis conveniant, quique jam de immutandis oppidi legibus coram populo disputabant, obstrepebant. O diem illam (1) luctuosam, et sempiterna, si fieri posset, oblivione delendam! qua lymphatae multitudinis armis oppidum, (2) auctore Brachio, appetitum, aedes sanctae Mariae (3) contumeliis oppressa, et cives omnes minis perterrefacti. Hic dies Antonio regnandi finem attulisset; ex eo turbulentus ille hostium conventus supremam sibi auctoritatem vindicasset; ex eo mixta, perturbataque omnia, nisi ab illis vesanae plebis irruptionibus oppidum (4) divinitus, cum Brachio, Berardo, et Ludovico (5) inito foedere, liberaretur (6). Praetereo interim, quae hostium adventum consecuta sunt: tantam enim, ac tam foedam oppidi

(1) 15. Augusti 1416. ex citata ephem.

(2) Procaccius ibidem.

(3) De mercato nuncupata.

(4) Franchius de antiq. Septemp. mss.

(5) Adamius de reb. gest. Firm. lib. 2. — Turchius fol. 276.

(6) Cancellottus in vita s. Severini lib. 4.

contemptionem non recipit dolor, non indignatio sustinet. Quae si commemoranti adeo ingrata sunt, quam experientibus molesta, quam intolerabilia fuisse putemus? Conditiones vero initae pacis fuerant, ut Antonio Schiti et Carpiguani propugnacula traderentur, et Gaglioli castrum Camertum dynastis addiceretur (1).

Sed brevi senserunt cives in miserrimam Smedutiorum captivitatem iterum se conjecisse. Dici enim satis non potest, quam sese impudenter Antonius jactitaret, quamque audacissime ob bella perpetua, quae Varanos alio animum A. C. transferre cogeant, foedus ipsum usque ad annum 1418 percussum proscinderet, Gaglioli castrum in eorum fidem ponere detrectans. Quare populum furore correptum, jampridem odio inflammatum, facile intermortuae erga eum amoris reliquiae jam allicere ad commiserationem non possunt. Postulata superbius rejiciuntur; A. C. rogantur sententiae de Smedutiorum dominatione 1420 abroganda; dum anno 1420. Marchiae Anconitanae legatus cum exercitu (2) in Pyranorum agrum

(1) 1416. die 17. augusti — *Actum in Sacrestia s. Severini juxta flumen Potentiae* — apud Lil. et Turc.

(2) Procaccius loc. cit.

transgreditur, et valida manu Antonio ipsi occurrente, ad pugnam ventum est, in qua permulti ex Smedutianis cecidere. Cum vero conjuratorum mucronibus suum peti latus Smedutius conspexit, ingruenti hostium furori se ille quidem propter vitae cupiditatem subducere exoptavit, et in Legati (1) manus concessit, capto Pyro. Dum vero ipse Anconam traducebatur; animo volvebat a suis procul auxilia tutius contrahere, ut, tanto perturbationis aestu defervescente, cives se rursus colligerent, atque ad humaniora consilia pontificis Legatus mentem tandem converteret.

Et huic plenae consilii, sapientiaeque servituti arridere fortuna quidem visa est. Nam Antonius cum Pontificis copias tot potentissimis hostibus impares cerneret, Martinum V. suppliciter venia petita, eodem anno (2) sibi conciliandum statuit, et, missa legatione, magnanimum principem, qui afflictis Italiae rebus non mediocriter dolebat, facile ipse placavit.

(1) Die 20. octobris 1420. *Messus Senensis Legati commissarius obtinuit possessionem castri Pyri pro Martino V.* — Ex Ephem: suprad. apud Turchium.

(2) Die 21. novembris 1420. ex eodem Ephem.

Sed ea apud nos dominatus instauration nova peperit bella, civibus frustra plorantibus. Nam Antonius, cui fide nihil levius, autumans, Marchiae Legatum non bona fide secum agere, proptereaue Pyrum adhuc retinuisse; compulsus discessit a foedere Ecclesiae, et adjun-

A. C. ctis sibi aliquot popularibus propere eo advo-
1424 lans anno 1424. eorum studio, et viribus (1) oppidum ingressus, quos comprehendere potuit ex hostibus suis, capitis damnavit. Dein omnibus, qui essent pro Ecclesia, severissime interdixit, poena in transgressores constituta, ne militarent Legato, vel suppetias ferrent, exauctorato (2) arcis praefecto, et ex ea in carcerem rapto.

Pax simulata interim confecta est, non diuturnas vires habitura. Nam ubi Martinus V. haec rescivit, Antonium majestatis reum cum
A. C. omnibus suis proscripsit, et mandavit Recto-
1426 ri Marchiae anno 1426. ut eum capere studeret. Quod et factum est.

Petrus enim de Columna a Jacobi Caudo-

(1) Die 13. martii ex loc. cit.

(2) Procaccius ibidem.

lae, et Gentilis Meliorati, Ludòvici fratris, copiis adjunctus mense Maii oppidum nostrum dirissime obsedit. (1) Territi cives repentino periculo magna contentione jam postulabant, sibi tradi Smedutios, qui insolitis cladibus ipsos emungere non dubitarent. Populum saevientem blandis sermonibus Antonius delinire jam caeperat, et plebs commota usque ad tertium Kalendas Junii nihil ultra attentavit. Porro die altera, populo novos excitante concursus, ultimum supplicii genus pertulisset Smedutius, nisi tantisper restituta esset tranquillitas. Sed diu nihil tamen potuit ipse proficere. Nam muros (2) foederati jam prostraverant, jam summa erat civium in oppido trepidatio, et tanto impetu milites undique eos jam oppugnabant; ut, caesis fugatisque Antonianis, sint ausi murum subire, direptis civibus, et (3) Antonio una cum suis capto, et custodiae mancipato.

Motis inde castris, ab oppido foederati discesserunt, et ad Pitini arcem castrametati

(1) Turchius fol. 284.

(2) Adamius de reb. gest. Firm. lib. 2.

(3) Grassius in Diario apud Turchium.

sunt. Et, quamvis aliquot Smedutiorum milites auxilio venissent Apollonio Antonii filio, qui Pitini erat; tamen haud multo post ipsi arce egressi ad foederatorum (1) castra profecti sunt una cum Apollonio, quem in tutum abire vel invitum compulerant, ne a patris hostibus interimeretur. Tum Martinus V., qui cives nostros magnopere optabat tandem aliquando tutissimos esse; tota re diligenter, atque amanter cogitata, suam in fidem (2) oppidum recepit, statuitque, ut nihil eorum, quae ad ejus ditionem tuendam, Smedutiosque a finibus perpetuo repellendos esse usui possent, ab Marchiae Rectore praetermitteretur. Itaque dum Antonius una cum suis nihil praeter suspiria, et gemitus in arce (3) Asculana, et Interamnensi proferebat, per omnia ferme Piceni, Umbriaeque fora, ac regiones miserrime circumductus; et dum Appollonius pontificiam aulam petebat, ut patri, et fratribus suis gratiam apud eam conflaret, eosque saltem ad

(1) Procaccius loc. cit. 11. julii.

(2) Vide Acta foederationis in lib. cons.

(3) Procaccius ibidem de mense aprilis 1427.

libertatem reduceret, uti non frustra (1) eveniebat, dummodo tamen vagi et inopes in solo alieno exularent; idem Pontifex Astorgium de Agnetibus episcopum Anconitanum, et Marchiae Vicarium in oppidum istud jam miserat, ut pro tranquillitate restituenda neque operae ipse parceret neque vigiliis. Jam enim cives hac de re cum mandatis ad Martinum legaverant inter alios Joannem Joannis Servantii consulem, virum tum oratoriis studiis sane frequentem, tum in philosophicis etiam frequentiore, humanum praeterea et comem, et amplissimis magistratibus laboriosis, atque gravibus continuo distentum. (2).

Dum haec ab Astorgio agebantur, et oppidum plenissimo romani pontificis regebatur imperio; vetus statutum quod scribi fuerat jam caeptum (3) longe ante annum 1307, quodque Bartholus (4) juris consultissimus,

(1) Die 11. octobris 1427. juxta Procaccium.

(2) Ex libro decretorum Sanctiseverini ab anno 1426. ad annum 1428 — *Vir nobilis Joannes Joannis consul... unus ex oratoribus.... reversus a SSmo D. nostro* — Die 17. junii 1426.

(3) Ex lib. reform. comm. nostrae ann. 1307.

(4) In cons. 138. lib. 2. — *De decedentibus ab intestato.* —

idemque Baldus auditor, et Gregorii XI. magister (1), in nonnullis jam explanaverant, in sanio- rem formam redigere cives exoptantes ne- gocium demandarunt (2) eidem Joanni, non secus ac aliis in laboris partem accitis, novas municipales leges jam confectas pro temporum varietate immutandi, quas deinde pontifices (3) confirmarunt, quasque tandem Jacobus Boc- cauratus evulgandas curavit.

Ast errata principum in maximas popu- lorum calamitates evadunt! Astorgius enim (4) oppidanis, potius quam se tam facilem rebus in cunctis praeberet, ut quae a viro impetrari fas est, ea cives ab illo pontificia comendatio- ne impetrarent; permisit, ipsos bellis ci- vilibus diu vexatos posthac ulterius grava- minibus conflictari. Quod quoniam a ponti-

(1) In cons. 46. lib. 3. — *de decedentibus ab intesta- to, et de muliere dotata.* —

(2) Ex lib. reform. ab ann. 1426. ad ann. 1428. — Die 12. augusti 1426. *Potestas, consul, et priores elegerunt infrascriptos nob. Statutarios in primis D. Joannes Joannis.*

(3) Martinus V., Eugenius IV., Nicolaus V., Sixtus IV., Innocentius VIII., Julius III., et Clemens VII.

(4) Grassius loc. cit.

ficis dignitate valde erat alienum; nec furor
 ri (1) prudentia, nec moderatio cessit audaciae.
 Atque utinam prisca virtutis exempla popu-
 lum aut in officio continuissent, aut ad offi-
 cium revocassent! O inustam patriae, et nun-
 quam eluendam turpitudinis notam! tantos
 enim Astorgii conatus consecuti sunt aestuantes
 tumultus, secuti contumeliosi clamores, secutus
 ille in divi Francisci propugnaculum, ubi A. C.
 Ecclesiae milites commemorabantur, quasi (2) in 1427
 hostium urbem infensissimus impetus, Astor-
 gio (3) continuo in fugam compulso.

Haec res tam Pontifici molesta accidit, ut
 omnem curam adhibendam statuerit, ut cives
 sceleris poenam luerent. Quamobrem jussit,
 oppidum interdicto supponi, dejici moenia,
 nihilque severitatis remitti, quae cum justitia
 esset conjuncta. Martini V. mandata conficiens
 Astorgius magnas eduxit copias (4) adversus
 oppidanos, et expugnato die tertio Martii ex
 eorum propugnaculis uno, milites armati per

(1) Procaccius loc. cit. l. 6. p. 70. m. 1. p. 1.

(2) Id. ib. sub die 19. februarii.

(3) Grassius loc. cit. p. 1. m. 1. p. 1.

(4) Id. ib. apud Turchium.

regiones disponuntur. Nonnulli ab oppido ad aream, quae est ante portam divi Francisci, producuntur a carnificibus, et mox prostrati capitibus truncantur. Duravit terror tres dies continuos, donec impunitas edicto proposita fuit omnibus, et Astorgius secum milites in Marchiam reduxit. Quantum crevisset in nonnullis furor tot suppliciorum accessione, dici

A. C. vix queat. Nam ubi ad oppidum (1) ipse rur-
 1428 sus accessit anno 1428, eum in Dominicianum coenobium horis nocturnis sunt adorti, et, flamma in illud injecta, eo adduxerunt Astorgium, ut fuga sibi consuluerit. Ea res quum maximam inter cives perturbationem peperisset; inter ipsos perditorum discursus non defuerunt, qui ad sacra (2) animum adjicerent. Et cum nihil boni effici posset ob studia eorum, qui Astorgio favebant; Martinum V. supplicationibus cives tentandum putarunt. Itaque ad inducias venit, atque inde ad pacem, quae cum excessuum venia anno 1428 firmata

(1) Die 18. junii ex tabul. Dominic. penes Turchinm fol. 287.

(2) Ex litteris Eugenii IV. sub dat. 12. Kal. martii 1428.

est, et aucta (1). Simultatibus ita, ac suspicionibus extinctis, et oppido perpetuo foedere Ecclesiae conjuncto, arcissima inter Victorem Rangonium Mutinensem praetorem (2) tunc temporis, et cives ipsos amicitia fuit conflata, publica re in eum locum restituta, quo erat, antequam Smedutiorum ambitione esset turbata (3).

Cum diu cisalpina Gallia bello flagrasset, fuit tandem in pacem redacta. Interim Francisco Sfortia, qui apud Philippum Mediolanensem ducem commorabatur, relatum fuit, Jacobum Caudolam oppida, quae ipse in Apulia possidebat, multis incommodis affecisse. Quod aegre ferens vehementer, venia a Philippo habita, et copiis scriptis, pervenit in Flaminiam. Isapim nondum transiverat, cum ejus adventu Marchia tota commota est. Summi Pontificis vices hoc tempore in Piceno gerebat Joannes Vitellescus Corniculanus. Is civitates

(1) Ex Brevi dato ann. 1428.

(2) Ex lib. cons. 1428.

(3) Felix de Felicibus in onomast. rom. sub verbo — *Sanseverino* — Octavianus Gentilius de Rovellono in opere inscripto — *de Patric. lib. 4.* —

omnes periade tractabat, ut eas in Romana Ecclesia recolenda studii, observantiaeque poeniteret. Quare multi rerum novarum cupidi ad Sfortiam iverunt, hortatique sunt, ut in Picenum advolaret, pollicentes, ipsum rerum brevi potiturum. Id ubi intellexit Philippus, qui romanas res agitare cupiebat; secreto Franciscum admonuit, ut Picenum, quoquo modo posset, occuparet, et Eugenium IV. pontificem, qui Venetus Venetorum partes tuebatur, A. C. offenderet. Quamobrem, Apuliae rebus compositis, et novo scripto milite, Æsium (1) pervenit; Æsioque capto, tantus Marchiam terror invasit, ut ad eum urbes legatos miserint, qui deditionem honestis conditionibus facerent.

Hoc rerum felici eventu ductus Franciscus Potentiam accessit; et oppidani nostri, foro (2) nullo militum numero praemunito, ad eum nuncios misero, qui ejus animum explorarent, quique statim reversi, Comitem retulerunt oppidi dominationem exposcere. Quare cum eo pacta, quae in annalibus nostris videri pos-

(1) Raynaldus sub n. 26.

(2) Marangonius loc. cit. lib. 3. cap. 10.

sunt, pepigerunt; egeruntque praesertim, ut per ipsum Gaglioli castrum, a Camerini dynastis jamdudum occupatum, sibi restitueretur, et civibus (1) vitae necisque privilegium confirmaretur. Dein Potentiam, et Cluentum transgressus, cunctis artibus Joanne Vitellesco depulso, tam secunda Comes fuit usus fortuna, ut quintodecimo die, quo Picenum adivit, omnia obtinuerit, et suam in ditionem urbes, oppida, vicos, pagos, atque arces redegerit. Suis tum Eugenius viribus diffusus cum Sfortia conciliatus est, eumque Marchionis titulo honestatum in Marchiae (2) principatum admisit, adeo tamen ut omnem curam adhibendam statueret, uti Nicolaus Fortebrachius sui in Ecclesiam sceleris poenas lueret. Comparato igitur ingenti exercitu, per agrum nostrum iter Comes habuit; et ditiones, quas a Pontifice in ducatu spoletano, et divi Petri patrimonio Nicolaus alienaverat, vix ipse tenuit, et vexillifer Ecclesiae creatur; quae dignitas tunc in Italia erat amplissima.

(1) Ex libro privilegiorum.

(2) Marangonius loc. cit.

Ita rebus compositis, Franciscus nihil aeque cupivit, quam civium nostrorum benevolentiae, atque amor cumulate respondere. Itaque Alexandrum germanum suum suprema oppidi praefectura (1) jam decoraverat solemni pompa traductum. Ab ulla enim memoria ad celeberrimi spectaculi famam major, atque nobilior mortalium numerus in unum oppidum nunquam confluerat. Deinde, ut cives bene se posuisse officia cognoscerent, nihil studii praetermiserat, ut Gaglioli castrum sub ditione nostra rediret (2). Iniquo tulit haec animo Smedutius Antonii filius, quem potius inter arma, quam in civilis vitae studiis educatum dixeris. Itaque ad sui principatus ruinam reparandam furibundus (3) die prima junii anni 1434 1434 suis cum factiosis in oppidum pervenit, et eo iterum potiri autumans, sui suaeque gentis noctu propugnaculum constituit aedem Franciscanorum. Cum populus, armis subito correptis, et furore percitus concursum fecisset ad templum; istud a caede, et incendio, ne-

(1) Ex libris Communitatis nostrae.

(2) Octavianus Gentilius in dis. mss.

(3) Grassius apud Turchium fol. 285.

quidem ab injuria prohibitum fuit. Et nihil propius factum est, quam ut Smedutium populus vivum in coenobio combureret, nonnullis tamen ex ejus gregalibus capite mulctatis, caeterisque fugatis. Quod studium totius oppidi fuerit hac in re celebranda, supra fidem esse videtur.

Verum immodica illa oppidi laetitia certissimum praesagium fuit impendentium calamitatum. Dici vix queat, quot dolis, quot modo occultis, modo apertis machinationibus (1) Franciscus Sfortia per se, suosque Camertum dynastas, multis nominibus longe celeberrimos, conatus est anno 1436 in suam fidem 1436 adducere. Fuit autem in illis hoc eximiae constantiae, et invicti animi non obscurum argumentum, quod nemo suum visus est locum deserere, licet Comes, et Alexander copias, quas in Marchia coegerant, in oppidum nostrum (2) semel et iterum traduxissent. Et quamvis Franciscus civibus nostris adesset omnibus in rebus, quas dixerat, quasque statue-

(1) Lilius p. 2. lib. 5.

(2) Grassius loc. cit. — Compagnon reg. pic. — Ex lib. Com. nostrae.

A. C. rat; tamen haud multo post civilibus odiis
 1442 ardere rursus oppidum caepit. Nam anno 1442
 Eugenius summus pontifex, Alphonsus rex, et
 Philippus dux Mediolanensis foedus percusse-
 runt in Renatum Neapolitanum regem, et Fran-
 ciscum Sfortiam; et exercitus ducem elegerunt
 Nicolaum Piccininum, cui a corporis brevitatem
 nomen, reique militaris virum peritissimum. Is
 copiis instructus in Ducatum, et in Umbriam
 profectus est, ubi conjunxit se Aloysio Patriar-
 chae, et Cardinali Legato. Istituit deinde du-
 cere exercitum in Picenum, et primo Came-
 rinum ingenti laetitia ingressus in agrum san-
 cti Genesii excurrit, et paucis interjectis die-
 bus, Belfortem haud frustra obsidione cinxit.
 Continebat se hoc tempore Comes in op-
 pido (1). nostro, et nihilominus incursiones
 quodammodo impediēbat. Tamen Nicolaus de-
 currit cum suis in agrum Firmanum, Ascu-
 lanumque. Hoc videns Comes non contemnen-
 dum scripsit exercitum in Amandulae agro,
 et non solum excursionibus, ac levibus certami-
 nibus hostes turbabat, sed et commeatus

(1) Lilius p. 2. lib. 6.

omnino impediēbat. Belli tum cognita ratione, Alphonsus, et omnes Ecclesiae urbes inducias cum Francisco pepigerunt, et pace statim sancta, Nicolaus a Piceno suis cum copiis discessit. Videns Eugenius, se nullo pacto posse suis viribus Picenum recuperare, duxit, ad rem suam vehementer facere, post Renati discessum, Alphonsum Aragoniae regem sibi reconciliare. Interim Franciscus recipiendis amissis oppidis operam dabat, et per fines nostros transgressus fuit cum Petro Brunoro, et Sigismundo Malatesta, qui gener socero in auxilium venerat. Sed jam omnia Nicolao, et Alphonso feliciter concedebant. Ingenti militum numero invasērant in hostes, manum conseruerant, eorum exercitum fuderant. Itaque paucis diebus bellum atrox, ac periculosum fauste gerens Alphonsus juxta (1) ripam Cluenti fluminis castra posuit. Inde ad laevam ipse flectens nostrum ad oppidum per Collislucis castrum contendit, ut ibi Sfortiae nimis jam incitatam, exultantemque ferociam contunderet. Sed ipse, motis propere castris, Cingulum concessit, et rex

(1) Facius hist. Alphons. Arag. lib. 8.

A. C. diem laetus (1) inter nostrorum legatorum jun-
 1443 cundas salutationes confecit anno 1443; voluit-
 que ea de re cum Picentibus per literas gra-
 tulari. Vidit tum Comes sua ex sententia dis-
 scedere omnes, qui erant inter Potentiam, Clu-
 entumque. Sigismundus Malatesta novarum re-
 rum maxime cupidus clam misit ad sancien-
 dum foedus cum rege, ne omnes belli impetus
 in se converterentur. Venit interim in oppi-
 dum nostrum (2) protonotarius Apostolicus,
 et eodem anno cives in gratiam Pontificis re-
 dierunt.

Tum Smedutius Antonii filius, gladio le-
 viter humero percusso, inter nobiliores eque-
 stri dignitate jam decoratus, non tam civium
 securitati, quam famae suae consulens summo
 agebat studio, ut a Romano Pontifice diceretur
 vicarius: quo nomine tum honestari mos erat
 eorum tyrannidem, qui civitates, aliaque loca
 Ecclesiasticae ditionis occupassent, in iisque do-

(1) *Datum ex felicibus castris nostris apud s. Severinum die 18. augusti 1443.* — Ex Compagnon. reg. pic. lib. 7.

(2) *Procaccius de mense novembris ann. 1443.* — Vide Chronic. Ariminen. apud Muratorium vol. 15.

minari instituissent. Quare civibus placuit, ut aliquot ex primoribus legatos ad Eugenium oppidum mitteret, qui cum eo de afflictis rebus tractarent. Sed Honuphrius Smedutius Melphitana infula insignitus, et Pontificis in urbe Vicarius, vir egregiis sane dotibus commemoratus, et in rebus agendis præcipuus, adeo A. C. gessit, ut Smedutius germanus suus anno 1444 1444 in majorum (1) dignitatem restitueretur. Tum oppidani saniori usu consilio, quibusdam interpositis pactis, in Ecclesiae vicarium eum receperunt multa nobilium frequentia stipatum redeuntem. Et hoc obiter dictum sit propter multorum caeca iudicia, qui, rebus ad voluntatem fluentibus, putant, secundum se habere numen, etiamsi studeant turpiter vivere. Statim vero Pontifex Episcopum Honuphrium (2) ad nostros legavit, ut fratrem, et cives in apostolicae sedis fide contineret. Excipitur, pro more temporum, triumphali pompa, summis honoribus, incredibili omnium laetitia; ipse infulatus, et undique protectus, ab aede

(1) Die 9. maii 1444. jux. Procaccium loc. cit.

(2) Id. ib.

principe cum universo sacerdotum ordine in Smedutiorum sedem provehitur. Praecesserant vexilla, cum levis tum gravis armaturae equitum turmis inter se distinctis. Successerat peditatus ad graves tiliarum modulos sub signis introductus. Latus Honufrii a decora juventute non custodiae, sed honoris causa cinctum, vicario, praetore, consulibus, et primoribus civibus splendidissime succedentibus. Donec ipse inter cives fuit commoratus, saepe arcana sensuum mutua et sincera animi liberalitate detegendo, ac odiorum origines ad fatalem vim, et consiliarium, ducumque insaniam referendo, facile viam invenit, qua pax egregie componi, et tot malis, et funestis incommodis optatus finis imponi posse videretur.

Sed populata, debilitataque Marchiae oppida haud multo post pressit Franciscus. Nam iter postquam Alphonsus rex Asculum versus habuerat, et, triduo consumpto, obsederat urbem, ratus fore, ut cives arma caperent adversus Sfortianos, sed frustra; Truentum ipse transgressus per sua oppida exercitum in hyberna dimiserat. Ipse vero pontificis dux, amissis non unis praesidiis, illos sibi vicinos, finitimosque, acerbum sane, dolendum-

que spectaculum, contuebatur. Haec pericula dum Romanae sedis Legatum suspensum habebant; tamen copiarum numero fretus signa conferenda apud Montem Ulmum jam senserat. Interea Comes quadripartito agmine appropinquabat. Quare, collatis signis, diu certato vario Marte milites hinc inde pugnarunt; donec Sfortianorum victoria fuit, et oppida passim Comiti sese dediderunt. Cives tum nostri Pontifici, Smedutioque dicati haud potuerunt rursus anno 1444 ab imminente inimicorum perpetuo gentium ferro se eripere (1).

Post tam insignem victoriam sciens Sfortia, in eodem statu raro permanere fortunam; ad pacem petendam Galeottum neapolitanum oratorem, ad Eugenium destinat, qui certiore Comitem fecit de inito foedere suasionibus Venetorum, Florentinorum, et Philippi ducis. Eatum civium nostrorum fuit conditio, ut Sfortiani milites oppidum retinerent, donec Comes anno 1444 ad moenia nostra (2) declinavit, et Alexandrum germanum suum eorum caput ite-

(1) Die 24. augusti juxta eundem.

(2) De mense novembris — Vide Cancellottum in *ist. Settemp. mss.* et Marangonium lib. 3.

rum jussit, omnibus sacramento adactis, et foedere jam percusso (1) humaniter confirmato. Et, ut armis oppidum vindicare ab hujusmodi imperio eques Smedutius haud tentasset, nec illius recipiendi spes ulla daretur; conventionibus res acta fuit, deprecante Episcopo Melphitano, ut, quoad viveret, dominium arcis Ficani esset penes Smedutium; et Nicolaus Lemmii Procaccii in Galeotti de Agnetibus, Comitum oratoris, ditionem Gaglioli castrum (2) concederet; quod vero Camertum dynastis ab Alexandro traditum fuit: nam ipse uxorem ceperat Constantiam filiam Petri-Gentilis Varani (3).

Haud multo post Sigismundus e Malatestis Ariminensis a Comite se alienavit, conductus ab Eugenio, qui una cum Alphonso rege, et Philippo duce adversus Franciscum communis consilio bellum gerere statuerat. Et quoniam erat rumor, eos ex Flaminia in Picenum

(1) Cancellottus loc. cit.

(2) Die nona decembris 1444. juxta Nicolaum Lemmii Procaccii, qui die 1. augusti ann. 1446. Potestas in urbe Castri fuit conclamatus.

(3) Lilius p. 2. lib. 6.

profecturos; Comes bellum Sigismundo indixit, et excurrit in agrum Ariminensem, dum suos duces ad Amiternum amnem regias copias fuisse accipiebat. Interea eques Smedutius videns, Joannem Vintimilii comitem cum magno exercitu Firmum appropinquare, omniaque inter Asculum, et Firmum oppida jam defecisse ad Ecclesiam; et eodem temporis intervallo prospiciens Eques, Talianum a nemine impeditum Fanum progressum se aliis Ducibus conjunxisse, et in Picenum venientem nonnulla oppida deditione cepisse: quamplures pedites inter nos conscribebat, et ad se cives traducere nitebatur, non dubitans, quin, Frontalis, et Ilciti castris vi jam occupatis (1) aliisque, reliqua omnia faciliorem essent expeditionem habitura. Sed oppidani totius picentinae regionis exemplum secuti in libertatem redire exoptabant, et tanto impetu in Michaellem Pedemontanum Sfortianorum militum (2) ducem anno 1445 irrumpebant, ut, multis ex hostibus peremptis, reliquos in fugam Galas-

(1) Die 14. septembris 1445.

(2) Die 22. septembris juxta Grassium loc. cit.

sus Brunus, et Bartholomaeus Tardolus con-
jicerent, tormentis omnibus, omnique com-
meatu interceptis.

Dum vero in Cluentum Franciscus per-
veniebat, et omnes aditus clausos, neque auxilia
sibi a Venetis, et Florentinis mitti posse siqui-
dem videbat, Cives nostri eum summopere tur-
barunt. Nam vix Antonius Patavinus (1) quem
Franciscus praemiserat, ad moenia nostra de-
flexit, oppidani, oblata rei bene gerendae occa-
sione, ei indicarunt, se jam in hostes irruere.
Quare acris in eum fit impressio, et occiso-
rum et sauciorum multus fuit numerus. Illud
tamen magis movebat Franciscum, quod, non
victus a regis, Pontificis, et ducis exercitu,
vinceretur instabilitate suorum. His curis anxius
statuit, hostibus, et fortunae cedere putans,
nonnullis urbibus servatis, Picenum totum se-
quenti aestate recipere. Sed ubi in Malatestas
ipse vertit bellum, statim oppida omnia Sfor-
tiani militibus vacua sponte se Ecclesiae de-
diderunt, et cives nostri (2) missis ad Ludo-

(1) Simonetta lib. 8.

(2) Die 15. novembris 1445. ex lib. cons.

vicum cardinalem squilejensem, qui Tolentini morabatur, oratoribus; Ecclesiae voluntati se permiserunt conditionibus sane perutilibus (1).

Verum; antequam isthaec transigerentur, Joannes Vitellescus patriarcha Alexandrinus, qui variis cum millibus equitum peditumque in oppidum nostrum (2) castra posuerat, ad Smedutium edomandum, qui tunc in Aliphurni propugnaculo nidum habebat, omnibus fere suis cum copiis (3) contenderat. Haec inter Comes ab ineunte aetate bello, exercitibusque A. C. ductandis assuetus, homo efferus per aliam 1446 super aliam coacervatam caedem ad tyrannidem evectus, e Picentum finibus fuit expulsus, pace Ecclesiae restituta. Adhuc tamen comitatum nostrum, et praecipue Serraltae castrum suis cum excursionibus Smedutius adeo habebat infestum, ut nulla ratione diutius tolerari posset. Quare ludibris multitudinis ferre, aequata solo majorum monumenta (4) intueri coactus ipse fuit,

(1) In statuto fol. 197. legitur — *Permittat manere... in ejus libertate.* —

(2) Grassius loc. cit.

(3) Die 1. novembris 1445. juxta eundem.

(4) Ex libris cons. civitatis nostrae.

ut ex eo tanto populi contemptu atque odio praesentiret, quam tibi, suisque aerumnosa dies immineret, crudelique futurorum malorum imagine in antecessum laceraretur. Nam vix cives ad pontificem missi non obscuris indiciis cognoverant, rebus in nostris se haud difficilem praebere; imo oppidi ditionem mirifice exemplificare cum castri Ficana, Civitellae, ac Montis acuti iurium accessione (1): ut citra ullam tergiversationem Smedutium Ecclesiae copiarum dux ad deditionem compelleret, 1447 Eugenius ipse mandavit, atque eum (2) in arce Hadriani detineret, in pontificis arbitrio custodiae vel breviandae vel prorogandae facultate constituta. Tulit principio graviter captivitatem Smedutius, sed, cum suis ipsius facinoribus revinceretur, eam fortunam caepit ferre moderatius.

Varii ac difficiles tot bellorum casus, quos oppidum nostrum per plures annos fuit perpassum, commoverunt sane Nicolaum V. Eugenio subiectum (3). Audierat ipse, jacturam

(1) Turchius fol. 58.

(2) Die 1. januarii 1447. juxta Grassium loc. cit.

(3) Vide statutum nostrum sub pag. 156.

non negligendam cives in Gaglioli castri juri-
bus accepisse. Eam ob rem Marchiae anconi-
tanae Rectori mandaverat, ut modis omnibus
properaret (1) auxilium ferre afflictis oppi-
di rebus. Sed videre licuit, quanto in id
Elisabeth Varani esset fortuna major, et ex-
celsior. Certarat ipsa pro majorum imperio,
deserta a sociis, ab omnibus oppugnata; in qua
contentione omnes omnium vires (2) praeclare
contuderat. Et cum aliquando, nutante par-
tium fortuna, in dubia victoriae spe versaretur;
honestas pacis conditiones semper elato,
constantique judicio repudiarat; ne, quod vir-
tute, atque una animi magnitudine erat factu-
ra, veluti ignobili metu subacta, et praesenti
impulsa necessitate fecisse videretur.

Nicolaus inde in Picenum profectus pene
cunctas urbes obivit, ut et belli reliquias per-
sequeretur, et provinciam optimis legibus sta-
biliret. Tum sua et in oppidum nostrum studia A. C.
rursus voluit ostendere. Quare anno 1449 apud 1449
nostros (3) declinavit, et Canonicorum hospitio

(1) Ex lib. cons.

(2) Lilius p. 2. lib. 6.

(3) Die 21. julii. — Procac. loc. cit.

fuit usus, magnifice exceptus. Praenunciatum interim ab se excidium imperii Graecorum, captamque a Turcis Constantinopolim eo tulit gravius, quo magis laboravit, ut christianorum principum ope tanta clades averteretur. In calamitate tam exitiosa, quod unum praestare potuit, libros ex tota Graecia (1) perquisitos ad se jussit afferri, et profugas, extorresque musas amice, et liberaliter fovit. Sed jam apud nostros florebat Ludovicus Lazzarellus, vir bonis artibus litterisque eruditus, atque in studiis sacris, ac mitioribus, praesertimque poetices apprime versatus. (2).

In locum Callisti III. Æneas Silvius Piccolomineus assumitur, qui Pius II. appellari voluit, quique, pacata tandem Italia, in Mantuano concilio sacrum bellum indixit. Dum vero Anconam ipse petebat, et non alia res magis animos hominum movebat, quam fama Pontificis 1464 adversus Turcas ituri; anno 1464 ad moenia nostra (3) substitit aliquandiu; et cives ad hoc

(1) Æneas Silvius de statu Europae vol. 2.

(2) Turchius fol. 297.

(3) Die 12. juli juxta Procaccium et Cancellottum loc. cit.

bellum contulerant quamplura, cum publicae salutis deesse noluissent. Sed dum Pius Anconae per autumnum sociorum copias expectabat, decessit; et Paulus II. deinceps, mox Sixtus IV. pontifices sacro bello Hungariae, et Neapolis reges praeponentes, Venetorum classe, auxiliisque subnixa, magnas Turcis clades intulerunt: donec Mahometes, Hydrunte improviso impetu capta, Italiam terrore complevit. Quare omnium curae a domesticis bellis in communem hostem sunt versae, et in maritimis contra Turcas, Mauros, et Piratas bellis quamplures cives nostri extitere (1) clarissimi. Verum ubi subita Mahometis mors Italiae principes metu solvit; Hydrus fuit recepta ab A. C. Alphonso illo Calabriae duce, qui anno 1474 1474 apud nostros splendidissime declinavit (2).

Innocentio VIII. rebus humanis exempto aequae ac Laurentio Mediceo italicae pacis per-

(1) Gesta clarorum civium nonnullis abhinc annis diligentissime scripsit Germanus Margarutius, et per manus, perque ora civium ejus cum laude volitant. Haec si ediderit, non modo meo, verum etiam civium omnium nomine immortales ei gratias habebo.

(2) Hieronymus Talpa *ist. mss. settemp. lib. 8.* apud Josephum Raynaldium.

petuo custode; Alexander VI. ad summum sacerdotium deligitur, qui totum terrarum (1) orbem ex aequo bifariam secuit. Magnus subinde motus Italiam agitavit. Ludovicus enim Sfortia Mediolanensium dux Carolum VIII. Franciae regem ad Neapolitani regni velut haereditariam ditionem vocavit. Dum igitur ingentibus copiis modo Hispani, modo Galli in Italiam transgrediebantur, ut jura sibi vindicarent; Alexander inopinatis casibus non defuit. A. C. erat, et magnas conscripserat acies, quae anno 1499, duce Hercule Bentivolo, in oppido nostro hyemarunt (2).

Sed jam in Ecclesiae dominatu turbabantur omnia, gravissimi belli materiem ciente Caesare Borgia duce Valentino. Ipse Francicis auxiliis fultus Æmiliam omnem, praeter Bononiam, Flaminiamque in suam ditionem rede-
A. C. gerat. Vidonem Ubaldum quoque, Urbini
1502 ducem, principatu exuerat, et Camerino, (3) sublati Varanis, potiebatur. Strage Varanorum principum Camertes commoti, Joannem

(1) Bellarminus de rom. pont. lib. 5.

(2) Ex lib. cons.

(3) Die 9. octobris juxta Turchium.

Mariam e Venetorum finibus accersiverunt. Non defuit ipse civium votis. Fit magna passim hominum caedes, omnia fumo, flammisque (1) collucent. Ad Valentinum ea rabies ubi fuit progressa; cum exercitu in Camertes movit ulturus injuriam, quam a Joanne Maria ipse acceperat. Sed ducis potentiam summopere hic veritus, ex turpi fuga sempiternam secum ignominiam reportavit, atque lita suis e finibus discessit, ut identidem respectaret, an Valentinus (2) a tergo sequeretur. In eo autem praepopero itinere, si non militibus, commeatu equidem vacuo, cives nostros sensit infestos. Ipse una cum Ranutio de Mathilica in moenia ista vi progressus suorum caedem conspexit (3): nam ex quo armorum strepitus in cives ingruerat, vastitas prope erat inducta, caesis arboribus, afflictis Orpiani, et Seripolae pagis, comprehensis, mulctatisque colonis (4).

Antequam vero isthaec transigerentur,

(1) Lilius p. 2. lib. 8.

(2) De mense novembris 1502. jux. Turchium.

(3) Die 19. novembris 1502. ex Bruniana ephem. mss. et ex lib. reform. Vide Turchium fol. 300.

(4) Brunius in ephem. cit., et Lilius p. 2. lib. 8.

modis omnibus sibi oppugnandum Gaglioli castrum cives nostri statuerant. Atque hac in re Jareconi Grassio consuli fortuna arriserat, ita ut brevi spatio (1) illud suo imperio rursus adjecerit. Sed statim Ecclesiae milites totis viribus id adorti, nostros in fugam compulerunt, et omnem castri ditionem Camertibus denuo subjugarunt. Et quamvis ob eam rem suos ad Alexandrum oratores oppidani nostri misissent; tamen eorum votis, quod cum duce Valentino imperium pactus esset, satisfacere minime potuit. Legatos vero humaniter a se dimisit, exorante Nicolao Bonafede familiari suo, viro et virtute praedito, et oppido in primis grato probatoque (2).

Alexandro VI. Pius III. brevissimus pontifex, Pio Julius II. subiectus est, qui Borgiam omni ditione, ac dignitate spoliatum dimisit; ut, qui aut nihil, aut Caesar esse concupierat, quoniam Caesar esse non poterat, nihil esset. Dum metu magis, quam vi Balliones Perusia, A. C. Bentivolos Bononia ipse expellebat, Gallorum 1507 viribus adjutus; anno 1507 magna damna vi-

(1) Ex lib. cons.

(2) Lilius loc. cit.

netis, et frugibus intulit apud nos siccitas ab ipsius anni primordiis usque ad mensem septembris deducta. Dum vero Ludovicus XII. Galliae rex agebat cum Maximiliano impera- A. C.
tore de convocatione concilii, anno 1511; Ita- 1511
liam adeo inusitatus concussit terraemotus, ut multi mortales terrae quassatione, et ruinis (1) oppressi sint. Oppidum nostrum damnum sensit incomparabile: nam incolae, castrensi more, in tabernaculis sibi degendum extra moenia statuerant, quamquam nec ibi sine metu essent, veriti, ne repentino aliquo terrae hiatu absorberentur. Promotus [■] inde in Julii sedem Joannes Mediceus, patre natus Laurentio, tota Italia celeberrimo, et Leo X. dictus, cum Franco illico de pace transegit, fovens studia bonarum artium; literarum, literatorumque fautor eximius paterno instituto. Sed in eum otii perpetuum custodem vix Franciscus Maria Urbinatium dux debacchari incaepit; per oppidum nostrum concursus fuit signis infestis. Et cum ab ipso non posset certa concordiae via aperiri, multa sibi voluit permitti; donec vali-

(1) Vide eundem Lilius.

dis instructus copijs Marius Ursinus in moenia ista penetravit (1).

Hoc tempore nunciatum fuit nostris, Catharinam Gibo uxorem Joannis Mariae Varani A. C. in Camertum urbem contendere. Ei Pontificis
1520 nepti a civibus missi sunt legati quatuor (2) cum splendido, pro more temporum, comitatu, qui eam haud contemnenda florenorum vi honoris causa donarent. Sed brevi otium inde A. C. partum tristis ex vulgari lue moeror excepit.
1523 Nam anno 1523 ipsa damnum oppidanis dedit longe gravissimum. Ruebat omnis aetas pariter, et sexus: funus juncto funere premebatur. Quin ista tanti mali pervicax clades, uti solet in extremis, oculos siccabat: ipso in luctu luctus exoriebatur novus, et circa funus suae cadebant exequiae. Nullus erat miseris pudor: ossa non tegebant tumuli: undique eadem numinis ira, undique mortis versabatur imago.

Universis interim Ecclesiae rebus procurandis eligebatur Julius Mediceus, Leonis X.

(1) Ex lib. cons. ann. 1520.

(2) Ex lib. cons. sub eodem anno.

patruelis, archiepiscopus Florentinus, et Clemens VII. appellabatur. Etsi oppidum nostrum non dubitaret, quin ea diligenter intellexisset Pontifex, quae inter nos miserrime acciderant: tamen illa, si etiam ab Antonio Jacobo Franchio, et Hieronymo Boccaurato internuntiis ad eum perferrentur, multo illi jucundiora putavit fore. Quare anno 1524 de regno ac majestate ista, qua nulla unquam major inter homines extitit, Clementi ex animo, atque verissime primum oratores ipsi sunt gratulati. Dein totum illud, quod de eo sperabant, pro illius magnitudine, expostularunt; nec frustra. Immunitates enim, antelationes, dignitates, statuta ipsa omnia, commodaque ad eos deferri voluit, uti in more jam positum erat. Neque ea civibus obesse jussit, quae nummariis in edictis, nuper propositis, continebantur: nam praecepit, ut nostris aes flare, ferire, et parvulos nummos cudere liceret (1).

Sequuta Caroli Borbonii defectione ab Gallis, verebatur Clemens potentiam Caroli V. regis Hispaniae, et Romanorum. Quare pro

(1) Ex litteris apostolicis 3. martii 1524.

tuenda Italiae libertate foedus iniit cum regibus Galliae, et Angliae, Venetis, et Francisco Sfortia Mediolanensium duce. Dum igitur Carolus hac societate offensus bellum indicebat Pontifici, et Borbonius in Italiam missus urbem, spreta induciarum fide, obsidebat, captamque militibus, lutheranis plerisque, foede
 A. C. 1527 diripiendam linquebat; eodem anno 1527 innumera ingentium locustarum turba cives aequae ac Italiam citeriorem, et in Germania Silesiam, Misniamque clade afficiebat multa. Habebant digiti longitudinem, turgida capita, ventres obesos, et sanie refertos. Extinctae intolerabili foetore aerem corrumpebant, ut etiam cornices, accipitres, aliaeque aves, cadaveribus alioqui inhiantes, ferre nequiverint. Dicitur tamen non potest, quantum damni deerint rebus humi nascentibus, vastantes, et depascentes omnia ad radices usque (1).

Caeterum post menses septem Clemens sibi timens ab astu Hispanorum; arce Hadriani egressus confugerat Urbem veterem, pestilentia in urbe relicta. Fames ingens premebat

(1) Ex commentario Laurentii Surii.

Italiam, praesertim Insubres et Venetos, Umbros et Picentes, ita ut multi etiam ex nostris interierint. Sed redintegrata cum Carolo amicitia, imperii coronam ei Bononiae solempni ritu Pontifex imponebat. At Clemens, ob Rhegium Lepidi Ferrariensi Duci ab imperatore deinceps adjudicatum, se ab ejus amicitia denovo avertit, et, foedere cum rege Francorum inito, Catharinam Florentini Ducis sororem germanam Henrico Francisci regis filio collocavit.

Ubi tot, tantisque negociis conflictatus Clemens mortem obiit, et Paulus III. fuit in ejus locum suffectus, concilium oecumenicum indixit. Ast eo Mantuae vix inito, Pontifex, ut discordias sedaret inter nobiles, ac plebejos in oppido nostro iterum gliscentes, mandavit Marchiae anconitanae Rectori, ut imperio cives subigeret. Immoderata enim affecti cupiditate ex procerum cladibus ditiones suas summa cum invidia oppidani nonnulli protulerant; et tandem eo res fuerat inde perducta, ut populus non dubitasset Rectorem ipsum loco movere. Et tumultus hujus occasione prope modum ad arma ventum esset, ni se sequestrum interposuisset Jacobus Talpa vir magnae dexteritatis; cujus industria in Pontificis aula

effectum est, ut cives summi Antistitis sententiam expectarent (1).

Mox, ut celebrari commodius concilium posset, Niceae Pedemontii urbe cum Carolo V. et Francisco I. Gallorum rege Pontifex congressus, decennales inducias firmavit inter eos. Dum vero inter acclamationes longo Italiae tractu ipse procedebat, viis spectantium multitudine refertis, sic ut pompa omnis sine tumultu omnium oculis ad incredibilem voluptatem ostentata quietissime spectaretur; aliquandiu A. C. ab illo tanto peregrinationis pondere apud 1543 nostros conquievit anno 1543. Aderant per multi illustres, nobiles; opulenti clarorum principum progenie editi; et miro pompae ordine tum Cardinalium, tum procerum pontificiae aulae familia. Et, ut cives spe ejus adventus ab omni tristitia ad veterem splendorem revocari viderentur; Joannes Margarutius consul omnia, ut decebat in tanta hilaritate, sumptu, supra quam credibile videatur, exornavit (2).

(1) Ex lib. cons. et divers. Brev.

(2) Ex lib. cons. fol. 197. et 200.

Sed jam Margarita Caesaris filia, uxor olim Alexandri Florentini Ducis per insidias a Laurentio cognato suo interfecti, Octavio Farnesio pontificis nepoti matrimonio fuerat juncta, et Octavius Dux Camerini creatus, Varanorum stirpe sublata. Quare dum, pro istis summi Antistitis in Camertum urbem voluntatis indicis, non modo referre, sed ne agere quidem pro dignitate gratias suae esse opis cognoscebat quisque: Petrus Aloysius Farnesius, qui ad filii res conficiendas (1) se apud Camertes contulerat, nostrorum legationem solemnem (2) testandae erga cum observantiae suscepit. Tot vero, tamque illustria amoris documenta Margarita ipsa, dum iter (3) ad Lucenses instituebat, nostris civibus dedit, ut in plurimos annos desiderium reliquerit sui. (4)

At induciarum tempore nondum circum-
 acto, turbatus est Ecclesiae status ex nece Pe- A. C.
 tri Aloysii, cui Paulus anno 1545. Parmam, 1545

(1) Lilius lib. 10.

(2) Ex lib. cons. fol. 48.

(3) Lilius loc. cit.

(4) Ex lib. cons. pag. 120.

et Placentiam adtribuerat (1) beneficiario jure, in earum locum, permutationis titulo, Cameratum principatu, ac Nepote dominio acceptis. Farnesio ita interfecto, Carolus V. contendebat, urbes illas pertinere ad Mediolanensem ditionem. Quare similtas inter Pontificem, et Caesarem fuit orta, et Placentia inter tumultum ab imperialibus occupata. Et si nuncium Paulo ex moerore attulit mortem; cives nostri summopere jam erant veriti, ne quid durius Venetorum auxilio fultus Pontifex statuisset in Vidonem Ubaldum Urbinatum ducem, et Herculem Varanum ob eorum de concordia ineunda contumaciam. Nam licet id ad certissimam utriusque perniciem spectare videretur; oppidani tamen sic erant animati, ut quamcumque patriae calamitatem perpeti mallent, quam ab Ecclesiae fide discedere.

Cum duos amplius menses diversis sententiis certatum esset; contra spem omnium 1550 anno 1550. Pontifex declaratus est Joannes Maria de Monte Aretinus, qui Julius III. vo-

(1) Ex Diario Angeli Massarelli episcopi Thelesini sub die 8. septembris 1545. penes Liliun.

luit nominari. Pius IV. dein supremum ges- A. C.
 sit pontificatum: is anno 1560 oppidi no- 1560
 stri procuracionem (1) adtribuit Cardinali Si-
 monetta, qui plebis sapiens censor, et nobi-
 lium prudens emendator habitus fuit. Haec in-
 ter cives novo, ac perinsigni honore e Sixti V.
 auctoritate cumulatj fuerunt. Pristino enim ci- A. C.
 vitatis jure anno 1586 eos donavit; quod qui- 1586
 dem faustum, felix, fortunatumque fuit. Quae-
 nam vero civium praestantia tum fuerit, ut
 eos Pontifex dignos judicaret tam singulari gra-
 tia rursus honestare; nosse etiam datur ex ipso
 creationis (2) diplomate, quod publici juris
 fecit Ughellius. Atque utinam Pontifici tanto
 aeneam statuam in foro potuissent nostri, et
 sub ea, monumento ut esset rerum gestarum,
 tabulam fixissent!

Subrogatus est Sixto Urbanus VII. non
 magis brevitae pontificatus, quam cunctorum
 desiderio memorandus. Secutus fuit Grego-
 rius XIV., qui prope annum gessit impe-
 rium: quod duo maxima mala, fames, ac

(1) Ex lib. cona, fol. 87.

(2) Ital sacr.

lues, satis insigne fecerunt. Constat, in Italia tertiam mortalium partem, qua fame, qua lue interiisse; et nunquam forsitan tot calamitatibus civitas nostra fuit involuta, quot passa est, eodem pontifice imperante. Nam summa rei

A. C. frumentariae inopia, pestis exitiosissima, qua
1590 lis nulla unquam extiterat, annis 1590, et 1591
1591 civium stragem fecerunt incredibilem, nulla neque vi, neque arte earum saevitiae retardata.

Quamquam vero his de causis suam in omnes benignitatem Clemens VIII. pontifex, antiqua pietate, insignis ostenderet; omnia tamen nostrarum gentium negotia praecipua voluit caritate complecti. Artibus enim omnibus jam-

A. C. dudum studuerant Marchiae Legati, et prae-
1596 sertim anno 1596, ut acta, quae apud nostros in criminibus versabantur, non sine magna antiquorum jurium perturbatione in generali curia cognoscerentur. Sed, ut comiter et sedate ipsi se gererent, mandavit Clemens.

A. C. Imo nihil civibus derogatum voluit, et anno
1604 1604 praefectum nostrum jussit cardinalem Silvestrum Aldobrandinum nepotem suum (1), quacumque Legati jurisdictione abrogata. Quam

(1) Gentilius *antic. settemp.*

quidem optimae erga cives voluntatis significationem non conjectura aliqua assecuti sunt majores nostri, sed ipsi in Paulo V. perspexere, atque oculis sunt contemplati anno A. C. 1607, quo ad controversias omnes dirimendas 1607 curam Pontifex suscepit, ut in posterum Praefectus inter Praelatos utriusque signaturae assumeretur, quorum primus fuit Joannes Antonius Maximus Romanus (1).

(1) Series Gubernatorum civitatis nostrae ex mss. diligentissimi civis Bernardini Crivelli excerpta, et ad nostra usque tempora producta a Comite Severino Servantio Collio patriae rerum collectore solertissimo. — Cardinalis Simonetta — Cardinalis Aldobrandini — Joannes Antonius Massimi Romanus — Laurentius Martani Laudensis — Petrus Valeri Venetus — Guilielmus Brondonosset Gallus — Franciscus Trotti Ferrariensis — Laurentius Campeggi Bononiensis — Alphonsus Petrucci Senensis — Antonius Ubertini Florentinus — Laelius Falconieri Romanus — Jacobus Teodoli Romanus — Franciscus Vitelli de Tipherno — Gaspar Mattel Romanus — Franciscus Cavallo Mediolanensis — Robertus Cennini Senensis — Claudius Castelli Interamnensis — Alexander Rangoni Mutinensis — Franciscus Maria Montecvecchi Fanensis — Aeneas Vaini Imolensis — Marcellus Stella Venetus — Vincentius Cavalli Bergomensis — Philippus Cassacchi Amerinus — Camillus Pozzobonelli Mediolanensis — Joannes Josephus Baviera Senogalliensis — Didacus Serzalis Neapolitanus — Ascanius Maffei Romanus — Joannes Delfini

Post haec tempora aut nulla, aut si qua
usquam res fuit excitata, ea neque magna,
neque tam diuturna, ut perturbare cives pos-
set, dignaque esset, quae posterorum memo-

Venetus — Joannes Ciamboli Florentinus — Guilielmus Gaddi
Foroliviensis — Alphonsus Pallettonio Spoletinus — Carolus
Nembrini Anconitanus — Carolus Truches Alemannus —
Dominicus Blanditi Neapolitanus — Ludovjeus Betti Florenti-
nus. — Joannes Lucidus Palombara Romanus — Pompejus Gi-
ustiniani Romanus — Franciscus Erasmi Romanus — Opitius
Pallavicini Januensis — Franciscus Spinola Januensis —
Caesar Maculapi — Hieronimus Castramediani Neapolita-
nus — Franciscus Caraffa Neapolitanus — Jacobus Zande-
maria Parmensis — Nicolaus Grimaldi Januensis — Ioseph
Salustius Fadulfi Interamnensis — Lucas Antonius Eustacchi
Romanus — Philippus Antonius Gualterius Urbevitanus —
Joannes Baptista Lauri Signias — Joannes Franciscus Rota
Cremonensis — Bonamense Agostini de Forolivio — Carolus
Torraquincius Belloni Venetus — Joseph Cianti Romanus —
Dominicus Folgari Neapolitanus — Jacobus Philippus Cini
de Pergula — Hieronimus Mattei Romanus — Joannes Fran-
ciscus Leonini Tiburtinus — Petrus Corbelli Fanensis — Hia-
cintus Pilastri de Caesena — Flavius Ravizza Urbevitanus —
Alexander Rigoni Mantuanus — Marcellus Cremona Valdina
Rupanus — Vincentius Vecchiarelli Romanus — Joannes
Conradus Orsini Romanus — Hercules de Aragonia Neapoli-
tanus — Hercules Marliani Mediolanensis — Franciscus Ric-
cardus Feruiani Eaventinus — Franciscus Hadrianus Ceras
Romanus — Raphael Fabretti Urbinas — Carolus Gonzaga

riae commendaretur. Imo in Urbe securitas, imo summa tranquillitas orta, et seditiosorum hominum ingenia popularibus concionibus laudius amplius acuit ambitio. Non artes liberales, non optima studia, quae nusquam magis quam in Italia honor aluerat, atque auxerat, fatale bellum afflixit, nec illam exteris nationibus diripiendam, ac devastandam reliquit. Romanos Pontifices verae laudis cupiditas impulit ardentius, ne misera rursus eisdem malis tentaretur Italia, veteresque calamitates nescio quis genius in bonas artes inveheret. Collegerunt ipsi, quae alii dissipaverant, et restituerunt nobis illa, quae vel hominum improbitas, vel fortunae vis eripuerat. Et haec, ut caetera sileam, Pius VI. magna ex parte.

Mantuanus — Robertus de Genga Picens — Hippolytus Franciscus Rasponi Ravennas — Joannes Vitellius Vitelleschi Fulginas — Conceptus Vinci Firmanus — Joannes Baptista Stella Bononiensis — Joannes Ludovicus Carrandini Mutinensis — Joannes Baptista de Pretis Urbinas — Mutius Gallus Auximanus — Prosper Franceschi Pisanus — Felix Faustinus Savorniani Venetus — Carolus Bellisomi Papiensis — Hieronymus della Porta Eugubinus — Barnabas Relli Camers — Hinnicus Didacus Caraccioli Neapolitanus — Alexander Macedonio Neapolitanus — Augustinus Rivarola Januensis — Joseph Negroni Romanus.

praestitit Joanni Baptistae Collio, viro et genere claro, et in rebus agendis eximio; dum anno 1795 aeris publici inter nos feriundi ei potestatem fecit (1) in tempus, extendendam, et prorogandam, quoad sibi liberet, multorum fortunis adjutis, artibusque (2) excitatis. Sed iniquo Italiae fato mox accidit, ut cives otii tempus importuna Gallorum dominatione ereptum amiserint. Destituti pacis

(1) Ex rogibus Aloysii Salvatori R. C. A. secretarii sub die 14. decembris 1795.

(2) Joannes Baptista Collius patricia nobilitate ordinis primi Septempedae natus parentes habuit Josephum Collium, et Cinthiam Lutiam foeminam clarissimam. In studiis a pueritia domi vixit, dein Firmum in ephebeo martiali transiit, ut animum ad Philosophicas, et legales disciplinas adjungeret. Ritu solemni laurea, caeterisque doctrinae insignibus decoratus Romam secessit. Ejus virtutem Eschin, tunc temporis legum, et causarum agendarum peritissimus, admiratus est, et illum sibi adiutorem esse voluit. Domum reversus pluries praefecturam gessit urbanam. A Picentibus ad aerarii quaestorem Giannet, Romam legatus enituit gravitate, et solertia. Dictus fuit eques militiae Etruscae Stephanianae: ad cives honestandos studium intensissimum attulit, aedem miro sumptu extruxit, rus suburbanum amoenissime praeiit. Decessit placidissimo exitu VII. idus aprilis anni 1850. illustribus impensae religionis, et liberalitatis in pauperes, puellasque monumentis omni vita, et post mortem testamento relictis.

praesidio , fracti animo ac debilitati , quam difficili in loco tum versarentur , ingratum quidem esset referre. Obfirmato itaque ore tantum optabo , ut quae alii fusius collegerunt , omnes statim edant , et mihi hanc laudem prae-ripiant. Modo in civitate jus dicit is , quem Gubernatorem districtualem appellant. Sunt et magistratus urbani , qui rem publicam gerunt : quique primum inter eos dignitatis locum habet , Vexillifer nuncupatur.

Cum patriae desiderio omnes , natura duce , teneamur ; hinc ortus nostri partem majorem sibi cives vindicare intelleximus. Id sapienter ad Archytam olim scribebat philosophorum sapientissimus Plato ; idque Themistocles sibi gerendum putabat , dum ab Artaxerxe in Athenienses arma capere cogebatur. Diuturna et nos de Septempedanorum rebus cupiditate flagravimus. Haec idcirco pauca congressimus , quae , licet nec undique simus persecuti , multa tamen protulimus , quae apud alios perlegere minime liceat , cura praesertim , et humanitate Germani Margarutii , a quo non mediocri hilaritate quamplura accepimus , avideque perlegimus , et ad cives transmittenda in animum induximus.


**DE ECCLESIA
SEPTEMPEDANA
LIBRI III.**

DE ECCLESIA SEPTEMPEDANA

Liber Primus

Et si viderem, aliquos fuisse, eosque jam in historia ecclesiastica summa cum laude versatos, qui sacras Septempedanorum res explicassent: tamen, cum ita posceret ratio instituti, ut, illustratis originibus, progressuque rerum civilium, primus de Ecclesia liber sequeretur; committendum non putavi, ut contra quam pollicitus fueram, haec a me omnis satis salebrosa disputatio praetermitteretur. Omnia igitur, quae ad hoc argumenti genus pertinerent, et methodo, ac fusius quidem, quam ante me Ughellius, Colettius, et Turchius fecerant, describenda, atque huc transferenda judicavi. Dividendum vero librum esse duxi in quinque capita, in quorum priore de christia-

nae religionis apud Septempedanos initiis, in altero de Cathedra episcopali, in tertio de Dioecesi, in quarto de Canonorum collegio et Templo maximo, in quinto demum de Clericorum seminario disceptarem. Haec si civibus grata fuisse intellexero, arbitrabor, esse me, quod vehementer expeterem, consequutum.



I.

*De christianae religionis apud
Septempedanos iuitiis.*

Fieri quidem potuit, ut, qui Romam christianum nomen primi omnium intulerunt, iidem ante ad oppida quaedam Italiae appulerint, et in iis evangelium nunciarint. Sed nihil hoc in genere, nisi auctoritate veterum monumentorum, constitui certe potest. Ea enim, aut nulla sunt majorum memoria scripta, aut, si quae olim reperiiebantur, omnia progressionem temporum perierunt. Missis itaque traditionibus, quae neque satis antiquae, neque Italorum omnium consensu firmatae sunt; initium a Romanis ducam, et ostendam breviter, quibus praesidiis auctae apud eos christianae opes, profectique ex iis fuerint, qui doctrinam, cultumque Christi in caeteras Italiae civitates importarent; ut inde eruatur, cujus potissimum opera, et quo tempore jacta sint apud Septempedanos prima religionis fundamenta.

Ubi Petrus apostolus Romam venit, atque auctor fuit multis, ut, neglecta superstitione

deorum, solidam pietatem colerent; Ecclesiam instituit, quae jam inde a temporibus Claudii Augusti maxima apud homines in celebritate versabatur. Sed quum aegre Judaei paterentur, semperque oriri proinde inter eos, et christianos concertationes solerent; Imperator, qui tumultus ejusmodi in republica ferendos non putarat, omnibus, qui nati Judaeis parentibus erant, sive illi rabbinorum, sive Christi partibus studerent, ut urbe excederent, praecepit. Itaque christiani quamplures, qui originem ex Judaeis traxerant, Romam deserere coacti sunt, alioque abire (1) exulatum per Italiam. Postea, cum data Judaeis redeundi potestas esset, et amplificata majorem in modum (2) undique res christiana fuisset; Paulus apostolus ad Ecclesiam Romanorum literas dedit, quibus promisit, fore, ut ejus visendae causa in urbem (3) aliquando proficisceretur. Interim Petrus, qui maxime eorum studiosus erat, quos

(1) Actor. cap. 18.

(2) Sub Nerone in palatio quoque imperiali nostrae disciplinae, ac religionis homines reperiebantur, qui apud Caesarem gratia, et auctoritate valebant.

(3) Ep. ad roman. cap. 1. v. 8.

Christo conciliaverat, Romam forte adierat, nonnullis (1) Italiae regionibus peragrat. Paulus vero Hierosolimis captus in urbem tandem (2) perductus fuit; ubi, absente Principe apostolorum, qui se ad propagandum evangelium in alias civitates contulerat, aliquandiu mansit, auxitque numerum christianorum.

Quae quidem commemorans, is sane non sum, qui putem Petrum, aut Paulum fuisse, qui semel, et iterum per Italiam discurrentes Christi fidem apud Septempedanos praedicaverint. Ex patriae annalibus sive editis, sive mss. lux ulla ad principia hujus Ecclesiae detegenda minime affulget. Ast, si non longe admodum ab urbe Roma Septempedanorum civitas distabat, ubi apostolorum Princeps arcem religionis constituerat; et si ardenti quidem studio ipse curaverat, ut in finitimas quoque regiones, illustrioresque earum urbes evangelii semen diffunderetur; cui mirum visum fuerit, cives nostros apostolorum tempore divina luce fuisse illustratos, atque in eos christianum nomen

(1) Tillemon. vol. 1. h. e. fol. 173. 185. edit. Paris.

(2) Actor. cap. 28.

saltem fuisse inlatum a quopiam illorum discipulo? Et dum Veliterni (1) traditum sibi a majoribus ajunt, missum Velitras a Petro apostolo Epaphroditum fuisse; dum eodem fere tempore (2) Ostienses, (3) Portuenses, Sabini, apostolorum opera majores suos adductos ad Christum fuisse, tradunt; et hoc idem Praenestini, Tiburtini, Narnienses, Interamnienses, Amerini, Nepesini, Sutrii, Anagnini, Terracinenenses, Setini, Signini, Tuderini, Hortani, Ferentinenses, Spoletani, Reatini, Assisinati, Perusini, Aretini, Tiphernates, Cortonenses, Eugubini, Nucerini, Æsini, Anagnitani, Auximanes, et Picentes caeteri fere omnes (4) de majoribus suis narrare pergunt;

(1) Ughellius vol. 1. f. 42. — Borgia hist. Velit. f. 76.

(2) Idem ibi fol. 47.

(3) Idem ibi fol. 100.

(4) Suaserius antiq. Praenest. fol. 54. — Crocchiantus hist. Tiburt. — Martinus hist. Tiburt. vol. 8. — Ughellius de Ep. Narnien. fol. 1007. — Papebrochius vol. 1. fol. 586. — Idem de Ep. Interamnen. vol. 1. fol. 746. — Bullandiani vol. 3. — Ughel. de Ep. Amerin. fol. 297. — Nardinius in op. inscrip. „ *La cattedra vescovile di S. Tolomeo in Nepi* „ — Ughellius de Ep. Sutrin. fol. 1273. — Boldettus obser. in caemet. fol. 210. 304. 746. — Ughellius de Ep. Terracinen. fol. 1278. — Corradinus de Civ. et Eccl.

Septempedani divi Apollinaris, Petri discipuli, labore, ac diligentia idolorum superstitionem tolli in oppido suo caepisse defendunt.

Hanc opinionem amplexus esse videtur Venetus Italiae sacrae editor Nicolaus Colettius. Et sane non in Æmiliae solum, sed etiam in Piceno praedicandi munere Apollinarem fuisse perfunctum, autumant eruditi. Ejus titulo inter nos adhuc insignitur templum, cui inerat animarum procuratio. Illud magnam redolere antiquitatem norunt omnes, aequae ac *Serraltæ* castrum haud longe dissitum, ubi etiam nunc colitur uti patronus, atque ubi ethnicos mores viguisse geminae testantur statuæ inhib(1) effossæ, de quibus porro accuratam dis-

Setina cap. 1. fol. 1. — Ughellius de Ep. Signin. fol. 1234. — Idem de Ep. Tudertin. fol. 1349. — Fontaninus antiq. Hort. lib. 1. cap. 5. fol. 85. — Ughellius de Ep. Ferentin. fol. 672. — Campellus hist. Spol. lib. 4. fol. 103. — Bullandiani vol. 1. — Angelottus descrip. urbis Reatensis vol. 3. — Ughellius de Ep. Assisien. fol. 476. — Idem de Ep. Perus. fol. 1154. — Farullus hist. Aret. — Ughellius de Ep. Tipherno. fol. 1346. — Idem de Ep. Corton. fol. 620. — De Ep. Eugub. fol. 632. — De Ep. Nuc. fol. 1063. — De Ep. Æsinis fol. 279. — Saracinus hist. Ancon. — Martorellus fol. 423. — Compagnonus in reg. pic.

(1) Sunt in sedibus comitis Severiæ Servantii Collis.

quisitionem, neque instituti mei ratio a me requirit, neque praereptam volo eruditissimo viro, quem in se hanc praedivitem provinciam suscepisse intelligo. Prope civitatem quoque divo Apollinari fuit sacrum perinsigne monasticum templum *de Morellis* nuncupatum. (1)

Dum nos haec attingimus monumenta, quae Apollinarem penes majores nostros unice spectant, et in quibus, veris germanisque deperditis, minime libet diutius immorari; fatendum tamen, quod, etsi haec opinio esset rejicienda, Septempedani jure semper contenderent, se alicujus apostolorum discipuli fuisse auditores. Nam si Neapolitani quoque, Nolani, Capuani, Campani, Etrusci, et Ligures ipsi, vel a Petro, vel ab ejus auditoribus (2)

(1) Urbanus VI. per suas apostolicas litteras sub datum Romae apud S. Mariam in Transiberim XII. kal. martii ann. 1379. Abbatibus *S. Apollinaris de Morellis*, et S. Laurentii de Sanctoseverino, ac Priori templi principis quamdam excessuum absolutionem commisit. — Turchius fol. 271. — Nomen divi Apollinaris adhuc retinent nonnulla praedia abbatiati ecclesiae sancti Laurentii adtributa.

(2) Caracciolus de Sacr. Eccl. Neap. fol. 41. — Struvius fol. 1406. — Monachi Sanct. Capuan. — Giannone hist.

se doctos, quid esset credendum, existimant; quid de Septempedanis sentiendum putabimus in ipsius urbis moenibus ferme positis, et in consulari via jacentibus? Est jam multorum consensione probata eorum opinio, qui, Insubres, reliquosque Transpadanae, et Cispadanae Galliae incolas, aut ab apostolo quopiam, aut a discipulis apostolorum fuisse ad Christum perductos, arbitrantur. Aquilejenses (1) ipsi, Marcum Petri discipulum et evangelistam, cum Romam veniret, aut in Aegyptum contenderet, Aquilejam pervenisse probant. Si igitur de remotioribus etiam Italiae partibus haec, aliaque sunt praedicanda; consideranti plane persuaderi hoc idem posse existimo, fuisse inter Septempedanos homines, qui Christi instituta coli oportere arbitrarentur, etsi radices primaeve Ecclesiae aetate apud eos Christiana religio non egisset.

Et id erat Petro, ejusque successoribus curae, ut Christianorum coetus ubique in Italia constituerentur, neque, eos esse dilatos ad

civ. regn. Neap. lib. 1. fol. 57. — Baronius ad ann. 46. — Justinianus hist. Genuens. lib. 1. fol. 24.

(1) Bullandiani vol. 3. — Baronius ad ann. 46.

tempora inde secuta, unquam credam. Nam in remotissimis quoque regionibus adeo erat Christi religio propagata, saeculo secundo vix incaepto; ut ne vicus quidem esset, in quo Christus minime coleretur. Anno circiter centesimoquarto aerae vulgaris, teste Plinio juniore ad Trajanum, et in Bithynia is erat credentium numerus, ut, si suppliciiis tollendi fuissent, toti provinciae ingentem cladem afferri oportuisset. Igitur ne vix quidem in animum inducere possum, prima fidei fundamenta apud Septempedanos jacta fuisse a divo Marone presbytero. Sed plane assentior iis, qui in Piceno, saeculo primo ad occasum vergente, auctas ab ipso majorem in modum (1) christianas res arbitrantur. Quare debitam Maroni grati animi significationem studuerunt semper exhibere Septempedani, et fidentes eum auspicem expostularunt, et ejus in sinum quasi sponte sua confugerunt (2).

Caeterum vix dici potest, quot novas ap-

(1) Bernardus Gentilius in dis. Sept. — Catalanus de eccl. Firm. Marangonius hist. Civ. nov. lib. 1. cap. II.

(2) In diplomate Episcopi Camer. ann. 944. a Muratorio, Lilio, et Turchio relato in app. fol. 15. habetur „*juxta ipsu castellu* (Sanctiseverini) *qui fuit de dote sancti Ma-*

pellationes Christiani invenerint, quibus sese ab aliis distinguerent, et suam erga Deum religionem, et pietatem explicarent in proximos. Quare a Clemente Alexandrino (1) observatum est, sacris (2) in literis *agnos* fuisse dictos, ob simplicitatem, et vitae innocentiam, etiam probos, piosque christianos. Imo etiam Apostoli eisdem rationibus et vocati a Christo *agni* fuerunt, et ea figura expressi a majoribus nostris sunt, seu in antiquis picturis, quarum nonnullae in caemeteriis (3) urbis visuntur, seu in lapidibus, quorum unus modo assutus conspicitur in externis pervetusti hujus templi maximi parietibus: nisi verius in ipso Christus *agni* symbolo denotetur (4).

roti „ — Ex parergis notabilibus ad §. decimum jussu Dionysii Pieragostini Episcopi Septempedani anno 1741. editis, et ab eodem Marangonio relatis, apparet, apud Septempedanos honorem semper Maroni fuisse delatum: et in kalendario anni 1742. sub die 18. augusti ita legitur „ *S. Maronis M. in ecclesia cathedrali tantum dup. min. ob insignem reliquiam unius ex vertebis nuper habitae in solemnii recognitione sacri corporis peracta die 28. junii 1741.* „

(1) Lib. 1. Paedagogi cap. 5. fol. 105. tom. 1.

(2) Joannes cap. 21.

(3) Boldettus „ *osserv. sopra i cimiterj de ss. Martiri di Roma.* „ Lib. 1. cap. 6. fol. 22.

(4) Idem ibidem.

De Cathedra Episcopali

Ubi e vivis Domitianus excessit, et Nerva imperium fuit adeptus, Christiani pace tantisper potiti animum ad confirmandos in fide suos converterunt. Erat eo tempore Episcopus Romanorum Clemens, qui nihil praetermittebat, quod ad salutem suorum spectare videretur. Quamobrem vix eos optimis legibus munivit; episcopos aliquot, ut est verisimile, ordinavit, eosque in varias misit regiones. Imo ex priscis Ecclesiae annalibus constat, Pontifices inde secutos non modo eos constituisse, qui rem christianorum sacram administrarent, sed caeterorum etiam coetuum curam gessisse, eosque omnibus rebus, quibus poterant, haud difficile quidem, juvasse. Nam, Hadriano, et Antonino Pio imperio, atque vita functis, scimus, Marcum Aurelium Antoninum, Commodum, Septimium Severum, Caracallam, et Alexandrum aequitate in christianos utendum existimasse. Gallienus, sublati Philippis Decio et Valeriano, ut christianis templa, et caeme-

teria restituerentur, binis edictis mandavit. Summopere etiam sub Tacito, dein sub Probo, post sub Caro augustis ita nostri respirarunt, ut non pauci eorum in aedibus principum degerent, jus dicerent, provincias administrarent. Hoc statu diu cum Ecclesia fuisset, consequuta tandem est, ut Constantinus Maxentium tyrannum bello superaret, atque in Urbem ingressus templa vero Deo extrui iuberet, ac leges scriberet, quibus ethnici non modo a vexandis nostris, sed etiam a superstitione deterrerentur. Christianis rebus ita firmatis, et a nobis eo quidem expositis, ut in scopum nostrum contenderemus; quo tempore episcopalis Septempedanorum sedes instituta; quo barbarorum immanitate eversa; et quo tandem, bellis ac factionibus omnino necatis, instaurata fuit, videamus.

Nemo est, qui nesciat, Apostolorum aevo episcopis (1) fixam sedem nequaquam fuisse. Ordinabantur enim, non civitati uni ejusmodi Episcopi, sed universae nationi; propterea

(1) Thomassinus de nov. et vet. ecclesiae discip. Vol. 1. lib. 1.

quod persaepe nec nota quidem erant civitatum nomina. Adde quod viris apostolicis, proinde ut Apostolis ipsis, obsequendum erat spiritui, ejus impetu rapiebantur, nec remorandus evangelicae victoriae cursus velocissimus. Hinc porro factum est, ut hujusmodi episcopi regionarii, seu apostolici dicerentur. Hinc eundem protoepiscopum plures sibi vindicant urbes, quum nequaquam protoepiscopi loco eum habeant, qui, episcopali cathedra apud eas constituta, primus ibi sederit, sed qui primus eas evangelii luce collustraverit. Negari tamen non potest, quin, aucto ubique fidelium numero, fundatae cito fuerint ecclesiae, et instituti episcopi, qui novam Christi sobolem exciperent, curarentque.

Et vero plures ubique (1) episcopatus erecti sunt jam inde ab saeculo secundo, ut de Italia maxime liquet ex libro pontificali Ecclesiae Romanae. In eo enim vix ullus est ex Romanis Pontificibus ejus aevi, cui non plures ordinati episcopi adscribantur. De nonnullis vero Italiae ecclesiis, earumque traditionibus, etsi

(1) Sartius de ecclesiae Eugubinae antiquitate.

videndus sit Ughellius (1) ; quamplurimas tamen fuisse ex iis urbibus in Italia, in quibus ante tertium saeculum episcopi nomen non sit auditum, rerum ordinem ac tempora perpendiculari constabit. Neque enim christiana religio in omnibus illico universae Italiae municipiis diffundi potuit, ac radices agere. Sed si circa medium illud saeculum Cornelius Romanus Pontifex synodum contra Novatianum coegit sexaginta episcoporum, ex vicinis utique provinciis; et si mirum sane, Decio imperante, tot potuisse (2) in ipsa urbe Roma antistites convenire: quis dubitet, multo plures episcopos Italicarum provinciarum domi esse relictos, ut in tanto periculo ecclesias sibi creditas tuerentur? Quis non videt idcirco, jamdiu in nobilioribus quibusque civitatibus cathedras episcopales fuisse erectas, atque in iis maxime, quae in splendidissima Picentum regione inter praecipuas, uti de Septempeda tenendum, numerabantur?

De collocanda metropoli agebat Clemens

(1) Consule cl. Maffaejam in epistola ad Colettium.

(2) Epistola ad Antonian.

primus papa : in illis civitatibus , in quibus (1) dudum apud ethnicos Archiflamines minores , Archiepiscopos institui beatus Petrus praecepit. Et licet conditio ista in Septempedanorum municipium non cadat , ad metropolim inter eos constituendam ; tamen ex Anacleti papae epistola (2) ad episcopos Italiae , et ex monumentis in secunda rerum civilium dissertatione illustratis ; satis , ni fallor , patet , quemadmodum in eo municipio , tanquam in loco honorabiliori , *Flāmen* , et *Procurator* residebant ; ita eisdem de causis , nisi metropolitana , episcopum saltem esse in eodem collocandum. Distulisse autem id vigiles Petri successores ad quartum , quintumque saeculum apud nos , nunquam credam. Ex hac enim opi-

(1) Epistola 1.

(2) In epistola 2. ita „ *Provinciae multo ante Christi adventum tempore sunt divisae , et postea ab Apostolis , et Clemente praedecessore nostro ipsa divisio est renovata , ut in capite provinciarum , ubi dudum Primates regis saeculi erant , ac prima judiciaria potestas . . . ad quos , qui per reliquas civitates commorabantur . . . confugerent . . . quoties opus esset : ipsis quoque in civitatibus , vel locis nostros Patriarchas , vel Primates . . . leges divinae , et ecclesiasticae poni , et esse jusserunt , ad quos episcopi , si necesse fuerit . . . appellent. „*

nione illud sequeretur, longe tardiores in Piceno, quam in caeteris vel illi conterminis provinciis, a christiana religione uberiores progressus fuisse factos.

Et quidem, si *Procurator* civitatis Septempedanae, quem hydrope affectum a divo Marone curatum fuisse diximus; si cum eo, uti necessarie dicendum, Septempedani religionem, cui se addixerant, aperte profitebantur; cui mirum, tot imperatoribus in nostros voluntate propensioribus, et permittentibus, ut eorum in Italia propagaretur religio, ignobiliores Italiae (1) recessus, et urbes, quae admodum modico invicem distabant intervallo, habuisse cathedras episcopales? Quis dubitaret de illustrioribus? Septempedam per ea tempora aliqujus fuisse nominis, ex monumentis est exploratum. Multarum urbium (quid ni et nostrae?) Episcopi a medio saeculo tertio nobis innotescerent, nisi priorum saeculorum monumenta intercidissent; nisi conciliorum Romae habiturum primaevis saeculis acta, et episcoporum

(1) Surtius loc. cit.

obsignationes (1) Diocletiani, et Juliani praesertim, Julii Constantii filii, in christianam religionem furor nobis invidisset (2).

Sed nostri, Joviano optimo principe ad imperium vocato, respirarunt. Huic Valentinianus, ab Apostata ob religionem tribunatu motus, successit, Deo probrum in decus vertente. Et si mox Valens episcopos ab exilio revocabat; si postea Mediolani ab Ambrosio Theodosius templi aditu prohibitus poenam ab illo impositam rite persolvebat; si Leo pon-

(1) Prudentius in Emetherio, et Chelidonio ita queritur.
Chartulas blasphemus olim nam satelles abstulit,
Ne tenacibus libellis erudita saecula
Ordinem, tempus, modumque
Balcbus linguis per aures posterum spargerent.
De sacris codicibus diligenter ab ethnicis conquisitis legendi
Vales. dissert. de schism. Donatist., Natalis Alex. H. E. 3.
p. 1. c. 1.

(2) Ad religionem delendam Julianus sibi rationes inundas esse putavit, quae nunquam in mentem ethnicis principibus venerant. Quare Eunomianos, Arianos, Donatistas, Novatianos restituit. Nostrorum codices igne, Christianorum animos illecebris magis, quam cruciatibus tentavit, ab hoc perniciosior hostis, quo lenior. Sed occultum rei nostrae vexatorem non diu tulit Deus, et dum arma in Persas ipse movebat, ducis fraude perductus in insidias cecidit.

tifex, cognomento magnus, modo Attilae regi ad Mincium amnem occurrens divina eloquentia persuadebat, ut, conversis repente signis, abiret; modo iram Genserici Vandalorum regis urbem jam jam direpturi lenibat; et Justinus primus Graecorum imperatorum a Joanne Pontifice augustalibus insignibus decorabatur: nequaquam doctorum hominum reprehensionem incurremus, si ad tot Caesarum gratiam in nostros, si tot Pontificum majestate accedente, Septempedanam Ecclesiam longe ante saeculum sextum fundatam esse statuamus. Minime enim ex monumentorum silentio, seu verius defectu, id labefactari ullo modo potest, quod rationi consentaneum, et longe probabilibus conjecturis recte firmatum esse comperitur.

Et revera, dum devicta ex Africa Belisarius (1) triumphabat; et Justinianus paterna, atque avita patrimonia ex Vandalorum invasione amissa ab Afris vindicabat, Mauros, barbaros ejusdem provinciae populos, ex gentilibus reddens christianos: Septempeda, ait Colettius, suos jam habebat episcopos. Sed vix Theodatus, defuncto Atalarico, liberis Gotho-

(1) Procopius lib. 2.

rum regni habenas nactus fuit; Amalasunthae beneficii immemor diro illam carceri mancipavit. Tum Justinianus jure se Theodato pacem negare posse ratus; Belisario imperavit; ut continentem Campaniae (1) oram invaderet. Hinc novae, ac diuturnae in Italia calamitatis origo; hinc imminens Septempedae eversio, et in ipso patenti ortu episcoporum defectus.

Theodatus Neapolis amissione perculsus dum fugam adornat, a suis interficitur, a quibus Vitiges rex appellatur. Belisarius, urbis moenibus exercitu statim admoto, ea potitur; et Vitiges, contractis ex Italia, Galliaque (2) Gothorum millibus centum fere et quinquaginta, urbem obsidet. Haec inter a Belisario, Theodora Augusta adnitente, exactoratur Silverius pontifex, quasi Gothis prodendae urbis consilia agitaasset; et subrogatur Vigilius. Silverius sub custodia Byzantium (3) ad Augustam missus, haud multo post aerumnis confectus moritur anno 540; et Vigilius

(1) Idem lib. 1. — P. Diaconus lib. 18.

(2) Cassiodorus lib. 10. ep. 32. — Procop. lib. 1.

(3) Procopius de bello Persico lib. 2.

se ipsum pontificatu abdicavit; qui sex tamen post dies legitimus Pontifex nec poenitendus fuit habitus. Ipse eodem anno, juxta computum (1). Colettii, sanctum Severinum Septempedanorum episcopum inauguravit.

Vix dici potest, quot dubia in constitutionibus, responsis, et epistolis encyclicis Pontifex immortalis memoriae (2) solverit, erroresque sustulerit, qui in christianam multarum regionum disciplinam, atque historiam irrepserant. Is longaevus, totaque vita occupatus in utroque sibi commisso imperio, non intermisit etiam nostrarum rerum studia, et scitissime scripsit (3), *hanc civitatem . . . priscis temporibus episcopali cathedra decoratam fuisse, pluresque antistites habuisse, quos inter sanctus Severinus saeculo Cristi sexto virtutibus, et signis clarius emicuit. Et reapse patet ex actis divi Severini, saeculo septimo exaratis, et a Bullandianis editis (4), in sedem*

(1) Italia sacra vol. 2.

(2) Benedictus XIV.

(3) In constitutione, quae incipit — *Supremi Pastoris* — Romae apud a. Mariam Majorem anno 1748. X. kalen. maii.

(4) *Beatus Severinus Septempedanae ecclesiae accessit in Praesulem . . . et infra paucis vero revolutis diebus prae-*

episcopalem antecessores equidem, et successorem forsitan habuisse. Omnibus enim destitutus monumentis nullum novi, qui hanc sedem tenuerit, postquam Severinus migravit ad superos. Sed quid mirum? Altero etiam, ac quadragesimo hujus saeculi anno Basilius junior creatur consul; et post eum alium nullum in romanis fastis licet invenire. Theobaldo, et Alarico Gothorum regibus interemptis, Totilas, Theobaldi nepos, malo Italiae, et praesertim Septempedanorum fato, regnum cepit, et bis anno 542 apud Æmiliam, atque Etruriam, collatis signis, romanos duces longe superavit. Alterum regni annum auspicatus Totilas exercitum urbi admovet, et Belisarius (1) impar viribus Æmiliam petiit, ne Italiam reliquum deserere cogeretur. Barbari interim, romanis exercitibus profligatis, portentoso aestu cuncta ubique devastabant, et per paucum tempore elapso a divi Severini morte, ho-

fatus Praesul obdormivit in Domino, et Beatus Severinus in episcopum est electus a Clero et populo et tandem Pastorem in tua colloca ecclesia. — Acta SS. vol. 1. januarii.

(1) Procopius de bello gothico lib. 3.

stili Gothorum incursione eversa fuit civitas, et episcopi defecerunt. Tum prisca hujus ecclesiae monumenta, tum antistitum dyptica fato nunquam satis deplorando deperdita fuisse statuendum. Et nisi subsequenterum barbarorum furor nonnulla a flammis, ab ense forsitan nondum absumpta, Piceno praecipue invidisset; profecto hujus ecclesiae notiones, quae ardentissime desiderantur, nobis innotescerent. Ita Roma ipsa paulo post a Totila capta (1) direptaque, documento fuit urbium, ac regnorum, quam esset fluxa felicitas.

Belisarius nunquam loco perstans Byzantium ab Augusto revocatur, ac, suae ipse superstes famae, non inglorius modo, sed etiam vixit infelix. Nec laetae magis Justiniano res fuere. Italia quippe amissa, reliquum quoque occidentale imperium facile amisit, barbaris undique ingruentibus. Sed in tanta humanarum divinarumque rerum profligatione Septempedani, qui tot cladibus superstites extitere, novum condiderant oppidum, quod mox sancti Severini episcopi nomine (2) appellari vo-

(1) Idem ibidem.

(2) Baronius in marty. rom. adnot. sub die 8. junii.

luerunt. Minime vero episcopium, quod inter illos erat constitutum, potuerunt reparare, suosque pastores sibi denuo seligere. Imo, donec barbaricae illae gentes, quae in Italiam irruerunt, accitae a Narsete, per ludibrium in gynaeceum revocato, etherodoxae fuere; in votis potius cathedrales ecclesias, conspiciere derelictas, quam catholicis episcopis restitutas habuerunt.

Postquam vero sub Agilulpho Longobardorum rege, uxoris ejus Theodolindae precibus, et sancti Gregorii magni studio, catholicam fidem sunt gentes illae secutae; tunc episcopales cathedrae, quae jamdiu vacaverant, fuerunt illico pastoribus cohonestatae. Id tamen novae Septempedanorum ecclesiae nequaquam evenit, quemadmodum aliis accidisse dignoscitur. Sed idem pontifex dioecesium in Piceno vastatarum curam non intermisit vicinioribus episcopis demandare, uti in ejus epistolis liquido patet: et tunc equidem fuit, quod oppidi nostri spirituale regimen Camerini episcopis fuerit commendatum, ea maxima porro *unione*, vi cujus ecclesia ista, episcopatu penitus abolito, cum illa prorsus, ac indistincte coalesceret. Neminem autem futu-

rum esse arbitror, qui hujus, de qua loquor, conjunctionis documenta ipsa a me proferenda esse putet. Situs enim ipsius Septempedanae ecclesiae, quae defecit, tacito quodam modo nos admonet, eam Camerinensi, utpote proximiori, conjungi debuisse: fuisse autem revera conjunctam, satis declarant ea, quae apud nos sunt documenta. In iis enim videre est, penes antistitem Camerinensem, minime vero penes Auximanum episcopum, omni tempore fuisse eos agros, casve agrorum partes, quae antea in abolita dioecesi nostra continebantur. Nam, quod in diplomatibus error cubet interdum; aequo sane animo ferendum esse judicabit quisquis in sequiorum temporum antiquitatibus hospes plane non fuerit. Saepe enim volventibus chartas vitiata occurrunt, dioecesis praesertim, nomina; quae quidem vitia in eos rejicienda esse, qui a manu fuerunt, nemo unus ignorat (1).

(1) In hujusmodi errorem lapsum animadvertimus anno 1395. scriptorem diplomatum Bonifacii IX., dum ait „*Domus ordinis Fr. Praedicatorum s. Mariae de mercato de Sanctoseverino, Auximanae dioecesis.* „ Vide Gentilium in antiq. Septempedanis pag. 59., et Antonium Bremondium in bullario ordinis Praedicatorum notis illustrato.

Haec et alia etiam tristia, saeculis inde tenebris ignorantiae involutis, armis potius quam pietati incumbentibus, nova haec ecclesia pertulit damna, neque caput attollere, neque reflorescere potuit nisi sero. Nam ex crebris Arabum incursionibus, dissoluta conjunctione inter utramque imperii romani partem; desiere fontes, e quibus derivata fuerant in occidentales ecclesias flumina eruditionis, et praesertim philosophiae; donec, Longobardis imperio Italiae potitis, splendor fere omnis exolevit. Et quamvis subinde Carolus magnus pristinum ecclesiarum nitorem tum in Italia, tum in Gallia restituere curasset; tamen frequentes Normannorum incursiones, et intestina Carolinorum principum bella incremento ecclesiarum obstitere. Sed saeculum decimum plane funestissimum illico experta est Italia; et ecclesiae nostrae calamitati inferendae plurimum contulerunt literarum defectus, et aegyptiacae papyri jam tunc rariores in Italia, occupata a Saracenis Egypto, et abrupto commercio inter orientem, ac occidentem. Quamplures tamen ad sacras res nostras illustrandas supersunt chartae pergamenae, seu membra-

nae, quae a nobis erunt, quum opus fuerit, proferendae (1).

Sed bonarum artium studiis, quae Silvester secundus Romanus Pontifex, et Otho Imperator tandem excitaverant, obstitisse videntur, saeculis undecimo et duodecimo, barbararum gentium irruptiones, et frequentes in Palestinam expeditiones, quae episcopos, principes, clericos, laicos occuparunt. Non defuit tamen ecclesiae nostrae episcoporum Ca-

(1) Bernardinus Crivellius, non uno nomine optime de civitate, et ecclesia Septempedana meritis, in volumen diligentissime mandavit omnia, quae majori, quaeque minori pollent antiquitate. Licet autem multa in eo sint Romanorum Pontificum, Imperatorum, et Ecclesiae Romanae Legatorum diplomata, et acta; plerumque tamen offendimus donationes, venditionesque, emphyteuses, praestarias, precarias, litiumque contestationes: demum, ut omnia complectar brevi, liber hic oeconomica ecclesiae Septempedanae monumenta continet. Et nisi quamplures vetustae chartae in codice comprehensae fuissent, quae mihi in saeculorum obscuritate quasi facem praetulerunt; profecto nedum plurimarum rerum memoria, sed ne ipsa quidem nonnullorum civium nomina ad nos pervenissent. Quum autem exemplar suo archetypo optime respondere compererim; hinc factum est, ut exemplar ipsum in diplomatibus, et chartis promendis appellarim: ea nempe ratione, ut cuilibet, praesertim e nostratibus, cupienti ea diplomata, aut chartas integras perlegere, quas indicavero tantum, vel mutilas attulero, commodiorem viam aperirem.

merinensium patrociniū ; et quamplures asce-
 teriorum viri res nostras universas non neglexe-
 runt. Ita licet colligere ex tot imperatorum ac
 pontificum diplomatibus hac in opella addu-
 cendis. Et, si diuturna romanorum pontificum
 ab urbe absentia, schismata gravissima, mo-
 lesta principum arma, hostium irruptiones,
 frequentesque civium dissensiones oppidum,
 resque publicas diu multumque perturbarunt;
 magni consilii pontifices, inter graviora reipu-
 blicae negotia, ecclesiae nostrae incolumitati,
 et incremento semper consuluerunt, manda-
 runtque, ut ipsa iis frueretur gratiis omnibus,
 quibus praecipuarum urbium fruebantur eccle-
 siastici viri. Et haec quidem in causa fuerunt,
 ut tandem episcopali dignitate rursus cohone-
 staretur, cathedralem sancto Severino (1) sa-
 cram acciperet, Sixto V. jubente anno 1587,
 et unius Apostolicae Sedis arbitrium immediate
 veneraretur. Sed ubi Firmanam ecclesiam idem
 pontifex in metropolim erexit; Septempeda-
 num praesulem hujus metropolis suffraganeum
 dixit anno 1589 (2).

(1) Ex bullario Xisti V.

(2) Ughellius vol. 2. fol. 763.

Pluribus subinde privilegiis, nec levis momenti, Pontifices episcopos nostros donatos voluere, quibus ipsi ad Septempedanorum studia magis incitarentur, et magis in urbe vigeret eorum majestas. Sed inter antiqua et recentiora tria hic tantum memorare praestat, quae non immerito dixerimus, inter peculiaris privilegia, episcopis ab apostolica sede elargita, esse, recensenda. Nam primo liberum fecerunt (1) civibus, ad sua definienda negotia, quae cum iudice laico etiam in profanis, et inter mere laicos agitari solebant, Episcopum adire, ut ante cathedralitatis honorem in more jam erat inductum. Secundo, a Benedicto XIV. anno 1748. jurisdictio abbatis commendarii sancti Laurentii in doliolo, sancti Eustachii, et Rambonae fuit prorsus extincta (2), uti fusius alio loco innuimus. Hujus ecclesiae splendori augendo studuit in tertio Pius VII, qui anno 1821. templum sancti Augustini aequae et simul cum ecclesia divi Severini ca-

(1) Vide decretum immunitatis 7. septembris 1638., et decretum Signaturae de mense aprilis 1710.

(2) Ex constitutione Benedictina desuper recensita.

thedralem (1) esse decrevit, episcopo Ranghiascio curante. Quare convenit, ut summis pontificibus in tantis rebus, quas recensui, universa Septempedanorum ecclesia agat gratias, cum nihil gloriae desit, nihil desit publicis rebus. Reliquum modo est, ut breviter subdam, quae ad episcopi mensam, ita dictam, pertinere dignoscuntur.

Ubi primum sancti Severini ecclesia in cathedralem fuit rursus erecta, et datus civitati peculiaris Episcopus; pro illius mensa a Septempedanis super publicis molendinis prope Potentiae flumen scutata mille fuerunt constituta, et Praetoris palatium pro Episcopi statione. Memorant hanc rem literae cardinalium Azzolinii, et Aragoniae datae anno 1586. ad Franciscum Cantuccium (2) Episcopum Lauretanum, eamque confirmant tabulae (3) eodem anno obsignatae. Haec mensa ita se habuit, quoad Episcopus Forlanus tenuit ecclesiae clavum. Ut vero in antistitis Prosperi commo-

(1) Die 22. maii sub annulo Piscatoris.

(2) Diebus 27. octobris, et 29. ejusdem mensis.

(3) Die 7. novembris 1586. per acta Vidonis de Capessimis.

dum cessere nonnulla bona abrogati sodaliti
 sancti Antonii abbatis de *Cesalunga*; episcopo-
 rum census locupletior esse caepit. Dein men-
 sae quasi praefecturam suscepit anno 1802.
 Petrus Jacobus Scina-Gentilius, qui curas per-
 petuas in eam impendit, suae aedis parte (1)
 scripto legata. Quod sane commendatum volui
 posteritati, dum primaevae episcopales aedes,
 ac tribunal in montis nigri vertice a frequen-
 tioris populi domiciliis satis erant dissitae,
 Sed alia longior jurium accessio, episcopi Ran-
 ghiascii cura, huic mensae obvenit. Is enim ad
 illius profectum, quantum ei permittebatur,
 omne quidem conficiendum putavit. Quare, ubi
 Septempedanae universitatis jura pontificio ae-
 rario adtributa fuerunt; effecit, ut ab eodem
 aerario episcopali mensae scutata mille desuper
 recensita libera traderentur. Cum alia deinde
 bona in cathedrae dominatum essent reversa;
 eadem in meliora reduxit, donec Leo XII: hu-
 jus antistitis mensam ditiori censu exornavit.
 Hinc Septempedanorum erit in ejusmodi bene-
 ficii contemplatione semper immorari, seque
 et pontificis, et episcopi memores ostendere.

(1) Ex regibus Joannis Antonii Gentilii sub die 3. maii.

III.

De Dioecesi Septempedana

Romani in provincias redigere regiones consueverant, quas, aut jure belli, aut alia quacumque ratione, subegerant; et eas, vi superatas, contineri in officio sine armis non posse cognoverant. Quare exercitus in provinciis locabant, ad eas Praesides cum imperio (1) mittebant, et, praeter hos, Procuratores, qui (2) equites habent; aut liberti, quique id maxime curabant, ut provinciarum incolae (3) secum sacrorum similitudine convenirent. Ne quae etiam turbae, et dissensiones, aut de doctrina, aut de rebus caeteris, orirentur; ab Apostolis, eorumque successoribus constituendi omnino fuerunt, qui rem christianorum publicam administrarent. Itaque majores nostri, et recte et sapienter episcopos in dioecesi fuisse (4) po-

(1) Svetonius in vit. C. Caesaris cap. 25.

(2) Dio Cassius lib. 53. c. 57. — Tacitus lib. 12. cap. 32.

(3) Strabo lib. 4. geograph.

(4) Acta Ap. cap. 20. — Ep. ad Ephesios cap. 4.

pulo christiano datos, dixerunt, qui doctrina, redargutione, ac poena homines suae fidei creditos in officio continerent. Fuisse in prisca Septempedanorum ecclesia episcopum, qui potestatem ejus pascendae, gubernandaeque obtineret, nihil est causae, cur esse iterum ostendendum putem. Quare instituti ratio nunc postulat, ut de antiqua, et nova Dioecesi disseram.

Priscis illis temporibus, in quibus nondum Constantinus exilem diu pacem veluti postliminio revocaverat, omnibus est persuasum, cujuscumque episcopatus initio eisdem fuisse tum sacri, tum civilis (1) imperii fines; ita ut, quo territorium, eo etiam dioecesis, quo urbanorum magistratum, eo quoque episcopi auctoritas protenderetur. Ex quo vero ex alpi-
bus ipse descendit, et Maxentium ad Tyberim urbe egressum memorabili praelio debellavit; dici vix potest, quanta hinc christianae fidei accessio, ac propagatio facta sit, et quantum decus episcopis redundaverit ex innume-

(1) Muratorius dissert. 74. — Massaeus Ver. illustr. lib. 6.

ris ipsius ad eorum dioeceses spectantibus placitis. Dum ita ad amplissimam gloriam ecclesia perveniebat, licet a Donatistis vexata, et ab Arianis petita; dum Constantius diende, mox Valentinianus, dato ad Mamertinum rescripto, eos revocabat, quos Julianus a docendi munere (1) christianos arcuerat; quoniam sacrae et civilis Septempedanorum jurisdictionis esset porrectio, frustra in tot, tantisque rerum vicissitudinibus; tam imperio, quam ecclesiae modo adversis, modo secundis, quis quaereret.

Ubi vero Honorius tributam ab Apostolo judicandi, etiam inter laicos, episcopis potestatem, nescio quo pacto interceptam, sanctione (2) edita restituit; et ubi episcopis praecipue licuit (3) Praesidum sententias irritas facere; quisque, ni fallor, videt, in Septempedanorum municipio, ejusmodi magistratu jam fulgente, sacrum antistitem necessario fuisse invectum, et ejus dioecesim nisi adauctam;

(1) Leg. 6. de med. et profess.

(2) Lib. 7. de episc. aud.

(3) Lib. 16. de poen. C. Th. et lib. 16. de Ep. aud. C. Iust.

novo equidem splendore affectam. Sed ex quo Radagasius barbarico plane impetu ad urbis excidium inconsulto properavit, et Attila Picenum ferro, et flamma vastavit, Vandalis etiam Italiam populantibus; nemo prudens inficiabitur, ecclesias passim gravia multa tulisse, et dioecesim nostram Camerino, Tolentino, Urbi-salviae, Cingulo, Mathilicae, et agro Trejensi (1) conterminam, ac secus consularem viam jacentem, misserrime attritam fuisse. Ita pene exanimati viderunt Itali Ostrogothos sub Vindemiro regiones istas invadentes; viderunt hinc Herulos, duce Odoacre, in eas immissos, et pacto nunquam satis deplorando a rege isto barbaro romanum imperium extinctum.

Dum hoc casu Italia in primis concutiebatur, Justinianus, aequam belli causam ex Gothorum immanitate abunde sibi suppetere, animadvertens, invadendae Italiae consilium volebat, quod postea pro armorum diuturnitate eventus docuit exitiale: nam cladis, flammae, famis, pestisque incommoda infelix subire coacta est. Tum episcopales sedes plerumque vi-

(1) Turchius Cam. sacr.

duatae pastoribus, tum civitates eversae, tum mira dioeceseos finium confusio, et praecipua finitimorum antistitum in derelictas ecclesias sollicitudo, viris passim eremum petentibus. Hinc nil mirum, si Septempedanus episcopus semel, et iterum suos ultra limites excurreret, et si tum Severinus, qui nondum infula nostra erat redimitus, cum fratre suo Victorino in montium recessibus solitariam degeret vitam. Scimus revera, abrupta Prolacis loca, a nobis haud longe dissita, Victorinum fuisse ingressum, atque ad ea *suum Pontificem* deduxisse Severinum, ut de satis diuturna post lapsum poenitentia Victorinum exsolveret. Haec eorum acta saeculo septimo forsitan exarata, et (1) ab Adone conquisita, testantur; haec veneranda traditio ab antiquissimis temporibus (2) inducta confirmat. Et si ab anno 504 ad annum 649 vastus patet hiatus in Camertum episcoporum successione; quisque facile dicet (3), antisti-

(1) Bulland. act. ss. mm. jan. tom. 1. — Baronius in not. ad marty. ad diem 8. junii. — Cancellottus in vita sancti Severini lib. 2.

(2) Turchius loco cit. fol. 91. — Lilius lib. 3.

(3) Muratorius loco cit.

tem nostrum charitate motum saepe saepius petiisse Prolaqueum, quod militaris statio tum erat, quodque eo tractu viae Flaminiae jacebat, qua ab urbe per municipium Septempdanum Anconam (1) progrediebantur romani. Sed quorsum plura? Ubi enim Severinus fuit episcopus conclamatus, anni snbierunt nostris funestiores. Nova barbarorum irruptione post ejus mortem sequuta, bellum adeo recrudit, ut funeribus civitas exhausta omnes eversas viderit aedes, et, vastato a barbaris agro, pristinum dioecesis splendorem undique amiserit.

Dum ita res nostrae se habebant, Longobardi haud multo post Italiam miseranda clade affecerunt. Ii ex more non tam fluminibus, quam agris, et provinciis nova etiam nomina imponentes, finesque immutantes, derelictae dioecesi nostrae dederunt extrema. Sed, Pelagio pontifice vita functo, in ejus locum suffectus fuit Gregorius, qui ecclesias episcopis destitutas, et earum dioeceses finitimis praesulibus adungere non solum omni ope conatus est,

(1) Vide itinerarium Antonini, et Bergerium de pub. et milit. imp. rom. viis apud Grevium vol. 10.

quod et de Septempedana perfecit, sed etiam de monastica disciplina restituenda sollicitus vixit. Quare dum Sigebertus (1), dum Bamba, dum Rachis, recenti forsitan Carolomani exemplo commotus, et dum Lotharius ipse, aliique rerum humanarum pertaesi, se abdicabant imperio, monasticae disciplinae addicentes, sese clariores spreto regno quam gesto: Septempeda ex Gothorum excidio rediviva antiquatos inter dioecesis limites templa a fundamentis undique extructa, et adjuncta coenobia miro sumptu excitata, collatis censibus praediisque, videbat, uti suo loco innuemus.

Ita pristino propemodum nitore dioecesis esset restituta, nisi mos tota in Italia deinceps invaluisse, ut non solum praedia, ut olim apud Romanos, sed villae quoque, castella, et oppida (2) in beneficium privatis tribuerentur. Sed ubi tandem urbes caput erexere, magnopere laborandum fuit, ut distracta territorii membra ipsae componerent, et amissa recuperarent. Postquam vero fuit inducta in omnibus fere civitatibus, et oppidis reipublicae forma,

(1) Sigebertus chron.

(2) Muratorius dissert. 47.

ac comites pagenses ita dicti caeterique nobiles viri, qui castra, qui arces, qui turres suis in fundis extruxerant, vel antiquitus extructa occupaverant, in urbem migrare, et in civium numero haberi caeperunt: aut facta est aequis conditionibus castrorum, et arcium deditio, aut armis victi fuere, qui obstinatius repugnauerant. Ita exemplo aliarum civitatum (1), atque oppidorum paulatim res etiam nostra restituta fuit, ita auctus Septempedae incolarum numerus, ita auctae aerarii vires, ita oppidum quam maxime florere visum est. Nam, quamvis Italiam hinc Manfredus, hinc saevissimus Ezelinus pro libidine infestam haberent; et Piceni urbes pene omnes ab Manfredi tyrannide minime essent immunes, ac Guelforum, Gibellinorumque factionibus mirum in modum destruerentur; tamen Septempedani miserrime conflictati A. C. eodem anno 1257 agrum suum, suaeque jura 1257 emptione castri Aliphurni ampliarent, in quo Guillelmus episcopus Camerinensis temporale jamjam moriturum imperium exercebat (2).

(1) Idem ibidem.

(2) Guillelmus I. Episcopus Camerinensis die 17. januarii 1257. vendidit Septempedanis castrum Aliphurni cum ejus

Sed jam successione temporum infensissima eo Italia devenerat, ut eam vehementius A. C. tentassent laedere homines perditissimi. Quare 1294 Martinus IV., qui apud Faliscos diverterat, Matthaeum Ursinum Romam legaverat, ut res inibi componeret, et Joannem belli ducem ab incendiis ac rapinis, si fas, abduceret: nam civitatum quoque pars maxima Romanae sese Ecclesiae imperio exemerat. Interim Rodolphus Augustus suum apud Italiam cancellarium dicit Lavaniae comitem e Fliscorum gente, qui pe-

agro pretio 600. libr. Rav. et Ané. juxta Turchium loco citato. De hujus castrî nomine aliquam conjecturam facere licet ex inscriptione inibi elapsis annis effossa. In ea *L. Calpurnius R. Macedo Bineta Maximus* legitur. Vidi eam in aedibus praepositi ejusdem castrî, et vehementer indolui, disjectam fuisse, atque divulsam injuria temporum, et hominum barbarorum despectu. Nam quid sibi velint reliquae vix pauculae literae, nemo, opinor, certo dixerit, nisi quis putet eas ad posteriorem Calpurnii aetatem referre. Pene nitida est forma, quae in relatis verbis apparet, neque est, ni fallor, cur summa reliquis tribuatur antiquitas. Haud procul a caastro erat vetustissimum templum, cui novi operis ecclesia imposita est. Illud XLII. pedes in longum obtinebat, in latum XXIX. totum ex lapidibus perpolitis, et inter se mire cohaerentibus compositum. Erat in illud aditus ex meridionali latere, et fenestella patebat: lumine in templum inclinato.

cuniae conficiendae gratia urbibus venalem proponebat libertatem. Hisce exemplis Itali permoti civitates, et oppida adversus comites pagenses sollicitare instituerunt, ut sese in jus quacumque demum ratione vindicarent. Itaque tanta erat inter nos castrî illiciti incolarum hoc tempore petulantia, ut se suosque, non liberorum hominum, sed mancipiorum loco, a monachis Vallifucinae haberi ipsi rati (nam facultate etiam standi in judiciis pro se et aliis, testamentum faciendi, contractus ineundi minime fruebantur) permoverunt oppidanos nostros, ut sequestres *manumissionis* sese interponerent, dum jactura etiam bonorum optabilior erat in castro, modo eorum dominatus cessaret. Servile enim hoc jugum ipsi diutius perpassi cum fuissent, ac a Cingulanis auxilium incassum postulassent; quamplures e castro jam recesserant, dum alii a nostris subsidia cum ipsius castrî emptione quaerebant.

Consiliorum principes (1) erant Crescionius Gotius, et Ugolinutius Ugolinus de Accorambonis ejusdem castrî. Ii cum ad Vivian-

(1) Ex rogibus Nutii Armani 1298. die 17. junii.

A. C. num Alliatum civem nostrum cum mandatis 1298 anno 1298 commeassent (1); haud aegre eum impulere ad monacho se castro deturbandos. Et Vivianus quidem pecuniam abunde promiserat nunciis ad ipsorum libertatem parandam, eamque in rem haud contemnendam aureorum vim (2) ab oppidanis nostris impetravit. Rebus hac ratione transactis, Vivianus rem aperuit Manfredo abbati Vallisfucinae, et de ea venditione perficienda astu miro disseruit. Quare ipso anno 1298 abbas castro libertatem (3) asseruit; et nobilis vir Alebrandutius domini Barthuli c. Truscia (4) coenobitarum curator cum jurisdictione civili et criminali, cum im-

(1) Die 23. junii.

(2) Ex actis Nutii Armanni 1298. die 23. junii.

(3) Die 24. junii ann. 1298. *Monachi Vallisfucinae constituerunt Fr. Jacobum magistri Damiani nuncium ad manumissionem Ilcitanorum pro pretio 2750. libr. Rav. et Ancon. — ex tabulario capitulari.*

(4) *Actum in ecclesia s. Blasii de Fontecupa districtus Sanctiseverini, praesentibus nob. viro Branca de Bietonio potestate, domino Andrea de Bietonio iudice . . . domino Francisco de Mathilica legum doctore, Philipputio domini Gentilis, Francutio domini Barthuli, Centio domini Franchi de Truxia . . . domino Joanne domini Gualterii. Ex rogitiis Nutii Armanni 1298. die 25. junii.*

*perio, et omni potestate illud Septempedanis his vendidit pactis. Mille nongentas quinquaginta libras ravennae et anconae cives nostri penderent: monachos, anathematis decreto inducto, in gratiam reciperent, imo liberam eis facultatem in agros relinquerent: eisdem essent auctores, ut juri in Castro Gastaldium retinendi abbas non cederet: sacramentum darent monasterii jura ex Cingulanorum conviciis tutandi: ea omnia, aliaque nisi ex composito praestarent, pecuniarias in poenas iruerent: aliter ea cives, quae, Alebrandutio inconsulto, tractata fuissent, abrogassent, atque irrita esse jussissent. Dum ita Septempedanorum res Vivianus augebat, ejus imperii firmiora veluti fundamenta primus jaciebat, a quo deinceps nostrarum gentium decuriones in *credentiae consilium* cooptati traherent nomen Baronum Ilciti (1).*

Haec inter Bonifacius VIII. proficuum christianae reipublicae putans, se pontifice, ea perfici, quae frustra toties in Saracenos tentata fuerant; ad sacram Urbem expeditionem excitare conatu maximo instituebat. Quare ad belli

(1) Gentilius dissert. Septemp. pag. 68.

sumptus decumationem sacerdotiorum clero imperabat, a fidelibus reliquis subsidia postulabat. Dum igitur pecuniam ita coactam cives nostri haud intercipiebant; imo, gliscentibus in dies magis apud Italos dissidiis, Caroli regis filium Robertum Calabriae ducem ex conducto auspicis infensis evocatum videbant: in hac maxima rerum vastitate, aurique conquisitione ali-

A. C. quid memoratu dignum a Septempedanis fuit
1305 peractum. Nam eos anno 1305 antiquam dioecesim non modice amplificasse, manifesta probatione intelligimus.

Scimus, a saeculo decimo ad decimum tertium, homines Vallis sancti Clementis, genere et armis perinsignes, passim in ipsa valle castra aedificasse; indeque principatum habuisse. Praecipuas inter familias (1) puto has recensendas: Bernabei de Precicle, Boni comitis de Fajetis, Conradi de Accola, Defensoris de Civitella, Attonis de insula Orgalis, omnium militum dominorum Casavollae, Andreae Ugolinii de Montecle domini antiqui castri Pyri, et

(1) Consule chartam chorograph. vallis s. Clementis apud Turchium fol. 39.

Gentilis, aliorumque de Rovellono. Fides, quam modo erga romanos pontifices, modo erga imperatores, multis in rebus tota vallis exhibuerat, tandem illius vallis dynastis funestissima cecidit: nam eos aut imperio exactos, aut rebus haud secundis addictos finitimae urbes deleverunt. Quare oppidani nostri, anno desuper relato, ad nobilissimam Rovellonam gentem legatos miserunt, qui conceptis verbis civium mentem de castris Frontalis, et Insulae sancti Clementis acquirendis, ejus imperio adhuc mancipatis, testatam facerent. Et, ut subsequaturae posteritati viveret memoria sempiterna; omne, quod possent, Rovellonis ex animo legati ipsi exhiberent, eosque mutuo, ac perpetuo societatis vinculo devincirent. Re ita composita, Septempedanis castra (1) *cum hominibus et Vassallis et cum omni jurisdictione* ipsi vendiderunt, civitate (2) no-

(1) Ex actis Warnerii Aquilonii ann. 1305. — Gentilius loco cit. — Turchius ibidem.

(2) In albo parochianorum ecclesiae majoris s. Severini exarato anno 1328. ita legitur „*Filii Tomaxii de Rovellono — Gentilutius de Rovellono — Nicolutius de Rovellono* „.

stra donati. Imo eos in consilium venire, sententiam dicere, magistratum gerere, et in perpetuum eodem esse jure, quo cives, et nobiles sunt, senatus, populusque sancivit, novamque ditionem istam sub praecipuo magistratus dominatu futuram esse censuit.

- A. C. Henricus Caesar in Italiam properans obvios
 1310 ubique habebat Gibellinos. Proinde Clemens pontifex Ecclesiae praefecturam Roberto regi antea demandatam confirmavit, et hujus se fidei Piceni quoque urbes Guelfarum partium crediderunt, mutuoque sese foedere armarunt. Sed, Henrico vix mortuo, pars Romani Imperii Electorum Ludovicum Bavarum, pars Fridericum Austriacum Caesarem dixerunt. Hinc apud Italos solemniores inter Guelfos, et Gibellinos turbae viguerunt. Horum praecipuus ductor erat Uguccio Fagiola, qui Pisis imperitabat:
- A. C. illos Robertus rex tutandos susceperat, et Mat-
 1328 thaeus Vicecomes imperialis per Italiam Vicarius a Bavaro constituebatur. Dum ita res etiam nostrae miserrime turbabantur; Smedutius Bavaro alioquin addictissimus ad patriae tyrannidem vocatus, suam protendere jurisdictionem
 1352 flagrabat. Quare anno 1352 munitissimam Montis Acuti arcem ipse emit. Quod vero auri

pondus pro ea Lippus e comite (1) a Smedutio habuisset, quidve cum eo ipse hac venditione statuisset, non satis constat. Ex iis tamen, quae postea sequuta sunt, conjicere haud aegre possumus, illud arcis imperium suis cum juribus a Smedutiis receptum in dioecesis nostrae utilitatem cessisse.

Quamplures hoc tempore Italiae dynastae A. C. Joannis Vicecomitis antistitis mediolanensis, 1354 quem suo loco diximus foedus cum Smedutio percussisse, potentiam plus aequo auctam jure sibi metuentes, mutuis sese vinculis obstrinxerunt. Sed neque se tutos satis arbitantes Carolum Caesarem in Italiam evocarunt, donec A. C. tandem, mortuo Joanne, pax fuit composita. 1367 Tum Urbanus V. Avenione solvens Massiliam fuit delatus, Genuam perrexit, Viterbii substitit, ubi, exacto nondum mense, diem obiit extremum Ægydus Carilla Albernotius Cardinalis, qui iter Smedutio ac civibus nostris, ut jurisdictionis proferrent limites, aperuerat. Ast longioris apud Italos morae pontifex pertaes A. C. sus Avenionem paulo post reversus fuit, rela- 1370

(1) Ex lib. Brev. servat. in tabul. pub.

tae in Italiam Romanae Sedis decus alteri relinquens.

Florentini haec inter, supplicio de Praten-
sibus sumpto, quod occulta colloquia cum apo-
stolico Legato habuisse, et defectionis agitas-
se consilia dicerentur; anathemati ab eodem Le-
gato subjecti sunt. Quamobrem mirum in mo-
dum exacerbati memorabile facinus edidere,
populos ad defectionem a pontifice invitantes.
Mox omnem lapidem ipsi moverunt, ut Bar-
tholomaeus Smedutius supremus cohortium dux
crearetur, plebiscitis plurimis in Romanam
Ecclesiam etiam inter nos sancitis, ecclesiarum-
que redditibus fisco addictis. Huiusmodi tamen
facinora excusare apud Pontificem Septempeda-
ni non erubuerunt, legatis ad eum missis;
et Bartholomaeus tandem in Ecclesiae fidem
receptus dioecesim nostram exemplificavit (1)
A. C. Carpignani castri accessione. Multa hinc inde
1390 verba data, multae significationes mutuae ca-
ritatis; donec Bonifacius IX. Ladislaum regem
omni ope tueri instituit, et pro imperio eidem
asserendo Aucutus, Albericus, et Buldrianus
summi duces evocati sunt. Horum ultimus Pa-

(1) Turchius loco cit.

nicali, agri Perusini oppidi non longe a Thrasymeno dissiti, patre agricola natus, ea tum manebat apud exteros fama, et apud suos gratia, benevolentiaque, ut, quidquid tentandum gerendumque esset, felici ut plurimum eventu ei accidisset. Huic non sine maxima patriae dominationis jactura castrum Ficani (1) Bartholomaeus vendiderat, quod postea in Smedutiorum rediit imperium.

Sed populorum in Marchia Anconitana jam voces passim audiebantur Andreae Thomacellii dominatum aversantes; et, pace hoc tempore inter Italiae principes, atque respublicas com- A. C.
posita, qui pro iis milites, ac duces stipendia 1393
fecerant, dimissi coiere simul, raptoque vivere cum decrevissent, Etruriam, Æmiliam, atque Picenum habebant infestum. Horum praecipuus dux Biordus Michelottus Perusinus (quem Bonifacius, ut demereret, et a praedandi licentia deterreret, Perusiae, Tuderti, atque Urbisveteris pro Romana Ecclesia vicarium jam constituerat) favore Picentum dynastarum fere omnium elatus, haud ultra cunctandum ratus, Pontificis fratrem Picent recto-

(1) Idem ibidem pag. 38.

rem bello petere instituit. Itaque oppida (1) complura, ipsumque rectorem interceptit, et dynastarum conventum ad certam diem indixit. Convenere Anconitani, Firmani, Asculani, Gentiles e Camerino et Rodulphus filius, Vido e Chiavellis e Fabriano et Clavellus filius, Sciarra et nepotes de Simonettis ab Aesio, Vido et fratres e Mathilica, Benutinus Cima e Cingulo et Joannes filius, aequae ac (2) Honuphrius, Robertus, et Antonius Honuphrii Smedutii. Nec mora, mutuum foedus fuit percussus; Biordus Ecclesiae injuria dux supremus renunciatus, novaque ad eum post annum confirmandum comitia indicta.

Ast si Smedutiorum gentes ita in dioecesis nostram tyrannidem exercebant, jura quod A. C. modocumque asserentes; jam inter pontificios
 1416 duces erat Brachius, cujus ope Etruriae, Umbriae, et Piceni urbes in fidem reversae permanebant, Ladislao rege frustra obnitente. Et quamvis deinde Martinus V. Ecclesiae dominatus cladem summa quidem diligentia avert-

(1) Ciaconius in Bonifacium.

(2) Ex tabulario capitulari in libro inscript — Honores. —

ret; ubi tamen Gabriel Condulmerius pontificatu inauguratus est, et Eugenius IV. appellari voluit; Philippus Vicecomes, Italiae res A. C. iterum adortus est, Nicolao in primis Fortebrachio a Pontifice abstracto, et Francisco Sfortia in Picenum immisso. Utrique duci prona omnia fuere, certatim urbibus ab Eugenio rebellantibus. Quae rixae, quae caedes apud nostros tum recrduissent, ingratum esset referre. Satis sit dicere, cives ad pontificem supplices accitos, pauca sua de fortuna disseruisse: patria quandoque pulsos diu in aerumnis vitam egisse: licet a Smedutiis, ac Sfortianis deceptos in fidem semper rediisse: quamdiu in pontificum fuissent potestate, se nihil contra molitos, eosdem se belli socios, eosdem amicos, aut hostes habuisse, quos pontifices jussissent: quae quanto majora essent, tanto se acerbius indoluisse, quod divinae in eos imprecationes essent publicatae, et cives congressu hominum, ac sermone prohibiti: sub pontificum imperio natos, sub eodem adolevisse. Haec cum nostri perorassent, pontifex humanissime illos com- A. C. plexus est, honoribus cumulavit, et castrum (1) 1444

(1) Turchius loco cit. pag. 38.

Ficani eis dono addixit, quod in Ecclesiae jus obvenerat, ex quo Martinus V. Smedutios deturbaverat.

Ita civili pervetustae dioecesis comitatu in civium imperium reverso, imo mirifice adaucto (nam dioeceses siquidem antiquissimae, priusquam a barbaris essent eversae, erant angustiores, neque idcirco Septempedanus episcopus per loca tam remota poterat suum proferre dominatum) nil mirum, si in cathedrae instauratione nova Dioecesis nostra in temporali civium jurisdictione universa fuerit constituta, et si modo ipsa priscos ultra limites percurrat juxta dioeceses, quas conterminas habet Fabriani, Camerini, Trejæ, Cinguli, Maceratae, et Tolentini Caetera adnotaturi sumus in capitibus subsequen- (1).

(1) In dioecesi sexdecim millia capita numerantur. Castra unum supra decem, pagos sexdecim complectitur. In eorum unoquoque agro alia extant infirmiora loca, sed singula singulis parochiis ferme ditata, peculiari alicubi frumentario monte in pauperum subsidium erecto, et jurisdictionali mixtura, quae ab antiquissimis inter animarum curatores invaluerat temporibus, ab episcopo Ranghiascio abrogata. — Consule librum visitationis ann. 1824.

IV.

*De Canonicoꝝ collegio , et
Templo maximo.*

De christianae religionis initiis , de cathedra episcopali , deque dioecesi satis est disputatum. Sequitur , ut doceam , quae origo , quaeque priscis ecclesiae saeculis clericorum in communi vitam agentium , et Canonicoꝝ deinceps , ac templi principis ratio fuerit. Sed , ut mihi viam parem ad hasce res omnes explicandas , injucundum forsitan non erit , nonnulla tota in oratione proferre ex civili , et ecclesiastica historia petita , et ea rebus cum nostris devincire. Quod si hoc genus observantiae meae in universum canonicoꝝ ordinem laeto animo exceptum ab eis esse cognovero ; arbitrabor , et laborum fructum me tulisse , et eorum nomen , quod caput praefert , mihi , capitique ipsi decori , et ornamento futurum.

Postquam accurata sacrorum administratio instituta fuit , et proscriptorum bona (1)

(1) Eusebius lib. 2. cap. 19. lib. 10. cap. 1. et 7.

consanguineis, aut ecclesiis adjudicata; illud in more positum est, ut episcopus (1) cum ecclesiae suae clericis vitam ageret. Eusebius episcopus Vercellensis, qui saeculo quarto floruit, clericos *secum intra unius septum habitaculo congregavit* (2). Sed, dum ita prima veluti fundamenta instituti tam sancti Eusebius in Italia jaciebat, ex quo forsán Augustinus regularis vitae (3) exemplum duxit; Valens Gothico bello perfunctus diram in catholicos antistites paulo post persecutionem excitabat, clericis monachisque ad (4) militiam vocatis. Hinc normam ab Eusebio institutam passim interceptam vidit Italia; et Ambrosius proxime moriturus miserandum Ecclesiae excidium comprobavit. Nam Alaricus urbem obsidet: Attila sponte ex

(1) Muratorius dissert. 62.

(2) Muratorius Vol. 4. anec. latin. — In sermonibus 7. et 9. de sancto Eusebio, auctore forsán divo Maximo episcopo taurinense — *Ut universo clero suo spiritualium institutionum speculum caeleste praeberet; omnes clericos secum intra unius septum habitaculo congregavit, ut, quorum erat unum, atque indivisum in religione propositum, fieret vita, victusque communis, quatenus in illa sanctissima societate vivendo invicem sibi essent conversationis suae iudices, et custodes.*

(3) Muratorius dissert. cit.

(4) Lib. 63. de decur. C. Th. et C. Just. lib. 26.

oriente procedens copias in Italiam convertit : Gensericus romana praeda onustus repetit Africam : et a medio saeculo quinto desiit , in Piceno praesertim , Eusebii institutum , illudque invectum , ut episcopus , et clerici Ecclesiae reditus inter se partirentur. In quem vero deterrimum statum ex haeresum propagatione , saeculi sexti initio , hujus provinciae Ecclesiae essent prolapsae ; nulli incomptae esse possunt Romanorum Pontificum literae dolentissimae. Neque eximendam esse puto Septempe-danam. Ex actis enim sancti Severini a Bullandianis (1) vulgatis intelligo , qua illius clerici in communi vitam agentes socordia , ne quid dicam inclementius , laborarent , quosque tamen vir ille sanctissimus *ad integritatem reduxit*. Patet igitur , saeculo sexto , ni prius , hujusmodi clericorum collegia apud nostros viguisse. Neque putandum , a Gothis in Piceni civitatibus omnia ita eversa fuisse , ut urbes , ecclesiae , et clericorum collegia deserta deberent in suis jacere ruderibus , nec denuo , si non ibi , alibi saltem caput attollere. Certe ecclesia Septem-

(1) Bullan. act. sanctorum.

pedana, in quam ea maxime procella saevierat, in vertice Montis Nigri tantisper caepit assurgere. Quo tamen aevo ante diploma Ugonis episcopi Camerinensis, infra recensendum, canonicorum ordo esset ibi constitutus, non patet. Monumenta enim, et tabulae hujus ecclesiae ad majorem antiquitatem non assurgunt.

Sed ubi Ludovicus Pius paternam, avitamque in Romanam Ecclesiam donationem sancivit, ac synodi Aquisgranae patrum, aulaeque procerum manu subscriptum diploma Paschali Pontifici transmisit; jam ita laetiores dies Septempedanis obvenerant, ut oppidum ipsum habitatoribus auctum, et, novis aedificiis ad populi multitudinem excipiendam extra pomerium ad montis radices excitatis, non modice extitisset amplificatum. Minime igitur civium reprehensionem incurram, si non ante saeculum nonum penes oppidum jam satis illustre originem canonicorum ecclesiae Septempedanae repetendam teneam. Et quidem norunt eruditi, per ea tempora tum Romanos Pontifices, tum Imperatores ipsos pro virili incubuisse in id, ut clericorum institutum, longo veluti postliminio, ex barbarorum immanitate revocarent. Idem Ludovicus, ut de Caroli ma-

gni hac in re pietate sileamus, auctor fuit A. C. patribus Concilii Aquisgranensis anno 816, ut 816 in Gallia, Italiaque (1) id perficerent; et an- A. C. no 819 rescripit - *de locis dandis ad clau-* 819 *stra canonicorum facienda, si terra de ejusdem (2) ecclesiae rebus fuerit, reddatur; si de alterius ecclesia, vel liberorum hominum, commutetur; si autem de fisco nostro fuerit, nostra liberalitate concedatur.* - Hinc non modo apud cathedrales, sed apud alias etiam ecclesias, imo et apud suburbanas passim in Italia erecta fuisse clericorum collegia nemo quidem ignorat, episcopis certatim praedia, decimasque tradentibus (3).

Commendatissimum ejusmodi institutum tota in Italia saeculo decimo, et undecimo

(1) Balutius. *Operae pretium duxere patres Concilii Aquisgranensis regulam canonicorum, et canonicarum congerere, et canonicis, vel sanctimonialibus servandam contradere, ut per eam canonicus ordo absque ambiguitate posset servari.*

(2) Muratorius dissert. 62.

(3) Ughellius in charta Adelberti episcopi Bergomensis. Clericorum collegiis episcopi praedia, et decimas tradebant, ut cum officium ipsi compleverint, opportune ad reficiendum cibum, et potum acciperent, et in nocturnis horis, ibidem dormiendo, nocturnis officiis facilius occurrerent.

A. C. summopere quoque floruisse, causae quidem
 962 sunt ut credamus. Nam Otho magnus Romam
 profectus, Pipini, Caroli, ac Ludovici dona-
 tiones ratas habebat, et per Italiam semel et
 iterum discurrens ecclesias mirum in modum
 ditabat. Otho II. e Graecorum manibus elapsus
 regiam gazam in ecclesias dividendam legabat.

A. C. Rebus ex animi sententia in urbe pacatis; Otho
 1000 III. Augustus a Gregorio appellabatur. Erectis
 ubique templis, indictam a Romualdo pere-
 grinationem (1) ad Garganum montem ipse
 pedes instituebat. Tandem Henricus II. cum
 Cunegunda conjuge Augusti nomine Romae a
 Benedicto decoratus in Pontificem liberalis erat,
 et universas pene totius Italiae ecclesias muni-

A. C. ficientiae suae participes declarabat. Adde, quod
 1006 circa annum 1006 fixerat Romualdus in Valle
 Castri primam stationem, ut docti (2) Camal-
 dulenses conjiciunt; et jam in dioecesi Came-
 rinensi laboraverat (3) *vir sanctus circa plu-
 res canonicos; et clericos communiter in
 congregatione viventes. Nunc optimus quisque*

(1) Surius 19. Jun.

(2) Ann. tom. 1. lib. 7. num. 45.

(3) Acta s. Rom. cap. 35.

sibi facile persuadet, Romualdum et fines nostros hac de re ingressum fuisse. Dum haec nos proferimus argumenta ad veritatem assequendam probabiliter opportuna; dubium non est, quin sanctus Petrus Damianus, qui ex hominum frequentia ad solitudinem avolabat, seque desertis locis abdebat, in specubus, aut cellulis perangustis delitescens, in canonicos nostros sollicitudinem omnem suo ex more defleceret. De acerba enim illa poenitentium vita, qua graviorum criminum rei exercebantur viri, auctor ipse erat inter nos *in illa eremo*, A. C. *quam, auctore Deo, in latere Suavicini mon-* 1049 *tis construxit; uti est legere in opusculo decimoquinto ejusdem Damiani, et in ejus vita a Joanne Laudense conscripta; utque fusius erit sermo in secunda hujus operis parte.*

Haec inter pravis domesticorum consiliis Henricus IV. depravatus, sacerdotia, ac munera ecclesiastica canonicorum, abbatum, episcoporum pessimo exemplo habuit venalia. Quae semina ingentium certaminum fuere inter Pontificem, Caesaremque. Nam majori avaritia captus, rescissis imperatorum actis, opima coenobiorum, et canonicorum praedia asseclis suis donavit, decumasque a sacerdotibus exegit.

Et si ab Alexandro II. Romam ad causam di-
 A. C. cendam citatus minime resipuit; tamen, sub
 1064 tanta sacrarum rerum eversione, anno 1064
 auspicatius quidem inter nos templum hoc ma-
 ximum, sub Deiparae, ac Severini episcopi tu-
 telari numine, restitui Hugo episcopus Cameri-
 nensis curavit. Ipsi integram adtribuit parae-
 ciam a flumine Potentiae (1) usque ad viam
 collis, et ab hac usque ad rivum, et spine-
 tum cum prohibitione excitandi infra limites
 ecclesiam sine consensu *sacerdotum*, qui erant
 ordinati in ipsa ecclesia sancti Severini. En ita-
 que sacerdotes jam publice divinis officiis addi-
 cti, quibus *omnibus* juxta templum *unum* erat
refectorium (2) ac *dormitorium*, animarum
 curatores constituti; quo munere et nunc fun-
 guntur canonici *veteris capituli* nuncupati.

Dum Henrici majestas ita nefariis flagitiis
 exsolescebat; Robertus Viscardus imperatorii
 officiis jam fungebatur, Normannorum opibus
 mirifice adauctus, et Caesare a Conrado Mathil-
 dis filio Longobardiae regno exuto. Haec res

(1) Turchius Cam sacr. app. fol. 22.

(2) Ex decreto conc. rom. habiti sub Eugenio II. an.
 826. cap. 7.

non modo Italiae otium, sed etiam Hierosolymae libertatem peperit. Nam Romanus Pontifex Gothophredum e Lotharingia gentem ducem Bullionis, Hugonem magnum Philippi Franci regis fratrem, Robertum Normanniae ducem, Boemundum Tarentinum principem cum Tancredo, et Anselmo Mediolani episcopo, aliisque, ad sacrum bellum statim accendit, et Hierosolyma vi capta est anno post Christum natum A. C. circiter 1100. Dum haec agebantur, Ecclesiae 1100 rebus summa pace fruentibus, canonicis tota in Italia mos jam erat quamplures alendi adolescentulos templis oblatos, qui in sacro ordine, id est canonicali disciplina instituerentur. Quod alicujus conjecturae, nisi certitudinis loco, mihi esse potest, et apud nos, uti infra patebit, ejusmodi vivendi consuetudinem floruisse, eoque magis postquam Henricus V. anathematis ignominia exemptus bona fide cum Callisto II. rediit in gratiam.

Caeterum superbia, et cupido dominandi haud multo post turbavit Ecclesiam. Certatim cives ab Innocentio II. desciscunt, sola sacrorum procuracione Pontifici relicta. Sed eorum vanitas a Conrado III. irrita fuit, legatioque repudiata; et Eugenius III. fatuos eorum spi-

ritus fregit. Vix hoc malo depulso, atrox ex parvis initiis inter Fridericum Aenobarbum, et Pontificem orta est dissensio, ingentium malorum causa, et origo. Innumeris tamen cladibus fra-

- A. C. ctus Fridericus pacem expetere compulsus est,
 1177 quae anno 1177 Venetiis peracta fuit. Ex diplomate vero eodem anno III. nonas decembris (1) *in comitatu Auximano* obsignato patet, Fridericum ab armis, atque in Alexandrum III. Pontificem impressionibus minime abstinuisse. Ipse enim *ecclesiam sancti Severini cum omnibus suis pertinentiis, et nominatim ecclesiam sancti Nicolai in Monte acuto, et priorem Allertum cum omnibus personis inibi Deo famulantibus sub . . . protectionis speciale patrocinium suscepit, statuitque, nec marchio, nec comes, nec consul eandem ecclesiam, vel ejus priorem, aut fratres praesumerent molestare. Iis in literis, etsi canonici nostri fratres appellentur, cave tamen, si me audis, ne de regulari capitulo ibi sermonem haberi suspice-
 ris. Vocem fratres antiqui scriptores saepissi-*

(1) Marangonus in hist. civ. nov. lib. 3.

me usurparunt ad eos sacerdotes (1), clericosve denotandos, qui inter se quadam sacrorum societate eadem in domo, et communi mensa, monachorum usu, tenebantur. Qui vero canonicorum regulam (2) tum profiteri exoptabant, Deo, et Ecclesiae, coenobitarum more, sua mobilia, et immobilia jura offerebant (3).

At si Alexander antequam discederet, Venetis gratiam testatus, singularia jura multa concedebat; quo studio etiam Fridericus tenebatur, ut ecclesiae nostrae omnia feliciter evenirent, ab altero cognoscitur diplomate, quod illorum temporum conditio poscere maxime videbatur. Hoc sane erga canonicos voluntatis locupletissimus esse testis potest. Nam Fridericus *ecclesiae sancti Severini praedium de Cesano* contulit, et mandavit, ne quis ea ex re quidquam capere, habereque apud se auderet, praeter canonicos, quos ipse ejus rei curatores esse jussit. In literis datis apud As-

(1) In quadam bulla Coelestini III. lata anno 1195., et a Muratorio evulgata. — *Petro praeposito ecclesiae s. Georgii de Ganaceto, ejus fratribus canonicis.* —

(2) P. Mattena de antiq. Monac. ritib. lib. 2. cap. 2.

(3) Muratorius dissert. 67.

sisium anno 1177 XIII. kalendas januarii (1) testes sunt adhibiti Conradus Svevus, comes Assisii, Petrinus et Offrodicius consules nostri. Sed earum, quas ad canonicos proximis diebus Fridericus dederat literas, quibus certiores eos faciebat, se causas eorum omnes diligenter fovere; statim syngrapham Alexandro capitulum misit, atque ab eo postulavit, statueret, jura esse confirmanda, hominesque ab omni offensionum genere continendos. Ita reapse nos

A. C. Pontificem accepimus gessisse cum diplomate (2)
 1178 lato *Tusculi* anno 1178. XIII. kalendas februarii, nixumque esse, ut nihil eorum, quae ad tuenda jura opportuna fuissent, praetermitteretur. Voluit, ut ecclesiae *s. Venantii*, *s. Abundii cum decimis*, *s. Martini*, *s. Mariae de saxo*, *s. Blasii*, *s. Severini de ponte*, *s. Mariae de castellonovo*, *s. Helenae*, *s. Angeli*, *s. Salvatoris sub monte*, *s. Bartholomaei...* cum juribus suis omnibus *Alberto* priori ejusque *fratribus*, etiam futuris, confirmarentur. Mandavit insuper omnibus ea lege, quae de

(1) Turchius in app. fol. 29.

(2) Idem ibidem fol. 30.

majestate est, ne illis ulla in re offensam praeberent, nec quidquid aggredi, et tentare in agro de *Cesano* auderent, aliudque, quod eis detrimento esse posset.

Dissidentibus a Lucio III. Alexandri successore Romanis, decessorum exemplo ipse discessit, et Veronam se contulit, ubi mortuus A. C. est anno 1185. Ejus in locum suffectus fuit 1185 Urbanus III., qui, nondum sedatis Romae turbis, substitit pariter Veronae, ex qua canonicis ecclesiae nostrae solidavit singularia jura multa de ecclesiis, specialiter *s. Severini de valle Mathilicae*. Quam sententiam suam suis A. C. cum literis datis anno 1186. V. kalendas maii 1186 perhumaniter (1) denunciavit. Mox ad colloquium veniens cum Friderico, multa graviter Pontifex conquestus est. Commotus ad haec imperator cohibuit sese, ut Urbanum pelliceret ad coronam imperii imponendam Henrico filio suo. Ast Urbanus secutus exemplum Alexandri III. id facere constanter recusavit, nisi prius ipse sese imperio abdicaret. Quaecumque

(1) Ex tabulario ecclesiae majoris Sanctiseverini, et ex lib. mss. Bernardini Crivellii, de quo in nota 1. capitis secundi, pag. 183.

tamen ad Gargani prioris, aliorumque in *canonica s. Severini* Deo famulantium incolumitatem pertinebant, in iis capitulo nunquam se

A. C. defuturum testatus fuit idem Henricus cum di-
 1187 plomate lato *apud Fulginium* anno 1187 XVI. kalendas februarii, neque illud laedi a quocquam se passurum, irrogata quamplurium nummorum aureorum, partim fisco, partim ecclesiae inferendorum, mulcta (1).

Interim Clemens III. Summo Sacerdotio praeficitur, tenuitque demum, ut Arnaldistae ad Ecclesiae obsequium redirent. Sed jam Henricus a Pontifice appellatus Augustus Aenobarbo patre truculentior erat. Nam rex Siciliae vix salutatus, repente e rege tyrannus extitit, et ditionem pontificiam pene omnem in suam redegit potestatem. Dum igitur per calumnias, et supplicia omnium bona diripiebantur; Caelestinus III. ad Ecclesiae jura tutanda studium adhibebat. Quod, tametsi existimaret, canonicos nostros per se ipsos satis esse facturos; voluit ea de re (2) literas ad illos dare anno 1197 V.

(1) Ex eodem tabulario, et loco.

(2) Turchius in app. fol. 42.

idus septembris, ut magis etiam de sua voluntate certiores faceret, cum id a Pontifice intellexissent. Quare jussit, ut sic fieret, quemadmodum Garganus prior consulebat, id est, ut capitulo integra servarentur jura, quae Romani Pontifices, Imperatoresque ei adtribui mandaverant etiam super ecclesias *s. Venantii de Cesulo, s. Angeli de Folenano, s. Nicolai de Submonte, s. Bartholomaei de Puliolito, et s. Stephani de Septempeda*. Reliquum diplomatis erat, ut, canonicos sibi esse charissimos, facile quisque putaret.

Anno insequenti plorans, ac renitens consecratur Pontifex Innocentius III., qui, mortuo Henrico, Aemiliam, Umbriam, Picenum ar- A. C.
mis recepit. Ipse anno 1199. VI. idus maii 1199
suis cum literis datis Laterani (1) praecipuo
amore suscepit jura capituli nostri, et magis
magisque sua in illud officia exaugere valde
concupivit. Quibus de rebus omnibus multo
fuit latius in diplomate locutus; eique voluit
singula confirmare ab antecessoribus elargita,
etiam de ecclesiis *s. Luciae de Paterno, et s.*

(1) Ideum ibidem fol. 48.

Mariae de Cerreto cum conditionibus adjunctis, ut in antecessum, ne sine canonicorum assensu . . . in ecclesia clericus ordinaretur, neve, obeunte Priore, nullus ibi. praeponeretur, nisi quem Fratres . . . providissent eligendum.

Haud multo post, disceptantibus de imperio Philippo Svevo, atque Othone Saxoniae duce, Innocentius III. causam adjudicavit Othoni IV., eidemque post Philippi mortem imperii insignia imposuit. Ast ei minime in pactione manenti in Concilio Romae habito anno 1209 imperium est abrogatum, atque ignominia anathematis addita. Tum Albertus prior, ut homines strenuos sibi devinciret hisce novis in rebus; *Albrico comiti, et Nappo*, viris et pro-

A. C. bis et fortibus, apud nostros commodari anno 1210 die 9. aprilis de domo (1) in *Colleluce* summopere optavit, ut illos in omnibus vindices capitulum experiretur. Sed Germani procures, Pontificis auctoritatem secuti, Fridericum II. regem Siciliae jam Caesarem creant; et hinc certior sum factus, Othonem ipsum ad oppidum nostrum cum armatorum manu

(1) Ex tabulario capitulari.

se contulisse, (1) ex diplomate dato apud San- A. C.
ctum Severinum anno 1211 die 8 novembris. 1211
In eo, quae fortunas, et dignitatem canonico-
rum ornare atque augere possent, ea libe-
raliter imperator complexus est. Imo curavit,
ut eorum jura a quacumque offensa essent tuta.

Ægre sane legimus anno 1213., Attonem
episcopum Camerinensem canonicos provocasse
ad tertiam partem oblationum altaris s. Seve-
rini decimae et mortuarii sibi per-
solvendam, et voluisse ordinationi canonico-
rum, ut in aliis sui episcopatus, interesse.
Cum perspecta canonicis tum esset Severini
Ugolinii Alti prioris virtus; eum ad episco-
pum misere, a quo consilia, mentemque omnem
capituli in tractandis rebus episcopus intelligeret.
Quare ab Attone Prior ipse petivit, ut Maga-
lottio, et Paganellio iudicibus totum negotium
adduceretur. Et ipsi ex composito mandarunt,
ut *episcopus confirmaret, quem prior, et cano-*
nici in ecclesia s. Severini eligerent, sine gra-
vamine: ut decimas ex Hugonis, Todini, et
Acceptantis episcoporum diplomatibus obvenien-
tes antistes non peteret: ut de mortuariis quod-

(1) Marangonius loco cit. lib. 3.

cumque praeceptum episcopus faceret priori et canonicis, ipsi deberent observare. Sunt ea de re tabulae obsignatae anno recensito, et satis prolixae in tabulario ecclesiae nostrae (1).

Haec inter Brennus Romam advectus, Honorio III. auctore, Jolem filiam suam, Hierosolymae reginam appellatam, Friderico Augusti nomine jam honestato in matrimonium dabat, ut dotali sacri regni titulo auctus majori animo sacrum capesseret bellum. Sed frustra institit Pontifex, ut fidem exsolveret de expeditione suscipienda in Palestinam. Quare ubi Gregorius IX. fuit Pontifex consecratus; Fridericum admonuit, ut, quae voverat, tandem susci- peret, et adhuc tergiversantem mulctavit anathemate. Itaque Raynaldus ejus vicarius patri- monium Ecclesiae violenter invasit. Neque ta- men minus eluxit rebus in nostris cura Ponti- ficis. Nam diplomata Alexandri, Clementis, Cae- A. C. lestini, Innocentii, et Honorii in unum provi- 1228 dit (2) redigenda, et anno 1228 idibus au- gusti sub datum Perusiae mandavit, ne quid

(1) Turchius fol. 176.

(2) Ex tabulario capitulari.

posthac ab infensis hominibus detrimenti capitulo inferretur. Neque solum Barthulum priorem, et canonicos, universamque domum suam in fidem recepit, sed omnibus etiam in rebus, quae ad canonicorum dignitatem *in toto territorio, et hominibus, quos ipsi habebant in curia Palioliti*, pertinerent, pontificiam nullo tempore voluntatem illis defuturam significavit. Interim majore fama, quam gloria Fridericus e Syria revectus haud aegre veniam a Pontifice, et imperii titulos impetrabat. Nec minus elucebat rebus in nostris amor nobilis viri Leonardi, seu Servantii Radivisii, quem Maceratenses inter (1) selectissimos viros, coetumque splendidissimum vicariorum cooptaverant anno 1235. Sed brevi imperator ad ingenium rediit; et Ecclesiae infensus Guelforum, Gibellinorumque factionibus foedum in modum laceravit Italiam.

Mortuo Friderico, et Conrado IV. imperium affectante fidelium communione ejecto; Summus Ecclesiae Praeses constitutus fuit Alexander IV. Concordiam provinciae nostrae ipse peroptans suum ad eam rectorem misit Anni-

(1) Compagnon. reg. pic. lib. 2. pag. 101.

baldum Trasamundi, acturum de integris ecclesiae juribus immaniter direptis a Piercivalle de Orio, qui vicarium generalem Italiae pro Manfredo gerebat. Ad ipsius Alexandri aures pervenerat, Potestatem nostrum canonicis, aliisque ecclesiasticis viris, nova inusitataque onera imposuisse. Quae cum ejusmodi essent, ut Pontifici ferenda non viderentur; misit in A. C. oppidum episcopum Nucerinum. Mandaverat ei 1257 suis cum literis (1) datis Laterani anno 1257 V. nonas martii, ut auxilio suo capitulo praesto esset, omnemque operam adhiberet, quo Potestas celerius jussa Pontificis conficere posset. Sin aliter oppidum hac in re gessisset, exploratum ei esse voluit Alexander, eam se rem non laturum.

Sed adhuc tempora erant infensissima, et nonnisi magna cum molestia percipere debuerant Romani Pontifices, ab improbo scelestoque Manfredo in Marchia Anconitana, et Aemilia admitti quotidie insolens aliquid. Quare Carolum Andegavensem comitem utriusque Siciliae regem Romae inaugurari jussit Clemens IV. Mox gratulatus est ei ob victoriam de Manfredo, pa-

(1) Ex archivio capitulari.

cemque continuo Ecclesiae donatam, tyrannide omnino depulsa. Antequam vero postrema haec transigerentur, allatum ad Pontificem fuit, Perusiae adhuc morantem, canonicos in Crucigerorum jura ecclesiam sancti Severini de ponte cessisse, et cum eis quorundam bonorum permutationem iniisse. Et quoniam ipse amabat A. C. utrosque, suis (1) cum literis datis anno 1265 1265 existimare illos plane voluit, quae ad contractus firmitatem pertinerent, ea Pontificem rata semper habiturum.

Quamvis Pontifices inde secuti operam dedissent factionibus Guelforum, ac Gibellinorum extinguendis; tamen bella intensius recruduere. Et cum nollet alter alteri concedere; litem dirimere in Marchia Anconitana Rambaldus comes Trevisi, Pontificis militum ductor, A. C. cupivit. Sed Paulus Ursinus in armis plus 1308 spei, quam in aequitate rerum reponens, vi quam jure in Romanam Sedem agere maluit. Hac de re tota Carolum Siciliae regem Pontifex magnopere est hortatus, mitteret viros suis cum militibus, ne quid ex Romanae Ecclesiae juribus ulterius in Marchia deperiret.

(1) Ex eodem loco.

Mandavit insuper Stephano Columnae; omni studio curaret, ut animorum motus reprimerentur. Ipse vero nec de oppido nostro conqueri, nec in illud gravius aliquid decernere coactus fuit, ope semper adjutus (1) Malpili et Pitino, Nicolutii domini Raynaldj, Thomae Thomasutii, et Maronis Alberti, (2) militum sane strenuorum. Sed quo in loco canonicorum tunc essent res propter eorum audaciam, qui collectis exercitibus omnia permiscere aggrediebantur, ex iis, quae dicemus, innotesceat.

Lugduni Pontifex creatur Jacobus de Ensa, qui Joannem XXII. se voluit appellari, et armis cruce signatorum Picenum compescere duxit. Tum, ne aliquid excitari ipse audiret inter nos, edicta gravissima proponebant Gabutius, et Smedutius fratres, operamque dabant armatorum manu, ut omnes Pontificem timerent.

A. C. Quare Joannes (3) suo cum diplomate dato 1324 Avenione anno 1324 VII. kalendas januarii

(1) In albo parochianorum ecclesiae majoris scripto sub anno 1328. ita — *Dominus Jacobus de Pitino — Filii Malpili de Pitino.* —

(2) Ex lib. cons. s. Sev. fol. 166. 178. et 200.

(3) Ex tabulario capitulari.

eos summo opere commendavit. Ad rectorem Marchiae Anconitanae diligenter scriptas literas dedit, ut ea cum ipsis communicaret, quae conducere ad utriusque commodum viderentur in *Batefulli*, et Sanctiseverini defensione. Utinam ipsi semper Ecclesiae partes secuti essent! Nam plurima cum bellis mala conjuncta fuerunt anno 1336, in quo Lambertinus Lutius 1336 magistratum nostrum (1) strenue gerebat. Cruentari gladios, vastari provincias, oppida dirui, exerceri inter cives acerbis simultates, non solum reipublicae periculosum erat, sed ne illis quidem, qui ea exercebant, non triste, non miserum, non fugiendum. Idcirco canonicorum sancti Severini census fuit absumptus. Quod cum Gualtherio Saxolinio priori, ac canonicis permolestum foret; voluerunt ipsi, ut, quod novissime pro ecclesiae incremento statuere esse faciendum, id etiam suis literis confirmaret Franciscus episcopus Camerinensis, A. C. qui anno 1349 die 20 Februarii in mandatis 1349 dedit, quod in ecclesia sancti Severini dein-

(1) Ex lib. decr. cons. fol. 124.

ceps esset numerus octo canonicorum tantum, et unius prioris (1).

- Initio pontificatus Benedictus XII. nihil magis optaverat, quam ut Ludovici Bavari contumaciam frangeret lenitate. Haec tamen fato nescio quo frustrata fuit. Quare execrationes redintegraverat ab decessore suo latas in eum tamquam usurpatorem imperii. Ludovicus Italiae res permiscere iterum censuit, et novas in Marchia Anconitana moliri res, quae mirum A. C. in damnum etiam capituli nostri exciderunt.
- 1353 Sed Innocentius VI. Romanae Ecclesiae ditionem, qua armis, qua armorum metu, intra quinquennium ab usurpatoribus vindicavit. Valde tum Giojoso episcopo Camerinensi ea omnia fuerunt probata, quae ad canonicorum quietem spectantia per Gualtherium Priorem ad 1358 eum ipsi perferre voluerunt. Hinc anno 1358 die 8 novembris suis eum literis ipse voluit, ut sic fieret, quemadmodum Hugo primum, mox Franciscus consuluerant, id est, ut canonicis (2) integra in praeciis servarentur jura.

(1) Ex actis Gentilis magistri Gentilis de Camerino penes tab. cap.

(2) Ex archivio capitulari.

Sed ne studia Smedutiorum in patriae dominatu versantium ulla ex parte a canonicis desiderarentur; benignitatem, non acerbitem naturae, liberalitatem, non potentiam in eos exercuit Petrus Stephani Smedutii. Ipse anno A. C. 1384 die 23 januarii dedit operam, ut cano- 1384 nicos bonis, quae habebat in castro *Lauri comitatus* Firmani, ornatos redderet. Fuit id, et ecclesiae nomine, quae praecipue sublevanda erat, sane pium, et capitulo apprime gratum. Extant in tabulario nostro chartae, in quibus a Dominico Cieco Priore jura ipsa Nicolao Raynerii commendantur, ut res quam celerissime transigeretur. Nam canonici anno superiori, ut fortunarum jacturae consulere possent, ad Benedictum episcopum Camerinensem miserant Priorem, ut causam apud eum tueretur de capitularium numero in arctum compellendo, in Priorem scilicet, *sex canonicos, quatuor praebendatos, et quatuor cappellanos*. Episcopus cum per se ipse, tum Prioris commendatione adductus fuit, uti omnia diligenter confirmaret anno 1383 die 10 novembris (1).

Urbanus VI. ubi fato cessit, successor

(1) Ex eodem loco.

ei datus fuit Bonifacius hujus nominis IX. La-
 A. C. dislaus adolescens, ac Margarita ejus mater;
 1390 omnium primi, obsequium Pontifici per Legatos
 praestiterunt. Li Ludovici Andegavensis factione
 superati, et in Cajetanae arcis angulum con-
 jecti, illius opem humillime imploraverant.
 Dum ita Pontifex Ladislaum omni auxilio tueri
 instituebat; Honuphrius Smedatius (1) tantam
 concepit animo amplitudinem erga templum
 hoc princeps, quae digna patrono clementis-
 simo, digna in cives imperio, digna ipsius
 etiam loci maiestate censeretur. Quare sancti
 Severini statuam ex argento conficiendam cu-
 ravit, eamque dono dedit. Ubi vero illuxere (2)

(1) Sedente Alexandro VII. Pont. Max
 Argenteam s. Severini episc. septemp. statuam, ex altera
 pervetusta ab Honufrio olim Sineducio apost. in hac
 urbe vicario oblata itemq. ex collectis piorum
 pecunia magnificentius restitutam
 senatus populusque septempedanus
 suae in s. Patronum observantiae
 ac pietatis exhibet
 monumentum anno sal.

MDCLIX.

(2) Consule acta Joannis Francisci Saccarelli lata die
 7. junii 1660.

artibus tempora auspiciatissima ; hoc Smedutianae pietatis monumentum, adaucto pondere, ac forma, instauratum fuit. Sed idem Bonifacius in canonicis ornandis speciem quamdam magnificentiae non improvidus ostendit, ut eos A. C. sibi magis devinctos retineret. Ipse anno 1396. 1396 idibus maii cum diplomate lato apud sanctum Petrum spiritualibus indulgentiarum beneficiis fideles allicuit ad eorum ecclesiam visitandam *annuatim ultima die Sabati mensis augusti*, dummodo ea precandi ratio teneretur, quae erat *Anconae in ipso festivitatis die s. Ciriaci ex Gregorii XI. concessione* (1).

Sane nobis pergratum semper erit, Nuntium episcopum Camerinensem in Priorem ecclesiae nostrae augendum liberalitatem suam contulisse. Nam suis cum literis datis Camerini A. C. anno 1398 die 20. novembris contulit ei, 1398 aliisque in Prioratu subsequentibus, Vicarii munus, hac conditione adjecta, quod Dominico Cieco Priori, et vicario suo inter nos constituto *cedenti, vel decedenti succederet in vicariatus officio, vel Prior deinceps eligendus*,

(1) Ex tabulario capitulari.

vel abbas sancti Laurentii , vel plebanus ecclesiae plebis ss. Benedicti , et Clementis (1).

Usque ab Innocentii VII. electione caeptum erat agi de schismate eradicando. Sed adhuc principes in Italia contra pacem cogitabant. Modo Alexander V., modo Joannes XXIII. seditione coacti urbem relinquebant. Florentini de Brachio duce amico, et de Martini V. dignitate, ac fortunis solliciti conciliare eos invicem adorti, rem feliciter perfecerunt. Quo tamen in loco Marchiae Anconitanae deinceps essent res ob illorum audaciam, qui armis eam perturbarunt, injucundum esset referre. Sed Eugenius IV. nihil aequae cupivit, quam suae in ecclesiasticos viros benevolentiae cumulate respondere. Quare inter alia curavit, ut canonici ecclesiae nostrae bene se posuisse officia sua cognoscerent, et Romanam Sedem eorum commodis gratam experirentur. Qua in re nihil omnino vel studii praetermisit, vel laboris. Suo cum diplomate Florentiae lato anno 1439 1439 VI. idus octobris praecepit abbati monasterii sanctae Mariae Vallisfucinae, ut capi-

(1) Ex eodem loco.

tulo perpetuo addiceret bona asceterii sancti Claudii extra muros oppidi nostri *abbatissa et monialibus viduati propter bellorum turbines, aliasque calamitates, quae partes (1) istus diutius affligerant.* Neque tamen non canonicos etiam multo majoribus aliquando muneribus idem Eugenius affecit. Concesserat superioribus diebus Ludovico Caccialupio Priori, et capitulo bona monasterii sanctae Mariae de Submonte a monialibus jam derelicti. Nunc vero, quoniam certior fuit factus, Abbatem coenobii sancti Mariani, iudicem delegatum, et oppidanos ipsos studium omne adhibituros esse, ne canonici ad iurium possessionemmitterentur; mandavit archidiacono Camerinensi, ut capitulo tantum daret auxilii, quantum ei satis esset ad ineundam illorum dominationem, salvo *fratribus ordinis minorum de observantia monasterio cum horto, et sylva juxta tenorem literarum dudum sex annis elapsis.* Vidimus prolixa Eugenii ea de re diplomata IX. kalendas februarii, et pridie idus augusti anno A. C. 1441 Florentiae obsignata, quae hic retulimus, 1441

(1) Ibi.

ut appareret ratio largitionum, quae in canonicos per eos dies infensissimos fierent (1).

Populata Marchiae Anconitanae oppida in dies acrius premebat Franciscus Sfortia. Eugenius pacandae Italiae cupidus Alphonsum regem in Romanae Ecclesiae clientelam recipere, regnumque illi, jure, an injuria partum, decernere constituebat. Sed pax expetita confici haudquaquam potuit. Saluti tamen fuit, quae res maxime obsutura videbatur. Accesserat anno 1447. Tibur Alphonsus, bellum in Florentinos moturum. Ab eo enim Romanae plebis seditio in Nicolai V. electione compressa fuit, et legati ad Pontificem missi, qui supremam ei dignitatem gestularentur. Alii principes id certatim praestitere, in quibus Franciscus Sfortia Alexandrum fratrem legavit. Actum tum fuit, ut nuntii ab Alphonso, a Venetis, a Florentinis Ferrariam mitterentur, quorum opera, tum Pontificis auctoritate pax tandem composita est. Hinc Nicolaus cupidus parte aliqua ecclesiarum aerumnas sublevare, voluit etiam, ut aliquod suae erga templum nostrum benevolentiae documentum extaret. Audiaverat ab iis, qui Ga-

(1) Ibi.

brielem Baptistam Priorem amabant, eum iacturam non negligendam in juribus accepisse. Eam ob rem Priori prioratus sancti Angeli, Angelo de sancta Anatolia, et Ansovino Angelutii, canonicis ecclesiae Camerinensis, vel in primis mandavit suis cum literis datis Romae A. C. apud sanctum Petrum anno 1449. VI. nonas 1449 maii, ut modis omnibus properarent auxilium ferre afflictis capituli rebus (1).

Redimitus exinde est Fridericus Caesar corona ferrea Longobardorum, ut vocant, sive Italiae regni, et de sacro in Turcas bello statim actum fuit. Sed expeditio, dum a Nicolao maxime urgebatur, illius morte disiecta est. Sub ipsam vero inaugurationem principes ad illud instaurandum Callistus III. impulit. Dum ita ingens nummorum vis ex sacerdotiis praesertim requirebatur; nihil canonicis nostris accedere oportunius potuit, quam ut Rodericum cardinalem de Borgia Anconitanae Marchiae legatum in eorum fortunis amplificandis pene certantem perspicerent. Mandaverat anno 1457. 1457 die 9. novembris Paulo de Plantaporis Pedemontano, eximio legum doctori, ut monasterii

(1) Ibi.

ss. Salvatoris bona haud negligenda perpetuo capitulo addicerentur. Id voluit ratum, probatumque Callistus, eique placuit, ut canonici dominationem inirent. Diploma latum Romae 1458 apud sanctum Petrum anno 1458. XIV. kalendas maii inscribitur Malatestae episcopo Camerinensi (1).

Dum tali modo Callistus operam dabat, ut canonici fortunarum tenuitati nuncium remitterent; turpem sane rem fecisse Stephanum de Natumbene Sixto IV. literae pervenerunt. Ipse in tabularium ecclesiae nostrae, cui Joannes Albertus praeerat, impetu facto, illud expilaverat, nulla boni et aequi, nulla Prioris, nulla rerum ratione habita. Ea de re cum apud Romanam Sedem Joannes Albertus graviter questus esset; mandavit Sixtus Thomae episcopo Aesii, ageret cum Stephano, ut canonicis, ablatum quod erat, vel restitueret sine mora, vel dependeret sine tergiversatione. Quod si facere neglexisset, scire illum voluit Pontifex, se ecclesiae dignitatis rationem habiturum, et capitulo satisfacturum. Ut vero, quod Sixtus mandabat, consequeretur episcopus,

(1) Ex rogibus Marci Antonii Salvatori in tab. ep. f. 138.

mentem ea in re suam ostendit scheda sub A. C.
datum Aesii anno 1481. die 11. aprilis (1). 1481

Sed jam bella, quae tota in Italia exarserant, et nimia dissidentium procerum rapacitas jam comprobaverant satis, incassum monachos laborasse, ne coenobia dissolverentur. Tum Romani Pontifices, ne illorum bona perirent, ut templa custodirentur, saecularibus clericis ea commendabant. Id sane evenit duobus asceteriis sanctae Mariae Vallisfucinae, et sancti Mariani jam unitis. Quare, si in secunda hujus operis parte praeclara eorum abbatum facinora erimus prosecuturi, nunc sub oculis ponere, ac simul nosse detur, quod posteritati tradidit Innocentius VIII. in diplomatibus infra recensendis. Multa Pontifici necessitudinis officia cum Liberato Baltellio-Sensinio Priore, magnus suae cum ejus familia usus, magna benevolentia multos jam annos intercedebat. Quae cum ita essent, Liberatus ab Innocentio petiit, ut canonicorum ordinem benevolo animo exciperet, et sentirent ipsi, multum sibi apud Supremum Ecclesiae Moderatorem civis benevolentiam profuisse. Quare

(1) Ex archivio capitular

capituli res conficiendi curam paterno amore Innocentius suscepit, atque illas brevi ex Liberati sententia confecit.

Sanctae Mariae Vallisfucinae, et sancti Mariani sacerdotia Joanni Jacobo de Castellanis clerico Parmensi commendata primum voluerat Pontifex. Dein Raphaeli Riario Savonensi cardinali diacono ad velum aureum, et mox sub
 A. C. 1488 datum idibus maii 1488 ex mensae capitulari ecclesiae Maceratensis perpetuo addixerat. Deinceps eadem in pristinum statum, in quo ante concessionem unionis erant, restituerat, et ea sic restituta praefato Raphaeli cardinali denuo commendari praeceperat. Sed, Raphaelē post-
 A. C. 1489 modum abdicante, suo cum diplomate, obsignato anno 1489 III. idus. julii voluit Innocentius, ut jurium (1) praedictorum monasteriorum possessio, futuris temporibus mansura, caponicis sine ulla mora traderetur. Ut vero idem Baltellius excitaretur ad bene, uti solebat, de Apostolica Sede etiam atque etiam promerendum; Innocentius familiaritatem suam

(1) Turchius in app. fol. 169. Celebratur Liberatus Baltellius prior a Sario in epistola inscripta *de antiqua Picentum civitate Cupra montana fol. 81.*

ei jam contulerat; et reliqua, quae habebat; sacerdotia sanctae Helenae, et sanctae Mariae castri Aliphurni ei voluit manere. Et haec eo spectabant, ut quisque intelligeret, et debuisset canonicos Liberato omni tempore benefacere, et nunc magnopere voluisse. Sed ipse jam senio confectus prioratum, et praecias Leoni X. resignavit. Tum suis cum literis datis Romae apud sanctum Petrum V. idus maii an- A. C. no 1543 voluit Pontifex Benedictum Massarel- 1513 lum eo sacerdotiorum (1) genere honestare. Nam ipsius virtus, probitas, elegansque natura, et sua in cives voluntas plurimis officiis excitata in Pontificis aure versabatur. Et sane omnes perquam jucunde intellexerunt, capitulum an- A. C. no 1527 die 26 julii templum, atque coeno- 1527 bium, sancti Mariani quod fuerat, sacris virginibus, quae a diva Catharina nomen habent, *reversivo jure* dedisse, eodem Benedicto curante (2).

Ubi vero sacerdotia mox recensita Benedicti morte facta fuerunt vacua; Clemens VII.,

(1) Ex tabulario capitulari.

(2) Ex publicis monumentis.

qui Leonis X. patruelis studia bonarum artium fovebat, Hieronymo Boccaurato ea jussit commendanda. Sed major, atque illustrior jam erat virtus ejus, quam quae prioratu nostro egebat, et plus ipse capitulo, quam ipsi capitulum ornamentum afferebat. Quare effecit Paulus
 A. C. 1538 III. id tandem, quod dudum meditabatur; et eum, eodem tempore canonicum templi romani Apostolorum principis et Priorem nostrum, episcopum Aciensem nominavit. Quod eo libentius fecit, quoniam (1) in suorum familiarium ordinem eum adsciscere jam voluerat Clemens, aliisque dignitatibus cumulare (2).

(1) In quadam scheda obsignata *Romae in cancellaria apostolica anno 1538. die 16. maii* — *Nos collegium sollicitatorum literarum apostolicarum fateamur recepisse a priore, capitulo, et canonicis saecularis, et collegiatae ecclesiae s. Severini per manus Hieronymi Boccaurati canonici principis apostolorum de urbe, ac prioris etiam dictae collegiatae* — Ex eodem tabulario. *Pannelli Medici Piceni* vol. 2. pag. 320.

(2) Praeter eam, quam Priores ecclesiae nostrae omni tempore fidem praestiterunt, pro cujus auctoritate defendenda plurimas contentiones non erant veriti subire; ea etiam res nos movet, quod canonicorum fortunam majorem esse voluit Franciscus Jacobi de Gaginis. At quamquam ejus optimum in illos, alacremque animum Paulus III. libenter agnovisset;

Postquam diversis sententiis certatum fuit; A. C. contra spem omnium, anno piaculari 1550 1550 Pontifex declaratus est Joannes Maria de Monte Aretinus, qui Julius III. nominari voluit. Ut ipse id praestaret, quod Virgilius de Capiteferreo Prior summopere optabat; incredibili canonicorum laetitia (1) ejus in locum constituit Angelum Massarellum civem nostrum suis cum literis latis anno 1550 IV. kalendas novembris. Hunc propter singularem optimarum artium doctrinam, cum amplissima familiae dignitate conjunctam, summo coluerat studio Hieronymus Landrius cardinalis, dum apud Hungaros anno 1538 legationem gerebat, et liberalem in suos atque beneficum oppidani erant experti. Egerunt itaque Pontifici gratias, quod eum capitulo, sanctae Helenae, et sanctae Mariae sacerdotiis principem dedisset, a quo erat ma-

voluit tamen, ut omne, quod ex Francisci rationibus habebatur, id ejus consanguineis libere curaretur. Quam commutationis sententiam latam Romae apud sanctum Petrum anno 1542. kalendis februarii denunciavit capitulo Antonius cardinalis sanctorum quatuor coronatorum, illudque Pontificis verbis admonuit, ejusmodi confectionem ne impediret. Ex eodem tabul.

(1) Ex archivio majoris ecclesiae nostrae.

gna virtutum seges expectanda. Eodem vero anno III. kalendas januarii suo cum (1) diplomate, Maceratae obsignato, Berardus Bonjoannes episcopus Camerinensis, et Marchiae Anconitanae vicelegatus idem testatus fuit, eum *plebania sancti Egidii terrae Staffuli honestando*. Sed vix unquam apud nostros moratus ipse fuit. Nam animi ejus sensum aptum ad omnem verae gloriae cumulum undique colligendum noverat Julius, qui, dum in *minoribus* versabatur, et *concilio Tridentino*, et *Bononiensi praesidebat*, *ejusdem concilii secretarium* dixerat. Mox *ad ipsum concilium Tridentinum* rursus destinaverat, *ut dictum secretariatus* A. C. *officium inibi* prosequeretur (2) suis cum literis datis Romae anno 1554 die 22 aprilis. Is cum munus non renuisset, Pontificem tamen admonuit, eam sibi rem detrimentum aliquod allaturam. Nam in societatis capituli nostri legibus erat, ut, qui oppido abessent, collegii proventibus ne juvarentur. Id cum Julio illiberale sane esset visum; eos, qui Romanae

(1) Ex eodem loco.

(2) Ibi.

Reipublicae magno cum labore operam impendebant, suorum sacerdotiorum fructibus spoliari; canonicis singulis, et societati nostrae mandavit, ut nihil ea de causa, quod is, *Concilio perdurante*, abfuturus esset, de illius prioratus proventibus detraherent. Imo operam adhiberent, ut omne id, quod praesenti curabatur, ad absentem etiam *secretarium*, et *familialem suum* integrum perveniret, uti datum est legere in diplomate recensito.

Ubi Concilium post sex celebratas sessiones intermissum fuit ob Parmense bellum exortum inter Carolum V. et Henricum II.; Angelus Massarellus se ad viam comparavit, ut in urbe studia praestare Pontifici celerius posset. Id cum satis Ei, mox Marcello II. et dein Paulo A. C. IV. fecisset; nihil anno 1556. die 15 decem- 1556
bris ad bene de humano genere merendum aptius Thelesino episcopatu evenire Angelo potuit. Et hic persane gratum mihi adhuc est id, quod ex diplomate Romae dato in aedibus A. G. praedicti episcopi Thelesini anno 1559. die 24 1559
septembris intellexi, Berardum Bonjoannem antistitem Camerinensem ad Massarellum accessisse, ut ipse de canonicorum rebus eum alloqui, et cum eo, quae ex usu essent eccle-

siae, commodè constituere valeret. Sed ubi rescivit, prioratum ipsum ex episcopi Thelesini *resignatione* vacuum fuisse; voluit, ut dignitas cum juribus ejus omnibus Michaeli Angelo Massarello addiceretur, eaque in re plura in diplomate recensito fuit loquutus (1).

Haec inter Joannes Angelus Medices mediolanensis in Petri sede collocatus est, qui Pius IV. dici voluit. Ipse Concilium Tridentinum per annos decem intermissum instauravit, et collatum episcopo Thelesino secretarii munus ratum voluit. Quae cum ita se haberent, cives nostri tum id Massarellum prope modum viderunt agere, ut eis nihil negaret. Effecit itaque, ut Astolphus Servantius tam eximiae doctrinae vir, quam sciunt (2) eruditi,

(1) Penes civem nostrum Josephum Ranaldium.

(2) Memoriae perenni

Astolphi Servantii viri mentis ingeniiq. praestantia commendabilis hic Massarello qui fuit ab actis concilii tridentini socius additus laborum ephemeridem diligentissime scripsit rerum in sacro illo conventu gestarum; quam pretiosam vocat Sfortia Pallavicinus cardinalis et sibi lumen non exiguum attulisse profitetur ad historiam suam componendam anno M.D. LX VII. in familiam franciscalium minorum veteris observantiae libentissime receptus dictusque

ad Concilii acta curanda socius proveheretur. Neque spem suam Ganymedes (1) primum, mox Cynthius Pamphilus distulere, qui episcopi Thelesini voluntati satisfecerunt, ubi notarii ejusdem concilii sunt dicti. Sed unum quoque est, quod me delectat, et quanti faciendum civibus sit, aestimare eos malo, quam me scribere. Praesul Thelesinus rei nostrae dignitatis rationem habens Hieronymum Francum civem praestantem, et apostolicum nuncium ad Helvetios, deque se, conciliique viris optime meritum, suis beneficiis sibi devinxit (2).

rite mutato nomine Valentinus tertio post anno praeses
coenobii factus est mox cunctis probatissimus administer
provincialis fuit adlectus deinde ordinis ne-
gotiis per Italiam curandis praepositi vices agens
quibus muneribus egregie functus suorum studiis
cumulate satisfecit

Severinus et Raphael Servantii comites
anno M.DCCCXXXVI.

Est in ecclesia s. Mariae gratiarum. Vide Pallavicinum in
hist. conc. trid. lib. 15. cap. 13, et P. Sbaraglia in addit.
ad Wadingum fol. 682.

(1) Consule opus inscriptum — *Ganimede Panfili isto-
rico, et poetico libro*. Camerino 1582. *Pianti della gloriosa
Maria in ottava rima*. Camerino 1578. —

(2) Hieronymus Francus de Sanctoseverino ex comitib. trusciae
equestris ordinis hic requiescit in pace qui sub Paulo

Ubi novem sessionibus Concilium absolutum fuit; Angelus Massarellus urbem ingressus totum se ecclesiae Thelesinae addicebat.
A. C. Sed magno moerore cives affecit ejus (1) mors
1566 inopina anno 1566. Et quoniam Pius volebat,

tertio Julio tertio et Marcello II. romanis pontificibus
apud helvetios nuntius apostolicus extitit vixit annos septuaginta obiit pridie kl. septembris 1561.

Dominica Bonella uxor et haeredes moestissimi non sine luctu et
lacrimis posuere.

Roma dedit tumulum, charam Septempeda vitam.

Nullibi, crede mihi, nasci et obire libet.

Civallus visit. trien. — Cancellottus hist. septemp. mss. —
Sarpus *ist. del conc. di trento*. Londra 1757. vol. 1. pag.
292. 561. 612.

(1)

D. O. M.

Angelo Massarello Sanctiseverinati in picentibus

j. u. d. episc. thelesino ac doctrina insigni
qui cum Julii III. Marcelli II. Pauli IIII. summ.
pont. a secretis fuisset eodem secretarii munere
in s. conc. tridentino functus est in quo
ita se gessit ut nihil cor. quae in ipso conc.
acta sunt vel minimum desideretur

Michael Angelus et Cyntius

Pamphilus sororis filius fratri ac avunc. de se
opt. merito moerentes pos.

vix. an. LVI.

ob. XVII. kal. augusti MDLXVI.

Colucius ant. pis. vol. 5. — Gallettus *inscrip. Piceni Romae*
stabiles.

homines intelligere, Angelum (1) ob ejus doctrinam a se fieri plurimi, de sua in ejus gentem optima voluntate suo cum diplomate Cynthium Pamphilum sororis episcopi Thelesini filium certiore[m] ita fecit, ut ecclesiae nostrae

(1) Angelus Massarellus episcopus Thelesinus scripsit — *De pontificibus, et cardinalibus diversi tractatus, et notationes diversae — Summarium vitarum pontificum maximorum — Scripturae visu, lectuque dignae. — Epitaphia pontificum, et cardinalium. — De rebus antiquis ecclesiae lateranensis. — Adnotationes, memoriae, vitae, signa, insignia diversorum pontificum, cardinalium, regum, principum, militum, nationum, provinciarum, civitatum, terrarum totius orbis. — Memoriae dei Papi, e Cardinali cavate dalle chiese, ed edificj di Roma. — Laudatur a Surio concil. tom. 4., Raynaldo continuat. ann. eccles. tom. 21. p. 2., Ughellio it. sacr. vol. 8., Torellio saec. aug. vol. 8., Severano mem. sacr., et Panvinio, qui ait. — Magna post haec habenda est gratia ab omnibus historiae ecclesiasticae studiosis Angelo Massarello Sanseverinati piceno, romani pontificis a secretis, cujus beneficio, et singulari charitate, ut est vir omnium humanissimus, adjutus sum cum in omni hoc opere conficiendo, tum praesertim in hac parte, quae eorum pontificum, et cardinalium seriem continet, qui absentes ab urbe in Galliis Avenione commorati sunt . . . nihique multa, quae in hac materia congregaverat, libenter tribuit — ex opere inscripto — romani pontifices, et cardinales sanctae romanae ecclesiae. Venetiis.*

Prior inauguraretur. Massarellus enim de illius in romanam rem officiis ea retulerat, quae Pio grata acciderunt. Paterna benevolentia eum Romani Pontifices complexi erant, ex quo canonici ecclesiae Oritanae voluerant anno 1558, ut ad urbem Cynthius, qui apud eos canonicum gerebat, proficisceretur ad capituli (1) negotia procuranda. Sed fuerat illud cum per se longe praeclarum, et Cynthio gloriae, tum certe capitulo nostro apprime salutare, quod ipse gesserat in Concilii Tridentini senatu, et bene grati erga eum animi egregia erant signa ii
 1574 patres ostensuri, ni Cynthius anno 1574 III. idus octobris praepropera morte (2) occubuisset. Qua sane re vehementer cives perturbati sunt, existimoque canonicos quidem primum, qui in tam viridi aetate praestantem virum amiserunt, quique usque ab anno 1570 magnam virtutis spem praebuerat in capituli jura vindicando coram Philippo Riccabella episcopo Recinetense (3).

(1) Ex scheda obsignata die 11. maii apud Ranaldium.

(2) Vide opus inscriptum — *Ganimede Panfili centoni et historici capitoli*. Camerino 1579.

(3) Ex scheda apud Ranaldium.

Postea capitulum intellexit, in prioratu Leonem Ugolinum a Pontifice successorem fuisse institutum. Is statim dedit operam, ut cessione ecclesiae (1) ss. Salvatoris pietate, ac virtutibus animi subrescere oppidani Cappuccinorum familiam viderent, curantibus Fabio Lazza-
rello, Joanne Felicio, Benvenuto Benvenuti, Gaspare Altadiano, et Nicolao de Laurentiis. Mox capitulo benevolentiam voluit exhibere Gregorius XIII. Ipse suis cum literis datis Romae apud sanctum Petrum IX. kalendas aprilis A. C. anno 1578 canonicis *altare privilegiatum per-* 1578
petuum largitus fuit (2).

Ita canonicorum se habebant res, donec ipsi conquesti graviter sunt apud Sixtum V. ea de causa, quod jura, inflammato quidem animo, Prior erat aggressus. Quae res quoniam (3) contra ecclesiae statuta jam ab anno 1521. ob-
signata in primis erat; Pontifex praecepit, ut Gaspar Sillingardus episcopus Ripanus daret

(1) Ex tabulario capitulari.

(2) Ibi.

(3) Die 15. septembris priore Benedicto Massarello, et confirmante Nicolao de Nigris vicario episcopi camerinensis. Ex tabulario capitulari.

operam, atque mandaret, ne quid posthac detrimenti a Priore canonicis inferretur. Et quidem capitulo omnibus in rebus, quae ad illius dignitatem, in parochis praesertim eligendis, pertinebant, episcopus non defuit. Nam ipse anno 1586 die 27 martii fauste consociavit canonicos eo constitutionum genere, quod idem esset (1) omnium arctissimum, atque sanctissimum. Sed a Romana Sede ea alia expectare canonicos ipse Pontifex voluit, quae a filiis de patre erant expectanda, uti a Francisco Cantuccio episcopo Lauretano latius ipsi cognoverunt. Ei Sixtus mandaverat, ut apud nostros se conferret, et apostolicus in *mensae capitularis* dissolutione esset vicarius. Et revera singula consulto, atque prudenter administravit episcopus, et omnibus rebus, quas dixerat, quasque (2) statuerat, minime duxit Pontificem defuturum. Ast multo plus erat illud, quod de Sixto sperabant cives, quodque jam canonicis Pontifex pollicebatur. Et fuit hoc tam amplum, ut in hoc uno cuncta inesse

(1) Ibi.

(2) Ex rogibus Torquati Pamphili ann. 1586. die 2. octobris.

Pontificis munera, omnesque partes existiman- A. C.
dum sit. Is anno 1586. cum diplomate sub 1586
plumbo dato apud sanctam Mariam majorem
IV. kalendas novembris hanc ecclesiam ad ca-
thedrae (1) episcopalis honorem denuo erexit.
Et ita universum canonicorum ordinem, for-
tunae contumelia per saecula conflictatum, pri-
mis ferme pontificatus diebus liberalitate sua
Sixtus recreavit, ut sperandum plane esset, Pon-
tificem unum brevi omnia ecclesiae damna sar-
tutum (2).

Et quidem mihi laetandum videor, ea tan-
dem advenisse tempora, quibus absoluta hujus

(1) Ex archivio capitulari.

(2) Series Priorum ex diplomatibus desumpta — 1132.
Vivus. 1171. Petrus 1177. Albertus. 1186. Binus. 1208. Al-
bertus II. 1213. Severinus Ugolinus. 1228. Barthulus. 1234.
Caesarius. 1240. Severinus II. 1265. Marcolinus. 1266. Mar-
cellinus. 1270. Membratus. 1272. Ribaldus. 1292. Riccerius.
1339. Grimaldescus Saxolinus. 1343. Gualterius Saxolinus.
1362. Dominicus de Cicco. 1413. Joannes Camers. 1421.
Franciscus Brunarellus. 1438. Ludovicus Caccialupus. 1444.
Gabriel. 1458. Stephanus Brunius. 1489. Liberatus Baltellus.
1513. Benedictus Massarellus. 1533. Hieronimus Boccaura-
tus. 1549. Virgilius de Capiteferreo 1550. Angelus Massa-
rellus. 1559. Michael Angelus Massarellus. 1567. Cyntius
Pamphilus. 1574. Leo Ugolinus.

ecclesiae instauratio felici omine inducta fuit. Sixtus enim Horatii Martiarii virtutem saepe probaverat, et romanam ab eo rem miro studio semper cultam fuisse cognoverat. Itaque eum episcopum renunciavit Sixtus. Et si unquam alias ulla in re concupivit antistes optatos legationis exitus impetrare; haec una fuit canonicorum in comune vivendi consuetudinem penitus antiquare. Hinc episcopus canonicos vehementer rogavit iis de causis, de quibus ad Franciscum antistitem Lauretanum Pontifex jam literas dederat, et (1) potest facile quisque perspicere, quantum studii fuit ab eo adhibitum, ut anno 1587. die 30 januarii res ex sententia transigeretur. Operae enim pretium fuit maxime quidem, ut in ejusmodi dissolutione ex capitulari censu quamplura essent disjuncta, quibus tantum canonici in posterum uterentur in sacrarii rebus communiendis.

Ubi huic nummorum cumulo alia accessere; episcopus Martiarius pristinam meditatus fuit ideam commutare, et omnem movens lapidem, ut voti compos fieret, quatuor nuperos cano-

(1) Ex actis Torquati Pamphili.

nicatus instituit, reliqua pecuniae vi pro ecclesiae perpetua curatione mancipata. Ista dignitatis accessio magnam Sixto voluptatem attulerat, et libenti animo, titulos ut Martiarius augeret, idque muneris obiret, ei permisit suis cum literis datis Romae anno 1588 1588 nonis julii. In quo etiam, ut magno templi usui esse posset antistes, ei fuit enitendum, ut sibi viam muniret ad reliquos dignitatis gradus capessendos, quos ei aliud Pontificis diploma patefaciebat. Nam Prioratum in Archidiaconi dignitatem erexit, qua Leonem Ugo- linum honestavit. Deinde antiquiorem canonicum Lucam Tardolum, quo episcopus a vice sacra utebatur, archipresbyteri (1) dignitate decoravit. Sed post hujusmodi dignitatum, et praebendarum creationem Pontifex intellexit, majori templi principis ornamento conducere, ut numerus ulterius augeretur. Itaque voluit

(1) Series archipresbyterorum — Lucas Tardolus — Bartholomaeus Tardolus — Franciscus Maria Binius — Ubaldus Sperandeus — Nicolaus Boantius — Petrus Antonius Margarutius — Ludovicus Parteguelius — Rutilius Puccitellus — Antonius Maria Margarutius — Hieronymus Margarutius — Severinus Pacificus Margarutius — Camillus Margarutius — Nicolaus Crivellius.

literis desuper relatis, ut episcopo potestas esset canonicorum seriem ampliandi. Ipse igitur curam adhibuit, ut negotium optime regeretur, et fuit id cum per se clarum, tum certe populo salutare. Nam praebendam iussit theologalem, cui stipem addixit ex canonica-
tu de veteribus prime vacaturo detrahendam, et cui praeposuit Mutium Achilleum. Et hic exploratum civibus puto esse, quo amore fuerit (1) in eum divus Philippus Neri, quamque illum usque a teneris annis, uti fusius in capite subsequenti, Romae versantem in arctam gentis suae necessitudinem admiserit. Eum idcirco semper habuerat charissimum Hieronymus Vitalis de Bobus episcopus Camerinus, eique domum redeunti commodari in collegio nostro (2) de theologi munere valde cupiverat, et ob multiplicem ejus doctrinam personam suam gerere inter nos voluerat. Idem et episcopus Martiarius deinde fecit. Caeterum

(1) Baccius in vita s. Philippi Neri pag. 150. 236. 270.
— Ex libro diversorum Mutii Achillei relato in bib. pic. tom. 4. — Extat apud Ranaldium.

(2) Ex decreto Gasparis Ursini vicarii episcopi Camerinusense lato die 10. februarii ann. 1584.

canonicatus ante cathedrae instaurationem inducti *seniores* nuncupati fuerunt, quos inter archidiaconus, archipresbyter, et mox poenitentiarius recensiti.

Ita cum omnium votis a Martiario satisfactum esset; non immerito dicam, ecclesiae jura per eum non solum vindicata fuisse, sed etiam adaucta. Sed statim omnem curam ad dignitatem suam tuendam nuperi canonici detulere. Causam totam Cardinali de Sens canonici seniores commendarunt; et ipse (1) dedit sane operam anno 1591. die 8 januarii, ut bene lactari ipsi possent. Sed dedit etiam haud multo post ad primaevae institutionis capitulum Augustinus Dena in romana curia auditor generalis literas, quibus ei significavit, se ejus postulationibus satisfecisse. Nam de iis subantea cum Paulo Emilio Zacchia camerae apostolicae commissario erat diligenter locutus. Quae cum ita se haberent, canonici anno 1597. die 25 maii viderunt Denam ipsum singulis voluisse, quibus in rebus honeste posset, suam

(1) Ex rogibus Joannis Dominici Fortini die 11. januarii 1591.

non claudere auctoritatem. Quare legem ipse tulit, *nullum jus camerae apostolicae pertinere super antiquioris capituli fructibus* (1).

Gratae insuper eidem seniori capitulo fuerunt literae, quas anno 1597. die 3 Septembris ad illud Cardinalis Alexandrinus (2) dedit. Superioribus enim annis ad illum scripserant, se cupere, auctoritate efficeret sua, ut ea componeretur controversia, quam nonnulli animis infensis exercuerant super assignatione fructuum per commissarium apostolicum antea gesta, et mox per episcopum Martiarium in mensae dissolutione. Quare idem cardinalis omnibus imperavit, ne quid isthinc ejusmodi ad Romanum Pontificem perferretur. Imo curavit, nec curavit solum, sed etiam jussit, ut memorata dissolutio perpetuo confirmaretur: nam canonicorum rem, quam tot annos sermone quidem plurimum Martiarius juverat, suis etiam scriptis ipse juit, quibus *sancti Severini canonicam saecularem semper, numquam regularem fuisse* abunde probavit.

(1) Ex tabulario capitulari.

(2) Ibi.

47 Sed ecclesiae ipsius claritas, et amplitudo familiae Clementem VIII. impulere, ut, quod veteri capitulo usui fore magnopere intelligebat, id ipsi anno 1598. suis cum literis datis 1598 Ferrariae die 24 octobris tribueret. Inter Petrum Simonem Caccialupum Archidiaconum doctum hominem et humanioribus literis illustrem (1), et inter canonicos disceptatio existebat nonnullis de rebus, quae ipsius dignitatis fines longe lateque promovebant. Sed cum ipsi singulis prope horis intellexissent, se ardentiores ea in re quotidie fieri, huic negotio voluerunt aliquem praeficere. Quare nemo ea re capitulo dignior Angelo Vellio praeposito presbyterorum congregationis oratorii de urbe, tunc apud nostros commorante, est visus. Et revera ex ejus decreto id cognoverunt canonici, quod ipsis unice gratum accidit. Nam aequum esse duxit, ut archidiaconus proven- tus liberales haberet, utque canonicos et socios et adjutores conspiceret. Adfuit autem omnibus rebus, quas dixerat, idem (2) Pon-

(1) Petrus Simon Caccialupus archidiaconus scripsit de caelitibus sanctis septempedanorum latino carmine. Vide hist. septemp. mss. B. Gentilii de Rovellono vol. 2.

(2) Ex tabulario capitulari.

tifex, et de hac sua in collegium nostrum voluntate ei egerunt canonici, quas debebant,

A. C. gratias, hoc est maximas atque amplissimas.

1621 Ubi Petrus Simon vivere desiit anno 1621

die 13 Februarii; voluit Urbanus VIII. in primis Joannem Baptistam Caccialupum de sua in illum voluntate certiore facere. Hinc studium posuit, ut Joannes Baptista Archidiacon-

A. C. num apud nos ageret. Extremum vitae diem

1642 anno 1642. die 26 augusti ut ipse confecit;

eiusdem Urbani suffragia consensere in Caesarem Cancellotum, virum sane doctissimum, tantaeque parem potestati, ut ipse Archidiaconatus curam gereret. Dum ecclesiae magno usui ejus virtus sane erat, Catharina Felitia canonicorum familiam eximio cultu complexa fuit. Quare, ut duodecim relatis canonicatibus alius accederet de pecunia sua, ipsa praecepit. Sed Caesar ad sui nominis dignitatem satis jam

A. C. fecerat, et Alexandro VII. quidam placuerat

1658 eum anno 1658. VII. idus aprilis ex Archidia-

cono ad Vigiliensis civitatis (1) infulas evehere, aequae ac Lutium Brunum in ejus locum sufficere. Nunc audiverant libentissime Romani

(1) Ughellius II. sacr.

Pontifices, cum propter ejus virtutem, tum etiam quod familiaritate (1) erat usus cardinalium Cynthii Aldobrandini, et Benedicti Odescalchi, qui mox fuit Innocentius XI. Et quia ipse amore summo prosecutus semper fuerat Rutilium Puccitellum, omnem curam adhibendam statuit, ut ipse ad Archidiaconatum sublegeretur. Et id plane gratum capitulum habuit, dum Caelestinus Rutilii frater in curam receperat Scalae et Ravelli episcopatum, et Uladislaus IV. Poloniae, Sveciaeque rex jam, quae suae erant, partes (2) in Virgilio Pucci-

(1) Da Mandrisio vita del B. Pacifico Divini. Lugano 1788.

(2) D. O. M.

Virgilio Puccitello sacerdoti septempedano
qui morum honestate literarum splendore
ac animi benignitate fuit apud omnes
in honore receptus. Uladislaſo IIII.

Poloniae Sveciae regi annis XXV.

a secretis servivit

cujus ad agen

dum solertiam tanti rex existi
mabat ut ad ipsum magni ponderis
negotia pluries detulerit legatio
nibus pluribus regio nomine perfun
ctus est. Prudentiae fidei ac summae
integritatis argumenta nitidissima

tello ornando eas amantissime impleverat. Hunc enim suis ab epistolis tanti rex ipse fecerat, ut Virgilius, Caelestinus, et Rutilius confiderent, nihil se frustra petituros. Haec inter canonicorum res veluti conficiendi curam Amantia Margarutia suscepit, et suam dedit operam, ut alteri canonicatui creando in testa-

A. C. mento esset consultum.

1664 Brevi et Rutilius anno 1664. die 26 Februarii desiit agere inter homines, et idcirco Alexandro VII. Joannes Ludovicus Cancellottus in primis idoneus visus est, qui archidiaconatus curam subiret. Et si quid fuit deinde, in quo Valerii Cancellotti amplificare dignitatem Clemens IX. posset, suum ei studium libentissime fuit pollicitus. Et hic sane vir

edidit. Quod testantur epistolae
quae ab ipso rege Uladislaſo huic
nostrae civitati jam missae asser-
vantur. Denique hic in patriam
reversus obdormivit in domino

anno aetatis suae LV. salutis vero M.D.C.LIIII. die XXVI. Xbris
Rutilius frater, ac Severinus ex altero fratre nepos de Puccitellis
non sine lacrimis posuere. — Prostat in ecclesia Sancti Lau-
rentii. Vide penes comitem Severinum Servantium Collium
litteras octo ab eodem Uladislaſo rege scriptas amantissime
Virgilio Puccitello.

egregia virtute clarus, ubi Joannes Ludovicus A. C. fato cessit anno 1667. die 17 Februarii, archidiaconus renunciatur. Hinc, ut sui in Nicolaum Talpa amoris pignus esset, Innocentius XI. A. C. anno 1681. die 17 augusti in demortui Valerii locum cum substituit, non oblitus, quantum in romanam rem beneficiorum ipse contulisset, dum apud Cardinalem de Luca versabatur, et Tolentini praefecturam substinebat (1).

Haud multo post Caroli Casciani mentem canonici maxime omnium cognoverunt. Nam praecepit ipse, ut sua, vix essent vacua, capitulum haberet bona, eique liceret omnia facere ea super re, perinde ac sibi, si adesset, pro alio instituendo canonicatu licuisset; uti plurimum in id operis de sua pecunia Valerius Pellicus contulerat, ex quo duobus aliis canonicatibus jusserat esse consultum in testamento. Ubi vero Nicolaus vitam amisit anno 1693. die 14 aprilis, Joannem Baptistam Benium archidiaconatui Innocentius XII. libenter praeposuit. Forensium Romae, rerumque agenda-
rum principia a viris praestantissimis ipse hau-

(1) Hieronymus Talpa hist. septemp. mss. lib. 6.

serat, et per annos plures (1) auditoris munus apud Melitensem nuncium gesserat. Huic tamen, ut in Italiam remearet, valetudinis curandae gratia, missum jam fecerat. Brevi Joannes Baptista in fidem suam capituli omnia recepit, et brevi ipso in sinu Felix Favarius canonicos idcirco collocavit, ornaturus eos, cum primum se occasio sibi dedisset, iis ornamentis, quibus perspicere possent, quanti ipsos faceret. Itaque suis ultimis cum tabulis indulxit capitulo, ut suae haereditatis curam susceperet in alterius canonicatus dotatione constituendae.

Sed mox Joannes Baptista archidiaconatum sponte abdicavit, et ejus in locum Franciscus Xaverius Collius a Clemente XI. anno 1715 no 1715. sufficitur, vir egregia virtute clarus, et ob majorum suorum plurima in rem nostram officia omni tempore civibus charissimus. Nam si quid erat, quod ejus amplificare dignitatem posset, id duo ejus avunculi, perquam sane curarunt, Sebastianus Pellicus Ferrariensis arcis nobilissima praefectura decoratus, et Nicolaus Collius Vvir apud Lucenses,

(1) Idem ibidem lib. 7.

item vir in tota Æmilia litibus judicandis, et cardinalium Pallavicini, et Barbarigi vice sacra functus. Dum eo igitur animo ipse erat, ut in eadem cum canonicis fortuna magis magisque quotidie conjungi cuperet; factum est, ut adversa semper valetudine conflictatus amanter susciperet Nicolaum Benium, qui ad archidiaconatus munus fuit admotus.

Haec inter, cum templum pontificale ea esset vetustate ut ecclesiae dignitatem minime substineret; episcopus Pieragostinus in illud animum intendit, ut meliorem in formam assurgeret, et anno 1743. iterum consecravit, 1743 antiqua die VIII. junii inaugurationis anniversaria (1) constituta. Et hic praetereundum minime est, antistitem Franciscum Sperellum elapsis annis suo sumptu sacellum Mariae virginis Carmelitae a fundamentis extruxisse, ac locupletasse. Sed uti civitatis, ita Ecclesiae non unam semper, sed variam pro varietate temporum conditionem esse, quoad incolatum et civium solum, satis superque erat in factis. Publica narrant monumenta, cives ab initio unicum incoluisse castrum in montis nigri

(1) Ex publicis monumentis.

apice. Ibi, coercito aedium ambitu, civibus lares, magistratui aedes, canonicis templum, episcopo tandem sedem constitisse. Exploratum insuper est, aucto civium numero et cultu, honestiores incolas ad montis radices paulatim commigrasse. Scio etiam, omnium primos urbis decuriones huc aedes publicas, praesule Firrao praefecturam gerente, anno 1722. transtulisse. Nam cives ad publicos actus explendos aptiorem sibi locum quaeritabant modo in *lodiis*, modo in *porticu*, modo in *aula*, et *mansione* (1).

Ad haec quum animum animadvertisset Benedictus XIV. intellexit, nihil commodius statui posse, quam templi maximi, et sedis episcopalis locum commutare. Hinc inter caetera, quae constitutione complexus est edita 1748 X. Kalendas maii anno 1748., specialissimas tulit leges. Et initio perspicuens, quod in fre-

(1) *In lodiis divi Augustini* 27 maii 1583. ex lib. com. nostrae pag. 6. — *In porticu divi Augustini de more* 21. octobris 1583. pag. 38. — *In mansione Dni Alphonsi Masciarelli in platea magna* 16. septembris 1595. pag. 258. *In aula Misericordiae* 3. januarii 1722. pag. 2. *In palatio consulari sito in platea magna* 20. aprilis 1722.

quētiſſima civitatis parte aderat abbatialis ec-
 clesia ſancti Laurentii in doliolo cum adnexis
 aedibus; hinc episcopo et capitulo de nova
 ſede, et ecclesia cenſuit providendum. Mox
 remedium laturus incommodis omnibus, non
 tam episcopum hortari, quam propemodum
 cogere viſus eſt, ut rem ipſe ad finem per-
 duceret. Imo hujus propoſiti adeo tenax fuit
 Pontifex, ut in hac cathedralis decreta immu-
 tatione plura praescripſerit, quae effectus gi-
 gnere debebant irretractabiles. Haec Benedic-
 tina constitutio non potuit in omnibus statim
 exitum promereri. Sed ubi gelidos cineres die A. C.
 27 julii anni 1759. Archidiaconus Nicolaus Be- 1759
 nius apud Geneſinos reliquit, et Dionysius Gen-
 tilius de Rovellono, pius ſane homo, et pru-
 dens vir, et agendis rebus in primis idoneus,
 Nicolai ſucceſſor fuit ſalutatus; atque ubi vi- A. C.
 tam amiſit anno 1761. cardinalis Raynerius de 1761
 llejo, abbas commendatarius divi Laurentii; illi-
 co abbatiale tribunal, ceſſit episcopi juridi-
 ctioni, et abbatialis palatii pars futuro abbati
 addicta, reliqua vero episcopo. Nec minori ala-
 critate properatum fuiſſet ad cathedralis tranſe-
 lationem, niſi in ea tantisper ſupersedendum
 ſibi propoſuiſſet episcopus Forlanus, ut eas

inquireret causas, quas archidiaconus Gentilius de scripto exhibuerat praecavendi gratia quodlibet damnum capitulo obventurum.

- A. C. 1763. *post* Omnibus tamen posthabitis, episcopus collatam sibi potestatem explevit anno 1763. die 14. novembris cum translatione *cathedra-
litatis* ita diotae ab ecclesia sancti Severini in eam divi Laurentii. Non minor fuit episcopi cura in aliis exequendis, quae Pontifex praescripserat. Inter caetera, onus reparandae novae cathedralis iisdem incumbere statuit, ad quos de praeterito templi sancti Severini conservatio pertinuerat. Quae verba cum nonnihil laedere viderentur antiquioris capituli libertatem, jamdiu ab anno 1587. ut supra acquisitam; hinc idem episcopus ad conquestionem archidiaconi Gentilii de Rovellono factam anno 1763. die 5. novembris dubium omne diluere coactus fuit. Huic vero translationi Pontificis jussu peractae plausit episcopus, qui in ea perficienda nil amplius cunctandum putavit. Plausit Cardinalis de Comitibus abbas commendatarius, cujus indemnitati consultum remanebat. Ast, triennio vix elapso, tentatum fuit translationem praepedire apud archiepiscopum Firmanum, qui tum erat in civitate

nostra pro expediendo negotio abrogatæ societatis sancti Antonii de *Casalunga*. Mox idipsum apud nonnullos, quibus tamen capitulum restitit. Ubi vero hæc nihil proficere senserunt cives, perantiqui templi principis studiosissimi, rem palam expugnandam aggressi sunt. Anno 1765, in quo episcopus Forlanus translatus fuerat ad sedem civitatis Castellanae. Tum a Clemente XIII. totius rei summa demandata fuit Cardinali de Rubeis, et eodem anno die 29 novembris inopinata prodit lex pro reductione in pristinum, quam subinde a Pontifice ratam fuisse retulit idem Cardinalis die 6. decembris.

Capitulum suis firmiter juribus inhaerens sua ab ecclesia divelli passum non est, nisi postquam inde recedere coactum fuit die 29 decembris ejusdem anni, auctore Petro Boscarino canonico ecclesiae nostrae tum vicario capitulari, et deinceps episcopo Tiphernate, cui Cardinalis de Rubeis die 25 decembris rem modis omnibus curandam praeceperat. Longum esset referre conquestiones Cardinalis abbatis, quibus leniendis plures prodierunt declarationes, quas taciti præterimus. Hinc nonnulli potestatem sibi vindicarunt concedendi Pio Piermar-

tino abbati monachorum cisterciensium ecclesiam divi Laurentii. Curam tum in se trans-

A. C. stulit Cardinalis Cavalehinus providendi cultui
 1766 ejusdem templi, et dedit anno 1766 die 11
 julii urgentes literas ad episcopum Prospe-
 rum, ut omni, quo poterat, modo ipsi con-
 A. C. sultum remaneret. At hæc anxia sollicitudo in
 1770 irritum cessit. Interim denatus est anno 1770
 die 30 augusti Dionysius Gentilius de Rovel-
 lono, et nihil minus quam dignitatem cogita-
 bat, imo, rebus ita fluctuantibus, eam perhor-
 recebat. Carolus, Valentinus, qui apud nos
 canonicum agebat. Sed factum est, ut anno
 mox laudato ad eam merito sublegeretur. Non-
 dum enim juventutis annis expletis id lucu-
 lenter ostenderat, se ingenio ita abundare, ut
 quocumque animum applicuisset, posset excel-
 lere. Gratus, atque acceptus summis, mediis,
 infimis cum singulari benignitate vivebat. Qua-
 re vicem mox sacram episcopi gessit.

Haec inter venit dies, in qua disputari
 opus fuit, an et ad quem spectaret reparatio
 ecclesiae sancti Laurentii, et prodijt anno 1772.
 die 5 junii speciosissima resolutio, per quam,
 reditu facto ad benedictinum diploma, putavit
 cardinalis Cavalehinus, reparationis onus dime-

tiendum esse ex ecclesiae dominio. Hinc re perducta, senserunt canonici, sibi egregie illudis; et, facto silentio, sua jura seorsim ab episcopo tueri studuit capitulum, ac ad urbem archidiaconum Valentinum legavit, ut, collatis cum cardinali Marefusco abbate commendatario consiliis, rationem inveniret, qua, rebus omnibus in ordinem redactis, utriusque ecclesiae dignitati consultum remaneret. Hinc Cardinalis ipse, hinc episcopus noster, suum quisque votum,

A. C. exhibuerunt; hoc tamen discrimine quod prior
 1773 Pontificis studiis anno 1773. die 25. junii in-
 1776 servire adnixus est: alter anno 1776. die 5
 januarii plura sibi e calamo, et ore excidere permisit dissona ab iis, quae pridem propugnauerat. His ergo ita se habentibus, sistit capitulum in Cardinalis Pamphili conspectu, et diem illuxisse sibi merito gratulans, quae cum suis, tum ecclesiae septempedanae rebus afflictissimis diu quaesitum, sed nunquam hactenus inventum afferret praesidium; ad pontificii rescripti formam definiendum proposuit dubium, cui idem cardinalis anno 1776. die 13 septembris censuit rescribendum *pro expeditione bullae moderatoriae*.

Joseph Vignolins, qui ad Carpentoracten-

nosse si quis cupit, literas consulat fuse admodum ea recensentes. Ubi Pontifex, quae canonicorum rebus conducere ad quietem perpiciebat, cognovit eos diligenter commendasse; anno 1790. suo cum diplomate lato Romae apud sanctum Petrum XIII. kalendas junii capitulum honestandum sibi esse atque ornandum putavit. Ipse igitur in perpetuum cavit, ut archidiaconus veste serica violacei coloris, cappa magna cum supparo, canone, atque lychneolo uteretur. Mox indulsit, ut (1) archipresbyter, caeterique canonici per hyemem suppari, et cappae magnae, per veris et autumnii tempora suppari, et cappae magnae sine pellibus armellinis, per aestatem ejusdem suppari, et superpellicei ornatum gererent. Hinc illud cogitare est aequissimum, ut, quoniam Pontifex honoribus cumulos archidiaconum, archipresbyterum, et canonicos voluit (quorum primus non aliis insigniis, quam superpelliceo cum supparo antiquitus decorabatur, alii vero superpelliceo atque almutia) non ipsi minus ad bene de apostolica sede merendum cives excitarent singulos, quam illam ad templum

(1) Ex tabulario capitulari.

maximum amantissime complectendum ii erant cohortati.

Et revera cives certiores sunt facti, eidem Pontifici placuisse Angelum Antonium Anselmum sacris solutum vinculis, quae eum Ter-
 1792 racinensi ecclesiae feliciter obstrinxerant, ad
 A. C. hanc sedem regendam vocare. Eum pacis au-
 1798 ctorem anno 1798. cives experti fuerunt: ipse templum maximum (1) in splendidiorem formam redegit, donis locupletavit. Nec dissimulandum est id quod Petrus Jacobus Scina-Gentilius suis cum tabulis significavit capitulo de duobus aliis canonicatibus suo censu creandis. Quae receperit interim e civibus archidiaconus Valentinus ad annos plures voluntatis indicia, praesulis Anselmii sacra vice perfunctus, late graviterque quisque dignovit. Charus cardinalibus Rovarello, Caracciolo, et

(1) Angelo Antonio Anselmio Viterbiensi
 episcopo Septempedano
 catholicae ecclesiae juris

in perduelles synodi Pistoriensis propugnatores strenuo vindici
 templique hujus epystiliis auro obductis
 picturis aliisque ornamentis illustratori munificentissimo
 ordo canonicorum
 grati animi monumentum antistiti optimo benemerenti P.
 anno Dñi MDCCCXVII.

de Petro, vero pastor, et parens ad episcopalem dignitatem esset promotus, nisi cathedrae fastigium modestissime recusasset. Vir dicendi robore eximius, festiva varietate mirabilis denatus fuit anno 1811. die 22 Augusti.

Data haud multo post Ecclesiae pace, et ad Petri cathedram Pio VII. restituto, difficile dictu est, quanto Italiam solatio recreavit exoptata ejus praesentia. Ipse archidiaconi munus detulit Francisco Collio, qui in collegio nostro canonicum gesserat, omnisque christianae rei studiosus cultor plura in religionem contulerat, et antistitis a vice sacra tum erat. Mox episcopalem hanc sedem Jacobo Ranghiascio Brancaleonio conferens existimavit, id omnibus, cum Pontificis, tum ipsius causa, cujus plurima in romanam rem officia semper extiterant, voluptati fore. Dum ita dies referebantur in melius, et eidem Pontifici aliquid gaudii degustare contingebat; in publicam utilitatem haud peccare timuerunt, qui ad annos plures de recensita in pristinum cathedralis reductione siluerant, et Pii aures novis morati sunt precibus. Haec inter archidiacono Collio vita functo, voluit Pontifex, ut Pio Parteguelio anno 1817. dignitas traderetur. In

hoc et capitulo gratum ipse fecit, et virum sibi pridem valde deditum eo beneficio magnopere sibi devinxit. Dein placuit Pontifici cathedralis translationem ita temperare, ut per vetustum templum maximum splendore mini-

A. C. me nudaretur. Imo negotio se totum addixit, 1820 et anno 1820. die 19 maii novum pontificale templum augmento exornavit, illud perpetuo ditiori censu ditando. Mox suis cum literis da-

A. C. tis Romae apud sanctam Mariam majorem an- 1821 no 1821. die 22 maii societatis augustinianorum eremitarum ecclesiam catholicam dixit.


Perficiendum vero opus episcopo Ranghiasco reliquit, qui congregationem consuleret, quam in id Pius instituerat ex quatuor capitularibus, et totidem primoribus civibus coalituram, Josepho Oliverio, Joanne Baptista Collio equite militiae etruscae stephanianae, Nicolao Lutio marchione, Severino Servantio comite. Horum prior in impensas hujus translationis ergo faciendas contulerat pii operis Scina-Gentili redditus ad annos plures percipiendos. Postea quam ardentem Pius episcopi curis hac de re studeret, testis fuit peramplum eremitaе sacerdotium templo principi addictum cum lite-

A. C. ris Romae datis apud sanctam Mariam majorem 1823 anno 1823. pridie idus junii.

Pio VII. caelestem in patriam a Summo revocato, ac restituto Deo, ejus in locum sublegitur, et pontifex declaratur Leo XII. Ipse anno praedicto die prima novembris rescripsit episcopo, cathedralis translationem in divi Augustini aedem confirmasse. Tum episcopo nihil prope fuit antiquius, quam ut templum id, quod in tota dioecesi longe omnium maximum esset, dignitate exornatum esse videretur. Itaque totius operis forma confecta, ornata et sacello, quod a sanctissimae eucharistiae sacramento nomen habet, privata impensa ab equite Joanne Baptista Collio erecto; suum in omnes episcopus Ranghiascius cultum prae se tulit.

Mortuo haec inter archidiacono Parteguelio, quem paucis his verbis prosequi volumus tamquam testibus nostrae in eum voluntatis, et muneris praestanti integritate acti; Leo XII. in ejus locum praefecit Camillum Margarutium virum praestantem, qui archipresbyterum gerebat. Hinc episcopus novum divi Augustini A. C. pontificale templum anno 1827. die 29 junii 1827 solemnibus caeremoniis dedicandum curavit; et die decima quinta augusti universum canonicorum ordinem inibi transtulit. Dein Leo con-

A. C. stitutioni Benedictinae rursus inhaerens anno 1828 1828. die 22 augusti imperavit, ut sancti Severini templum franciscalibus minoribus reformatis addiceretur. Literas ea de re cardinalis Carolus Odescalchius conceptis verbis dedit episcopo, qui die tertia novembris ejusdem anni apostolica jussa confecit, perantiqua aede maxima *concathedralis* titulo honestata.



V.

De Clericorum Seminario.

Auspicata literarum tempora, quae Eugenius IV., et Nicolaus V. bonis artibus procuraverant, nonnisi sub Leone X. rediere, cujus insigne erat erga liberales disciplinas studium ab atavis, Cosmo proavo, et Laurentio patre haustum. Praedecessores enim Pontifices gravissimis curis, bellisque impliciti augendae rei literariae incumbere minime potuerant. Et quamvis sub Clemente VII. res publicae denuo turbatae essent; diuturna tamen non fuit literarum calamitas, et sub Pontificibus successoribus omne disciplinarum genus publice tradebatur. Id Tridentini patres, ad Ecclesiae, et bonarum artium instaurationem nati, augere, et ornare pro viribus laborarunt, dum legem ipsi tulere, ut clericorum Seminaria excitarentur. Ne tanto igitur bono cives nostri carerent, studium omne in illud posuere. Et nos hic edocebimus, quae origo, quae vicissitudines Seminarii Septempedani fuerint.

Berardi Bonjoannis episcopi Camerinensis studium in res nostras cognitum habuerunt cives, ex quo Rhanusii Farnensis Picentum legati negotia procurabat, et a Pio IV. ad Sigismundum Augustum Poloniae regem missus ea (1) gerebat, quae ad futurum concilium pertinerent. Sed ipse tñm, quae suae erant partes, in ornandis nostris eas implevit, cum ex sacro Tridentino conventu ad sedem reversus perquam diligenter curavit, ut Clericorum Seminarium inter nos institueretur. Jure ita-
A. C. que in laude versabitur id, quod ipse suo
1566 cum diplomate lato anno 1566 die 27 juli
hac in re providentissime constituit (2).

Multa de ejusmodi ephebeo patriae viri in curiam conventi (3) anno superiore erant locuti. Imo illius splendorem (4) aere publico amplificare ipsi duxerant, ut ea episcopi auxilio, et oppidi commodo accederent incrementa, quae abbati santi Laurentii, Lucae Tardolo, Guilliemo Severano, canonicis templi maxi-

(1) Ughellius de episcopis camerinensibus.

(2) Ex tabulario capitulari.

(3) Ex lib. reform. ann. 1565. 12. augusti.

(4) Ex lib. cit. ann. 1567. 7. aprilis.

mi, Emilio Vannutio, Burghesio Fattorinio, Marco Antonio Nutio, Metello Talpa, Fabio Lazzarellio, Marco Antonio Margarutio, (1) nunciis ad Berardum missis ad perficiendum illius statum, deesse viderentur. Et quae sane partim in firmando Seminarii ordine, partim in facultatum accessione consistere ipsi intelligerent; ea tunc studiose praestare non omiserunt. Quare eis commodare de aede, et templo ss. Salvatoris extra moenia canonici ecclesiae nostrae voluerunt. Dum ita alter videbatur vinci ab altero in officio noluisse; profecto omnibus pergratum evenit presbyteros nonnullos conspicer eundem in locum convenire, et sub eorum procuracione clericos A. C. in disciplinam se tradere anno 1569 (2). 1569

Hac in re maxime (3) enituit Camillus Severinius Genesinus, qui in humanioribus primum valde eruditus evaserat, gravioribus deinde studiis intentus Neapolim concesserat, ubi

(1) Ex diplomate Berardi ep. cam. servato in archivio capitulari.

(2) Ex mss. Felicis Achillaci apud Josephum Ranaldium.

(3) Ex eodem loco.

de se egregium periculum prae buerat. Et quia huic plurimum deferebat Antonius Talpa; ubi in patriam ex Spoletana praetura ipse remeavit, clericum induit, et in collegio nostro insigniter claruit. Sed suis etiam virtutibus illud exornarunt Felix, et Mutius Achillaeus, aequae Bartholomaeus germanus frater, vitae sanctimonia admirandus. Horum exemplo Petrus Martinus Saxolinus commotus in eorum numerum se recepit. Vixerunt in eadem societate Consalvus Saladinus, Innocentius Felitius, Arsenius Talpa, Petrus Paulus Scampius, et Ferrantes Saladinus, vir morum suavitate, supra quam dici potest amabilis, qui mox a Caesare Baronio cardinale Romam adscitus fuit. Ob vero spectatam vitae rationem Severinus Tarazzanus familiam susceperat in fidem; et cives quo genere gratulationis uterentur, non satis explicatum habebant, vel habebant potius, ac plane sciebant. Nam semper optimi cujusque civis gloria cum reipublicae gloria conjuncta est: neque clara esse ulla respublica potest sine suorum civium splendore.

Et quia episcopus Berardus non poterat facere, quin canonicis commendaret clericos; nihil habuit jucundius, quam ut Seminario

esset in eorum aedibus (1) majori cum dignitate locus. Quare suis cum literis datis anno 1569 die 3 octobris negotium Priori, et capitulo diligenter commendabat. Quicquid enim in Seminarii rem de opera sua erat ullo unquam tempore (2) collaturus episcopus Ariminesis, abbas commendatarius sancti Laurentii; id omne in clericorum causam abbas ipse jam conferebat. Et quidem hac in re tantum valisset Berardus apud canonicos, quantum ipse debebat; et dedisset operam, ut eos facti nunquam poeniteret. Sed dolorem sane incredibilem ex Berardi morte perceperunt cives. Et duae erant causae, quibus commoveri omnes deberent ad luctum: una, quod oppidum parente amantissimo destitutum; altera, quod clericos patrono selectissimo privatos viderent. Itaque et nos doleamus necesse est, illius obitu maximum ephebeo praesidium non solum fuisse sublatum, verum etiam ss. Salvatoris A. C. aedem divenditam, Seminario ipso abrogato (3). 1576

Tum fuit aequissimum, ut ab optimis ci-

(1) Vide literas Berardi ep. apud eundem Ranaldium.

(2) Ex eodem loco.

(3) Consule caput IV.

vibus clerici nostri sententiam peterent iis in rebus, quae magnopere ad totius vitae rationes pertinerent. Quare uti tempus non defuerat Ciccolino Margarutio ad urbem venire, in divi Philippi familiaritatem (1) admitti, et in tanto ejus desiderio versari, ut, Nerio suadente, longa Ciccolino necessitudo cum divo Carolo Borromaeo cardinale esset, et Mediolani (2) hospitium vetus; ita ejusmodi vivendi consilium a Margarutio excogitatum non admirari unquam desinebant Antonius Talpa, Mutius, et Bartholomaeus Achillaeus, aequae Petrus Martinus Saxolinus, qui Seminarii negotiis nuntium remittentes Romam non prospectare, sed tangere cupierunt. Et haec me sane mirabiliter adhuc delectant. Tum enim ii Philippianorum societatis inter nos fundamenta ponere meditabantur, et quantum Ne-

(1) Baccius in vita s. Philippi lib. 3. cap. 3.

(2) Ex epistola divi Caroli Borromaei cardinalis sanctae Praxedis data anno 1584. die 23. augusti ad urbinatum Ducem. Est apud archidiaconum Camillum Margarutium perpetua me honestandi voluntate ductum, ex qua accessionem factam fuisse video iis in rebus instituendis.

rius, qui Bartholomaei Eustachii civis nostri (1) jam studiosus fuerat, eos deinceps amaret, ipse fuit optimus testis (2).

Sed uti etiam honestae postulationes auctoris cuiusdam omnino indigent; Franciscus Maria Tarugius Nerium rogavit, ut Antonium in primis audiret. Quod enim Antonius postulabat, ut in presbyterorum collegio socium esse ipsum Nerius juberet, in eo Tarugio quidem videbatur reipublicae habere rationem. Et eum ad gloriam demortui ephaebi nostri ita Nerius hac in re gratia sua ornavit, ut

(1) Bartholomaeus Eustachius ex oppido Sanctiseverini in Piceno, celeberrimi nominis anatomicus, praecerat cathedrae practicae medicinae, hora vespertina, anno 1561.... simul cum Hippolito Salviano.... Is primo in patria medicinam fecerat, tum protomedicum egerat apud Urbini Ducem. Sed anno 1549. Romam ductus est a cardinale Julio Roboreo ducis Urbini fratre, ubi in maximo fuit pretio, receptus in archiatrorum coetum, medicus s. Caroli Borromaei, s. Philippum Nerium aegrotantem in oratorio adiit, ut ex Baccio constat. Anno 1574. dum ex urbe peteret Forum Sempronii, causa curandae valetudinis Julii Roborei cardinalis, cujus medicum gerebat, obiit in itinere. — Ex opere Josephi Carafa inscripto — *De professoribus gymnasii romani* — fol. 355.

(2) Baccius in vita s. Philippi pag. 450. 236 — Fontana *La gerarchia ecclesiastica* pag. 36. 39.

intelligeret quisque, se favere hominibus pietissimis, eosque (1) muneribus cumulare. Mox

(1)

Antonius Talpa

apud septempedanos in piceno natus

Romae inter primos s. Philippi Neri discipulos cong.

oratorii adscriptus

Neapolim ab eo ad oratorium instituendum

cum Francisco Maria Tarugio

missus

alumnos ibidem congregavit ac erexit

domum fundavit

reditus annuos acquisivit

ecclesiam duodecim columnis illustrem a fundamentis extruxit

monasterium virginum s. Josep. instituit

aegrotos zenodochii quotidie visitandos

ac liberalitate reficiendos primo curavit

plurimaque alta sempiterna laude digna vivens perfecit.

Summa clarus in rebus omnibus animi tranquillitate

in arduis fortitudine

in secundis modestia

in adversis longanimitate

mira in negotiis dexteritate

insignis prudentia iudicio singulari

ardentissima in proximos benevolentia

in superos pietate

in Deum religione

totus Dei totus congregationis obiit Neapoli anno 1624

die 14. januarii

vixit annos 88, menses 9. dies quatuor

in congregatione quindecim Romae, Neapoli 38.

Consule Hieronymum Talpa in hist. septemp. mss. lib. 6.

idem Tarugius Petro Martino optime satisfacit, et in eum postea oculos coniecere Mutius, et Bartholomaeus, quibus nihil optabilius contingere potuit, quam Philippum habere pietatis, et consiliorum veluti socium (1).

Dum haec Romae agebantur, nullum boni civis officium praetermittebat Laurentius Laurus, ut nihil Camillo Severanio, Arsenio Talpa, aliisque jam Seminario mancipatis deesset ad eorum protectionem (2) in sacram Majestatis aedem, ubi non domesticis curis, non publicis, non amicorum officiis a pietatis, literarumque studio interpellarentur. Sed mox propter hospitii infrequentiam mutarunt consilium, et occasionem nacti seorsum lares tetigerunt nauseantes. Sed illis molestiam omnem abstersere Bartholomaeus, Mutius, et Petrus Martinus, qui in patriam reversi ad clericos instituendos prope ecclesiam divi Benedicti (3) accademiam Floridae nuncupatam aperuerunt, prima societatis Philippianorum semina jacentes. Hoc tamen in ludo valde omnium civium

(1) Ex lib. diversorum Mutii Achillaei alias *Relato*.

(2) Ex citato mss. Felicis Achillaei.

(3) Coluccius ant. pic. vol. 6. pag. LVII.

sermone laudatus fuit Joannes Severanius, de
cujus ingenio, doctrina, probitate sermo re-
dibit.

Haec inter datos, qui praeesset Ecclesiae,
A. C. Felix Perettus Cardinalis a Montealto, qui Sixti
1585 V. nomen assumpsit. Vir in omnibus fere scien-
tiis eruditus, et a musis minime (1) alienus
omnimodam in Ecclesiae ditione literarum cu-
ram gerebat. Quare nullus de rebus et nostris
fuit eo studiosior. Imo civium gloriae arden-
tius prospiciens, ex quo (2) Ferrantes Eusta-
chius Bartholomaei filius nonnulla ei nuncu-
paverat, civibus ipsis praecepit, ut eorum mu-
nus esset tuendi abrogati Seminarii jura (3).
Mandato sibi muneri episcopus Martiarius sa-
tisfacere aggressus quidem fuit. Sed omnis la-
bor impensus incassum cessit ei, et duobus (4)

(1) Carafa de professoribus gymnasii romani pag. 453.

(2) Ferrantes Eustachius Bartholomaei filius, et ipse
medicus collegii, alter medicinae practicae professor ab anno
1581. per annos novem. Docuerat in maceratensi gymnasio
medicinam. Edidit *disputationem de vitae humanae a facul-
tate medica propagatione*, quam Sixto V. pontifici maximo
nuncupavit — Carafa ex opere relato pag. 358.

(3) Consule bullam hac de re editam a Sixto V.

(4) Ex relatione ad Limina ann. 1634.

episcopis, qui ei in praesulatu successerunt. Ubi vero antistes Maidalchinus cognovit a Philippianorum societate homines literatos recenseri, constituit reipublicae causa eam societatem convenire, ut aliquid afferre adjumenti clericis posset. Sed cum improvisis Cardinalis A. C. Carafa literis datis anno 1649 die 28 martii 1649 episcopus impulsus statuisset Seminarii (1) res conficere; negotium omne Philippianis tradidit. Et uti nihil non modeste cupiebat episcopus, A. C. nihil non verecunde; curavit, ut anno 1658. 1658 die 26 decembris clericis Seminario institutendis locus esset (2) ad tempus inter presbyteros recensitos. Et id quidem tum fuit proprium civium pientissimorum. Nam Priamus Benius ad augendam urbis nostrae dignitatem scientiarum, et bonarum artium studiis, anno superiore pridie nonas novembris constitui oportere literariam Agitatorum rempublicam fauste quidem cogitaverat sub auspiciis Antonii Barbarini cardinalis. Et utinam eorum similes in republica multos viros haberemus! (3)

(1) Ex libro decretorum curiae episcopalis.

(2) Ex actis Joannis Francisci Saccarellii.

(3) Penes Josephum Ranaldium vide Agitatorum acta,

Imo quia tunc deerant profecto, qui, ut multa saepe alia ejusmodi, sic etiam supervacaneam esse hanc ipsam operam putarent; cives (1) in Almontem Ciatium oculos conjecere, quibus tunc satisfacit, cum Seminarii rem familiarem auxit, eique aedem, quae in urbe prope nundinarum januam inspiebatur, donodedit. Sed mox facile sibi persuasit episcopus, se clericis rem gratam esse facturum, si ex Ciatiana mansione ad aliam pontificali templo (2) proximiorum eorum societatem transferret. At dum opus Maidalchinus assiduis votis prosequabatur; maximum sui desiderium relinquens decessit. Sed brevi cives gaudio fuerunt affecti

A. C. ex iis rebus, quas ab Ignatio Achyllaeo anno 1686 1686 die 22 januarii acceperunt, quibus clericis ipse significabat, quam humaniter in eos (3) beneficium contulisset. Et haec scripsimus, ut scirent posteri, Ignatium nedum egenti ephoeo uni opem praestitisse, aede sua testa-

et signum cum verbis — *Acad. Agitatorum s. Severini* —
potius augent —

(1) Ex relatione ad limina ann. 1659.

(2) Ibi.

(3) Ex rogibus Joannis Baptistae Vilimbenii.

mento legata, sed et dioecesi etiam. Nam nec est quicquam tam proprium bonorum civium, quam benefacere quamplurimis.

Oportunum tamen auxilium Deus non afflavit episcopo Nigrellio, ut cum juribus se- A. C. cessus (1) divae Mariae Magdalenae anno 1689. 1689 abrogati, aliisque sacerdotiorum fructibus opus tam pium ad majus publicae utilitatis incrementum assurgeret. Sed cives, si ad ephebeum aliquid erat addendum de praefectura cardinalis Petruccii episcopi Aesini, sibi tum facile persuaserunt, Maidalchinum Seminarii patronum minime decessisse, cum ipse, Inno- A. C. centio XII. jubente, anno 1694. adfuit inter 1694 nos, et die decima tertia septembris tam praecipua (2) hac de re capita perstrinxit, ut viderent omnes hoc in loco, non rempublicam pro Pontifice agere solummodo velle eum, sed etiam philosophari. Cum primum vero episcopalem hanc sedem Alexandro Calvio donatam esse gratulata fuit civitas, cognoverunt omnes, vel una ex Seminarii parte, quam ve-

(1) Ex relatione ad Limina ann. 1689. et 1692.

(2) Ex visitatione Petrucci f. 21. et 40.

A. C. ram habuissent causam gratulandi. Nam anno 1705 die octava julii eidem perpetuo consuluit fructibus societatis, quae (1) a diva Barbara nomen habebat, et in recensitam

A. C. Ignatii Achillaei aedem anno 1714. Seminarium transferendum duxit. Et hoc episcopo Pieraugustino auspiciis etiam evenit. Nam occasionem istam arripuit, ut curam omnimodam (2). Seminario posset inscribere. Quare id minime desiderandum reliquit, quod opportunius reperiretur ad pueros cum omni honestate imbuendos, tum etiam optimis artibus erudiendos.

At non satis mihi videor posse ullis verbis testatam episcopo Vignolio facere magnitudinem laetitiae meae; quoniam eum operam dedisse scio, ut esset inter nos historiae ecclesiasticae academia, quoddam quasi atrium, in quo se appararent ii, qui ad intimos theologiae adytus erant admittendi; et clericos ab antistite Forlanio confirmatos esse in ea vitae ratione (3) valde quidem gandeo. Neque enim

(1) Ex visitatione episcopi Calvii.

(2) Ex Synodo episcopi Pieragostini.

(3) In septempectuna s. Severini hist. sacrae academiae Fulginei 1761.

verebatur ipse, quin ea de re voluptatem, atque fructum et caperet ipse, et reipublicae daret, afferretque prudentia, ac sapientia sua. Et iter sane patefactum fuisse ad laudem clericis video; sed reliqua haud peperit, haud accumulavit dies, etsi viris bonis artibus, et liberalibus disciplinis instructis, scientiisque informatis placuisset deinde Aborigenum potentinam coloniam inter nos constituere, cives in eam sodalium nomine adscribere, legesque (1) A. C. omnium consensu rogare anno 1782. die 9 1782 Aprilis.

Sed episcopus Anselmius collegium hoc nostrum praecipua quadam voluit charitate complecti. Et haec quidem res nihil civibus novae voluptatis attulit: nam ita futurum existimabant, non conjectura ducti, sed certa quadam opinione animi, ac iudicio maximis illius in rempublicam meritis confirmato. Ista tamen episcopi declaratio voluntatis erga res literarias omnibus ordinibus jucunda sane fuit. Et A. C. patriae viri in curiam conventi anno 1793. 1793

(1) Aborigenum coloniae potentinae acta, et signum cum verbis — *Aborigenum colonia potentina* — *Jaceo sed curro* — extant penes laudatum Ranaldium.

die 17 martii audierunt, Antonium Servantium comitem; (1) domum ex Lucensi praefectura reversum, auctorem primum esse de scholis publicis Seminario uniendis. Neque illud praetermittam, quantam cives tunc voluptatem ceperunt ex literis (2) Cárdenalis Carandini boni regiminis praefecti rem latissime confirmantis. Sed omnibus nuntiis, quae Seminarii curatoribus afferri eo tempore potuerant, longe gratius fuit id, quod est ea de re a Francisco Maria Lutio Subdatario (3) ad episcopum

(1)

D. O. M.

Antonio Servantio patric. septemp. comiti J. C.
jud. adpell. Fabriani praet. Tiphernat. Tiberin. Lucae
V. Q. viro silit. jud.

Septempedae sub duobus Praesul. PP. et jud. ordinario
patriae legato Tolentinum Pio VII. P. O. M. profelici red. gratulando

V. claro docto integro religioso avitae virtutis acmulo
patruo de se opt. mer. Raphael comes Servantius ex A. H.
cum lacrimis titulum honorarium P. C.
sodales dominiciani L. dd.

ob. III. kal. oct. MDCCCXXII. v. a. xcvi. m. ii.

dep. in aedicula Antoniana ad villam Servantium.

Prostat in aede dominiciani.

(2) Ex lib. cons. ann. 1793.

(3) Franciscus Maria Lutus patricie nobilitate septempedae natus. Firmum primum, mox Romam profectus ad omnem

perlatum, Pium VI. suis cum literis datis apud A. C. sanctum Petrum anno 1794. VI. idus martii 1794 prioribus Seminarii juribus perampla sacerdotia addixisse (1).

Tum nihil accumulatus contingere unquam potuit antistiti Anselmio, summi ingenii, summaeque eloquentiae viro, quam occasionem alteram nancisci, qua suum in bo-

pietatem, et ad optima studia mirifice institutus est; diligentia, sedulitate, mansuetudine ingenii jam tum commendatus. Ubi Riminaldus, ac Bassius inter XII. viros stlitibus appellationum judicandis fuerunt cooptati, eorum adjutor extitit. Neapolim ad Siciliarum regem a Clemente XIII. internuncius missus rem sacram apprime juxta studio religionis, suavitate morum, et laude prudentiae. Dictus ab eodem Pontifice episcopus Reatinorum, mox Carpentoractensium a Pio VI. dignitatem forti animo respuit. Canonatu basilicae liberianae auctus, et praesul urbanus, et pro-magister beneficiis dandis, adtribuepdisque renunciatus officium a nemine suum desiderari passus est. Ingruentibus rei christianae periculis, fide in Pium VII. immobilis obiit Septempedae idibus julii anno 1812. annum agens nonagesimum quartum, inopia egentium sublevata, expectatione omnium sustentata, et expleta, Aloysius et Bernardipus ex marchionibus Votalarcae, fratris filii, patruo de se benemerenti titulum in Laurentiana aede nostra posuerunt.

(1) Ex tabulario episcopali.

harum artium studium aliquo magis illustri animi significatione posset testari. Itaque Seminarium tutelam clarissimae clericorum regularium sancti Pauli societati duxit concedere, ac ita bona copulare, ut ei onus esset cuicumque Seminarium defectui supplendi. Et primum quidem Pius VII. gratum fuit, quod de ipsa divi Pauli familia tam honeste episcopus et loqueretur, et sentiret: mox, quod apostolicam auctoritatem antistes rogaret, ut in moderatorum Seminarium subrogatione per Pontificem promulganda, Pontifex ipse ephrebeum, et iura eidem societati concederet. Et

- A. C. quia Pius Venetiis tunc erat, scripsit episcopo hac de re perquam diligenter anno 1800. die 24 maii. Habuit praesul primum etsi tenue, sincerum tamen laetitiae testimonium, cum totius Seminarium nostri, tum praesertim civium qui gymnasium ei obtulere omnino uniendum. Hoc quoque ad optatum finem perducto, nihil aliud in tam absoluta literarum instauratione erat optandum, quam ut posteritati per titulos, memoresque fastos tradetur munificentia Petri Jacobi Scina-Gentili marchionis, qui anno 1802. die 3 maii Seminario dono dederat aedem magnificam,

et sumptuosam, ut juvenes habitarent cultius (1).

Sed jam tempora extabant illa, in quibus omnes nullis non affectam injuriis deplorabant Ecclesiam. Et nos ideo perturbari etiam studia tumultu bellico, convellique Seminariorum jura permolestè sane tulimus. Ubi vero nonnullis civibus bonarum artium studiis incensis renunciatum fuit, Pium VII. ex laboriosa profectio-
ne gallica Romam multa cum laude sospitem rediisse; ad Seminariorum jacturam reparandam, cardinale Caesare Brancadoro Archiepiscopo Firmano literarum patrono usi fuerunt. Eorum enim sententiam de Philopistarum academia excitanda probari ab ipso vehementer laetati sunt. Mitto voluptatem illam, quam quidem cepi ad acta curanda academiae proventus, cum in sodales viros clarissimos, quos inter Honu-
phrium Minzonium, cooptari in primis cognovi.

Haec inter Jacobus Ranghiascius Branca-
leonius ad infulas nostras evectus, Seminariorum adsertor studiosus habitus fuit. Et quidem val-

(1) Ex actis Joannis Antonii Gentilii-Ave pater mi opti-
me, desideratissime, salve, atque aeternum vale.

de Pius VII. suis cum literis datis anno 1817 IV. nonas maii eum delectavit. Seminarii etenim res familiares fractas exhilaravit Pontifex, et tantum stipis e sacerdotio ad Castrum sancti Petri curari ei fecit, quantum clericis satis perpetuo esset. Mox patrocinio Leonis XII. fultus pro votis assequi non praetermisit divitem censum, cum quo theologiae disciplinae traderentur. Mox anno 1828. die 5. januarii novum episcopi contentionis specimen comiter excepit Leo, qui in mandatis dedit. Belisario Cristaldio Quaestori suo, ut uberius Seminarii incommodis consuleret. His de rebus tam praeclaris habe et nunc, optime pontifex, si quicquam cogitationum humanarum in te relictum, si tuorum curam adhuc geris, habe hoc quaecunque sit grati animi nostri pignus; et si nihil reperis in eo, quod tuae dignitati respondeat, offerentium saltem voluntatem ne dedigneris. Eosdem vero sensus exprimere alumnorum semper erit in episcopum Ranghiascium, et pueri inibi cooptandi ab utroque parente semper haurient, atque animo imbibent.

Caeterum hunc librum mihi conscribenti, in quo matutinae operae multum insumsi,

Joseph Ranaldius quamplura suppeditavit. Quare, ut ei gratum animum aliquo saltem modo tester, civibus persuasum volo, ejus humanitatem omni aëvo in memoria, et sensibus gratam, et jucundam insessuram meis. Nihil insuper omnino est, quod Germano Margarutio, et Severino Servantio Collio comiti jam non debeam, qui me aliis suavissimis monumentis ornarunt. Reliquum est, ut duobus in sequentibus libris de virorum, ac mulierum institutis, quibus nostrae dioecesis claustra ante et post cathedrae instaurationem fuerunt decorata, de caelitibus sanctis, et de episcopis disseramus. Interim si acciderit, ut hisce scriptis uti velint saltem cives; efficiam profecto, ut eorum erga me amoris satis esse factum existiment.

INDEX CAPITUM

LIBRI PRIMI.

- I. *De christianae religionis apud Septempedanos initiis* . . . Pag. 459
II. *De cathedra episcopali* . . . „ 168
III. *De dioecesi* . . . „ 188
IV. *De Canonorum collegio, et Templo maximo* . . . „ 209
V. *De Clericorum seminario* . . . „ 301
-